

**Ammasumik ataatsimiinnermi oqaluuserisassat:**

- Imm. 01** Oqaluuserisassat akuersissutigineri.
- Imm. 02** Allaffeqarfimmiit paasissutissiineq.
- Imm. 03** Kalaallit Nunaanni Qeqqata Kommunionilu inissialiornermut aningaasaliineq.
- Imm. 04** Eqqakkat pillugit Namminersorlutik Oqartussat nalunaarutissaattut siunnersuut pillugu paasissutissiissut.
- Imm. 05** Ukiup sisamararterutaata siulliani Maniitsumi Teknikkimut, Pilersuineranut Sanaartornermullu 2020-mi nalunaarutaa.
- Imm. 06** Maniitsumi iliveqarfiup allilerneqarnissaa aningaasaliinissarlu.
- Imm. 07** Nunamik ikuallattoornissamut upalungaarsimaneq.
- Imm. 08** Kalaalimineerniarfiup siunissaa
- Imm. 09** Aarrit pisassiissutit 2020.
- Imm. 10** Eqqakkat pillugit Namminersorlutik Oqartussat nalunaarutissaattut siunnersuut pillugu paasissutissiissut.
- Imm. 11** 2021-mut missingersuutinut ukiunullu missiliuuteqarfiusunut missingersuutinut kissaatit.
- Imm. 12** Sisimiuni puttasunut aningaasanik atuineq pillugu paasissutissiissut.
- Imm. 13** Eqqakkanut iliuusisatut pilersaarut 2020-2031 pillugu Naalakkersuisut siunnersuutaannik ilisimatitsissut.
- Imm. 14** Aatsitassanut aqutsisoqarfimmut tusarniaanermi akissuteqaat pillugu paasissutissiissut.

- Imm. 15**      **Maniitsup aqutsiveqarfiani 2020-mi tikaagullit sisamat qoorortoorsorluni pisassat agguaannissaat.**
- Imm. 16**      **Sisimiut aqutsiveqarafiani 2020-imi tikaagullit pingasut qoorotoorsorluni pisassiissutit agguaannerat.**
- Imm. 17**      **Nuna Sten og Grus-ip (NSG) 2020-imi immap naqqani atortunik piiaanissamut qinnuteqaataata akuerineqarnissaa pillugu tusarniummut, Qeqqata Kommuniata akissuteqaataa pillugu ilisimatitsissut.**
- Imm. 18**      **Maniitsumi Kalaalimineerniarfik.**
- Imm. 19**      **Aalisartut Piniartullu isumasoqatinginneq.**
- Imm. 20**      **Tamalaat.**

Ataatsimiinneq videokonferencei atorlugu ingerlanneqarpoq aammalu telefon allartippoq nal. 14:00

**Peqataasut:**

***Siumut***

Frederik Olsen, Jakob Olsen

***Atassut***

Siverth K. Heilmann

***Inuit Ataqaigiit***

Axel Lund Olsen

***Partii Naleraq***

Jens M. Lyberth

*Nalunaaruteqarlutik peqataanngitsut:*

*Otto Berthelsen*

*Nalunaaruteqaratik peqataanngitsut:*

**Imm. 01 Oqaluuserisassat akuersissutigineri**

Akuerineqarpoq

**Imm. 02 Allaffeqarfimmiit paasissutissiineq**

Allaffeqarfimmiik paasissutissiineq

Imm. 03 Kalaallit Nunaanni Qeqqata Kommunianilu inissialiornermut aningaasaliineq.

*Journalnr 10.00.04.*

### **Tunuliaqutaq**

Ilanngussaq 1-mi takutinneqartumi, inissianut tunngatillugu nalunaarut aallaavigalugu una innersuusiarineqarpoq.

Inissianut tunngatillugu nalunaarusiaq Teknikkeqarnermut Avatangiisinullu immikkoortortamit suliarineqarpoq, inissianullu tunngasutigut politikikkut saqqummiussanut ingerlasunut siunissamullu tunngavissatut atorneqassalluni aammalu ukiunut sisamanut atuuttussamut pilersarusiornermi periusissamut nutaamut atatillugu kingusinnerusukkut malinnaatinneqassalluni. Pisortat inissiaataanut tunngatillugu kommunit ataatsimoorlutik suleqatigiissitaasa suliaat aamma nalunaarusiami eqqarsaatigineqarput.

Nalunaarusiornermut atatillugu, INI A/S suleqatigalugu kommunimi inissianik pisariaqartitsineq pillugu naliliisoqarpoq. Inissianik pisariaqartitsinerup nalilerneqarnera, aammalu siunissami kommunimi inissiaqarnermut pissutsit qanoq aaqqiivigineqarsinnaaneraniq naliliineq nalunaarusiami aallaavigineqarpoq.

Taamatuttaaq inissianik pisariaqartitsinerup matussusernissaanut periarfissat allat pillugit misissuinerit pillugit nalunaarusiami eqqarsaatiginninnerit ingerlanneqarput, siusinnerusukkut 2019-imi septembarip 30-ani KB ataatsimiinnerani imaqarniliami imm. 16-itut "Sulisunut inissianik sanaartorneq avataanillu aningaasalersorneqarsinnaaneranut periarfissaq" allaffeqarfiup saqqummiussassaliarinikuusaa kiisalu 2019-imi sanaartornermut isumasioqatigiinneq Arctic Circle Business-imit aaqqissuunneqartumik aallaaveqarluni.

Kalaallit Nunaanni inissiat nalinginnaasumik pingaarnertut pisortanit pigineqartunik attartortakkanik inissianik, namminerisamik imaluunniit pisortanit pigineqartunik sulisunut inissianik, namminerisamik najukkanik aammalu piginneqatigiilluni inissianik peqarput. Maannakkut Qeqqata Kommunianu sulisunut inissianut aammalu inissianut illoqarfimmi ataatsimi kiisalu nunaqarfinnut marlunnut suliariumannittussarsiuqassasunut missingersuutitigut annikinnerusumik immikkoortitsinikuuvoq. Inissianut suliariumannittussarsiuussinerup ilusissaa nalunaarusiami suliarineqarpoq, tassani kommuniq inissianut missingersuusai tamakkiisumik sanaartugassanngorlugit neqeroortitsinertut suliariumannittussarsiorneqannginnissaat nassuiarneqarluni, tamannami Qeqqata Kommuniani unammillersinnaanermut siuarsaataanngilaq.

2020-mi marsip pingajuani inissiat pillugit isumasioqatigiisitsinermi, Namminersorlutik Oqartussat inissiaataannik kommunit tigusinissaannut siusinnerusukkut aalajangiinerup attatiinnarnissaa piviusunngortinneqarnissaalu Naalakkersuisunit borgmesteriniillu isumaqatigiissutigineqarpoq, tiguserlu 2022-mi januaarip aallaqqaataani atutilissalluni. Namminersorlutik Oqartussallu inissiaataannik kommunit tigusinissaat pitsanngorsarneqassasoq, tassani tunngavilersuilluarnikkut, matumanilu tigusermi atugassarititaasut tunngaviillu pilersinneqassallutik. Tassunga atatillugu, pisortat inissiaataanni aserfallatsaaliinissamut annertuumik kingulerussimanerit isumagineqarnissaat qulakkeerneqassalluni. Naalakkersuinikkut Ataqtigiissaarisooqatigiit isumaqatigiipput, Namminersorlutik Oqartussat kommunit suleqatigalugit pisortat ataatsimoorlutik suleqatigiissitatigut allaffissornikkut tigusinissap periarfissiuunnissaa siunertaralugu, aalajangiinnermut tunngavimmik piareersaasat. Suliamut tassunga kommunimi pisortaaneq allaffeqarfimmit suleqatigiinnik toqqaavoq, taakkulu pisortat ataatsimoorlutik suleqatigiisitamut Qeqqata Kommunianit tunniussisinnaaneriniq qulakkeerisuussallutik. Suliassat agguataarneqarnissaannut nalunaarusiami eqqarsaatiginnikkallarnerit saqqummiunneqarput,

taakkulu Qeqqata Kommuniani suleqatigiissitatut pilersinneqaqqammersumit peqqissaarnerusumik suliarineqaqqissallutik. Nalunaarusiap maannakkut saqqummerneranut, nalunaarusiaq sanaartornermut pilersaarutitnik pioreersunut aammalu inissialiornissamut aningaasaliissuteqarnissanut nutaanut eqqarsaatitnut tunngatillugu pingaarutilinnik imaqarneranut attuumassuteqarpoq, taakkulu maannakkut missingersuutitigut inissialiornissamut neqeroortitsinissamut aammalu 2021-mut kommunip missingersuutitnik suliaqarnissaanut atatillugu isiginiarneqarnissaanut pingaaruteqartuupput.

### **Maleruagassatigut tunngavigisat**

- Sanaartornermi neqerooruteqartitsisarneq pillugu Inatsisartut inatsisaat nr. 11, 2. december 2009-meersoq
- Pisortat oqartussaaffigisaanni suliffeqarfiinilu nioqqutissanik kiffartuussinernillu pisinermut tunngatillugu neqerooruteqartitsisarneq pillugu inatsisartut inatsisaat nr. 6, 12.6 juuni 2019-meersoq
- Illulioriternernut aningaasalersuineq pillugu Inatsisartut inatsisaat nr. 39, 23. november 2017-meersoq
- Inissiat attartortittakkat pillugit Inatsisartut pequssutaat nr. 2, 12. maj 2005-meersoq
- Piginneqatigiilluni inissiat pillugit Inatsisartut inatsisaat nr. 33, 23. november 2017-meersoq

### **Pissutsit atuuttut**

2020-p aallartinnerani illoqarfinni Sisimiuni Maniitsumilu pisortat inissiaataat attartortinneqartartut 1.891-iupput, taakkunangalu 825-t Qeqqata Kommunianit pigineqarlutik. Suliffeqarfiit Namminersorlutik Oqartussanit pigineqartut pisortat sulisunut inissiaataannik Sisimiuni 19-inik Maniitsumilu tallimanik attartorput. Namminersorlutik Oqartussat namminerisamik sulisunut inissianik sanaartortuuppata, kingullermut taaneqartumut pisortat inissianik attartortittagaannik nutaanik pisariaqartitsineq amerlaqataanik annikillisaataassagaluarpoq. Suliffeqarfinnut Namminersorlutik Oqartussanit pigineqartunut aningaasaqarnikkut kingunerisinnaasai, kommunimut sanilliullugu annikinnerpaaffianiissapput, tassa suliffeqarfiit aningaasaatitigut upalungaarsimanikkut annikilligaluartut, tamanna suliffeqarfiit sanaartornerinik annertusaassaaq.

Illoqarfinni marluusuni taaneqartuni pisortat attartortakkanik inissiaataasa ukiuni kingullerni ingutserinerit nutaanillu sanaartornerit oqimaaqatigiisinnerat tunngavigalugu, Sisimiuni taarsiullugu inissiat 50-it Maniitsumilu taarsiullugu inissiat 25-t pisariaqartinneqarnerat nalilernerpoq. Kisitsisini taakkunani, sulisoqarnermut immikkoortortami kisitsisit naapertorlugit, Sisimiuni sulisunut inissiat 15-it Maniitsumilu sulisunut inissiat 14-it pisariaqartinneqarput. Naatsorsuinerit taakku maannakkoqqissaq pisariaqartitsinernik takutitsisuupput, sanaartornerillu nutaat ingutserinerillu apeqqutaallutik, ukiumit ukiumut allanngorartarput. 1994-imiit ulloq manna tikillugu Kalaallit Nunaanni illoqarfinni anginerusuni innuttaasunut inissiat amerlassusaat nalunaarusiami takussutissiivoq, taamaalillunilu inissianik pisariaqartitsinermut toqqaannartumik sanilliussinissamut tunngaviliilluni. INI A/S-imi utaqquisut allattorsimaffiat tunngavigalugu, inissianik mikinerusunik pisariaqartitsineq annertuneruvoq, Naatsorsueqqissaartarfimmiillu ukioqatigiiaat immikkoortiternerat aammalu Namminersorlutik Oqartussat immikkoortunut pilersaarutaat il.il. tunngavigalugit, pisariaqartitsisut annerpaartaat utoqqasaajunerullutik.

Nuna tamakkerlugu pisortat inissiat attartortittagaanni, Namminersorlutik Oqartussat iluarsartuussinissamut kinguleruttut pillugit paasissutissaataagallartut naapertorlugit katillugit 2,6 mia. koruuniupput, taakkunangalu Qeqqata Kommuniata nammineq inissiaataani attartortittakkani annikinnerpaajullutik 82 mio. koruuniupput. Naatsorsuinerilli annertuumik nalorninarloqarlutillu paasissutissatut tunngavigisat assigiinngiaarput. INI A/S naapertorlugu, Qeqqata Kommuniata

inissiaataanut attartortittakkanut iluarsartuunneqarnissamut pisariaqartitaanut aningaasaliinissamik ullumikkut pisariaqartitsisoqanngilaq, tamanna attartornermut akiliutitigut aserfallatsaaliinerit pisarmata. Namminersorlutik Oqartussat 2016-imit immikkoortumut pilersaarutaa naapertorlugu, Namminersorlutik Oqartussat Sisimiuni inissiaataanut iluarsartuussinissamut kinguleruttoq 231 mio. koruuniuvoq, imaluunniit inissianut assingusunut nutaanut nalinginut 20 procentiulluni. Maniitsumi 54 mio. koruuniuvoq, imaluunniit inissianut assingusunut nutaanut nalinginut 6 procentiulluni.

Qeqqata Kommuniani maannakkut kommunip pilersaarusionerani sisamanik quleriisusunik pingaarnertut sanaartortoqarsinnaavoq, maannakkullu sanaartorneqareersunut sanilliullugu portunerungaatsiarlutik. Nalunaarusiami akitigut assersuutit ilaatigut kommunip sisamanik quleriinnik inissianik 38,4 mio. koruuninik naleqartunik sanaartornermut missingersuutaatigut aningaasaliineq, aningaasaliinissamut attartornikkut 4 procentimik qaffariaateqarsinnaalluni, 22,5 mio. koruuninik annertuseriaannaasumik imaqarpoq. Aningaasaliiffiusumut tassunga erniaasinnaasunik allanik assigiinngitsunik atuisoqarpoq, taamaalilluni kommunimi attartornertaqartumik imaluunniit attartornertaqanngitsumik nammineq aningaasaliinermi qanoq aningaasartuuteqassanersoq, imaluunniit namminersortut assinganik qaffasinnerusumik ernialimmik sanaartornermini qanoq aningaasartuuteqarsinnaaneriniq takussutissaqassalluni.

Inissianik attartortitsineq pillugu inatsisartut peqqussutaatigut, ininut akiliutit malittarisaliugaapput, taamaalillunilu ininut akiliutitigut pisortat inissianik attartortakkanik aningaasaliisinaanermut ajornakusoortitsilluni. Sisimiuni inissiat immikkoortuini 8-268-imi aserfallatsaaliorneqarluartuni ininut akiliut, tullinnguuttutigut aningaasartuutaasartunut agguataarneqarput:

1. Ingerlatsinerimut aningaasaliissutit, ininut akiliummut 64 procentiusoq, taakkunannga katillugit 54,3 procentii nalinginnaasumik aserfallatsaaliinernut kiisalu piffissaliisumik aserfallatsaaliinissanut pilersaarutaasunut atorneqartarput.
2. Allaffissorneq, ininut akiliummut 9 procentiusoq.
3. Attartortumut aningaasaatinik iluanaarutit, ininut akiliutit 27 procentii, inatsisartut peqqussutaatigut malittarisaliuussaapputtaaq, taamaalilluni illup sanaartorneranut aningaasartuutinit 1,5 procentimit qaffasinnerusussaanani.

Nalunaarusiami inissiaq 95,83 m<sup>3</sup>-mik annertutigisoq aallaavigineqarpoq, inissiat immikkoortuni 8-268-imi ininut akit pioreersut aallaavigalugit ininut aki 6.245 koruuniussalluni. Aningaasaatinik iluanaarutit aningaasaliissutissanut aningaasaliissutaassappata, ininut tassunga erniat 0,22-4 procentip akornaniinnissaa apeqqutaalluni 12.700-17.252 koruuniussaaq. Kingullermut atatillugu, 2011-mit annerusumik minnerusumilluunniit aningaasartuutiviit tunngavigalugit ineqarnermut akiliut ineqarnermullu tapiissutinut pissutsinut atatillugu, Akileraartarneq atugarissaarnerlu pillugit Isumalioqatigiissitap innersuussutaasa atuutilersinneqarnissaat piumasaqaataavoq.

### **Atuilluartuunissakkut kingunerisinnaasai**

Akileraartarneq atugarissaarnerlu pillugit Isumalioqatigiissitaaq 2011-mi innersuuteqarnermigut atuilluartumik aningaasartuutiviit tunngavigalugit ineqarnermut akiliutit pillugit qulequtamik suliaqarpoq, tamannalu ineqarnermut attuumassuteqartunut, ineqarnermut tapiissutinut allatigullu tapiissuteqarnermut aaqqissuussanut, sanaartornermut aningaasaliinernut ingerlatsinermullu aningaasartuutinit aningaasaliissalluni. Innersuussutinik atuutilersitsinissamut periutsit iluatsinngitsoorsimasinnaapput, innersuussutinulli tunngaviusut suli atuupput.

Ukiumi tassani Namminersorlutik Oqartussat akiitsunut aningaasaliinernullu periusissiaat aamma eqqarsaatissatut pisariaqartunik imaqarpoq, taakkulu pisortatigut taarsigassasiniarnissamut aalajangiisoqartinnagu tunngaviliisuussallutik. Allakkat marluusut imarisai nalunaarusiami ersarinnerusumik nassuiarneqarput.

Inissianik allaffissornikkut tunngatillugu, aammalu kommunit allat pilersitsereersut imaluunniit pilersitsinissamik ingerlataqartut assigalugit, inerisaanermut suliffeqarfinnik pilersitsinerusinnaanermut, nalunaarusiami suliniutit tamakku pinngitsoortinniarlugit nassuiaasiortoqarpoq. Inissianik pisariaqartitsinermut sanilliullugu suliffeqarfimmik ingerlatsinissaq akisuallaassaaq, suliffeqarfinnit arlalinnit inissianik allaffissornikkut annertuunik ingerlatsinermut pissutsit, inimut akiliutini allaffissornermut aningaasartuutunik qaffassaanermik kinguneqassaaq.

### **Aningaasaqarnikkut allaffissornikkullu kingunerisinnaasai**

2020-mut missingersuutitigut nalunaarut naaportorlugu, 2020-mit missingersuutinut ukiunullu 2023 tikillugu missiliuuteqarfinnut inissialiornissamut suliniutit tullinnguuttutigut inissisimapput, sulilu aallartisarneqarnikuunatik:

1. Atuiffik 70-48 "Utoqqarnut inissiat" ukiuni 2020-mi 2023-milu tamani 10,795 mio. koruunit immikkoortinneqarnikuullutik. Aningaasaliissutit inissianut uiguleriiaatut arfineq-pingasut - qulingiluat missaannut naammassasut naatsorsuutigineqarpoq, sumili inissisimanissaannik nassuiaateqaratik. Suliniutit sanaartorneqarnissaannut, illoqarfimmi sumi sanaartorneqassanersut taakkartorneqarnissaa pisariaqarpoq.
2. Atuiffik 70-494 "Utoqqarnut inissiat Kangerlussuaq" ukiuni 2020-mi 2021-milu tamani 5,398 koruunit immikkoortinneqarnikuullutik. Aningaasaliissutit inissianut uiguleriiaatut sisamat missaannut naammannissaat naatsorsuutigineqarpoq, Kangerlussuarmili unammillernermut pissutsit patsisaallutik tamanna nalorninarpoq.
3. Atuiffik 70-70 "Sulisunut inissiat": 2020-mi 20 mio. koruunit. Aningaasaliissutit inissianut uiguleriiaatut, siusinnerusukkut aqqaneq-marlunnut naatsorsuutigineqarsimagaluartunut, arfineq-pingasut missaannut naammannissaat naatsorsuutigineqarpoq, Maniitsumilu sanaartorneqarnissaat aalajangiussaalluni. Ukiuni missiliuuteqarfiusuni 2022-mi 2023-milu tamani 9 mio. koruuninik immikkoortitsisoqarpoq, taakkulu inissianut uiguleriiaatut arfineq-marluk missaannut naammannissaat naatsorsuutigineqarluni.
4. Atuiffik 70-98 "Inissianik sanaartorneq, matumani innarluutilinnut ilanngullugu": 2023-mut 30 mio. koruunit. Aningaasaliissutit inissianut quleriiaatut aqqaneq-marluk missaanut naammassangatinneqarput, sumilu inissisimanissaannik nassuiaateqaratik. Suliniutit sanaartorneqarnissaannut, illoqarfimmi sumi sanaartorneqassanersut taakkartorneqarnissaa pisariaqarpoq.
5. Atuiffimmi 93-02 "Kommunimit taarsigassarsiat"-nut inissiaatileqatigiiliornissanut namminerlu illuliornissamut kommunimit taarsigassarsinissamut aningaasaliissutinik killiligaasunik immikkoortitsisoqarnikuuvoq, tamannalu Inatsisartut Inatsisaat nr. 39, 23. november 2017-imeersutigut aqqissugaalluni. 2020-mi killiligaasumik aningaasaliissutit 21,185 mio. koruuniupput, ukiunullu missiliuuteqarfiusunut ukiumut 18,769 mio. koruuniullutik. Inissiaatileqatigiiffinnut tunngatillugu aningaasartuutissat katinnerisa 35 procentiinik kommuni taarsigassarsititsinnaavoq. Ukiumut tarmamiusumut killiligaasumik aningaasaliissutit 18,769 mio. koruuniusut, inissiaatileqatigiiffinnut 54 mio. koruunit missaanik naleqartunut naammapput, taakkulu ukiumut uiguleriiaatut inissialiornernut 21-t missaanik amerlassusilinnut pilersitsinnaallutik.

Nutaanik inissialiornermut sanaartornermut aningaasartuutitut atatillugu (taarsigassarsinertaqanngitsumik), 2020-mi tullinnguuttutigit missiliuteqarnissaa naatsorsuutigineqarsinnaavoq:

1. Uiguleriiaat: 27.446 kr/m<sup>2</sup>, agguaqatigiisillugu inissiamut ataatsimut 2,6 mio. koruunit missaaniissallutik.
2. Illut takkajaat imaluunniit quleriit sisamat angullugit inissiat quleriiaat: 25.071 kr/m<sup>2</sup>, agguaqatigiisillugu inissiamut ataatsimut 2,4 mio. koruuniussallutik.

Inissianut quleriiaanut sanaartornermi inissiamut ataatsimut nalinginnaasumik akikinnerusarpoq, uiguleriiaanik pingaartumillu ilaqutariinnut ataasiakkaanut illuliornermi akisunerusarluni. Kingullertut taaneqartoq inissiamut ataatsimut sanaartorfigissaanermut aningaasartuutitnik qaffariaateqaratarnissaanik ilimanaateqarnerusumik imaqarpoq. Siunertamut taarsigassarsiaqartoqartillugu, inissialianut taamaattunut tamanut aningaasaliissutit annertuumik qaffariaateqartarputtaaq.

Inuit nammineq inissianik sanaartornissamut taarsigassarsineriniit, nalinginnaasumik kommuni taarsigassarsinermini annertunerusumik akikinnerunissaa naatsorsuutigineqarsinnaavoq. "Pissutsit atuuttut"-ni inissiat pillugit nalunaarusiamilu nassuiarneqartutut, pisortat inissianut attartortittakkanut aningaasaliissutit matussusersinnaangilaat. Inatsit allanngortinneqanngippat, soorlu 2011-mi Akileraartarneq atugarissaarnerlu pillugit Isumalioqatigiissitap innersuussutaa malillugu, aningaasaliisartut namminersortut ininut akitigut pisortat ininik attartortittagaannut unammillersinnaangillat.

Kommunimit/pisortanit eqqarsaatersuutaat ilanngullugit, nalunaarusiami tullinnguuttutigit isummersuutigineqarpoq:

1. Inuit nammineq pisortanit taarsigassarsinatik aningaasaliinermikkut/reakredit aqqutigalugu aningaasaliinermikkut inissianik sanaartorpata pisortanut akikinnerusaaq, tamannali aatsaat attartornermut pisortat akuliutinngippata pissaaq. Kingullertut pisutut taaneqartumi, siunissaq akunnattoq ungasinnerusorlugu isigalugit, pisortanut tamanna akisunerujussuussaaq.
2. Inuit nammineq erniaqanngitsunik taarsersugassaannngitsunillu taarsigassarsisarnerit atuuttut naapertorlugit pisortanit taarsigassarsillutik inissianik sanaartorpata, tamanna pisortanut akikinnerit tulliuvoq. Tamanna kommunimut taarsigassarsinissamut qinnuteqartoqarnissamik pisariaqartitsivoq.
3. Inissiaatileqatigiiffiit erniaqanngitsunik taarsersugassaannngitsunillu taarsigassarsisarnerit atuuttut naapertorlugit pisortanit taarsigassarsillutik inissianik sanaartorpata, tamanna pisortanut pingajuattut akikinnerpaassaaq, tamannali inissiat arlaqartut ataatsikkut sanaartorneqarneratigit nalinginnaasumik annertunerusumik sunniuteqartussaalluni. Tamanna kommunimut taarsigassarsinissamut qinnuteqartoqarnissamik pisariaqartitsivoq.
4. 2011-mi Akileraartarneq atugarissaarnerlu pillugit Isumalioqatigiissitap innersuussutaanut assingusumik aqqiussuseqqiinermit atuutilersitsisoqanngippat, pisortat inissiaataat attartortittakkat amerlineqarneri pisortanut akisunerpaanngussaaq.

### **Allaffeqarfiup naliliinera**

Qeqqata Kommuniata inissianik pisariaqartitsinera amerlassutsikkut amerlavallaangillat, Nuummilu inissianik pisariaqartitsinerup annertooujussuarmik allannguuteqarneranut sanilliullugu, allanngoriartornera annikinnerulluni. Qeqqata Kommuniani innuttaasut ineriartornerat ukiuni arlalinni annertunerusumik nikeraratik imaluunniit annertooujussuarmik qaffariaateqaratik, aalaakkaasumik ingerlasimapput. Kommunip inissiaataanik pitsaasumik aserfallatsaaliinikkut, kommuninut allanut sanilliullugu tassanngaannartumik pingaarnertut inissianik pisariaqartitsilernissamut, kommuni qajannaannerusumik inissisimavoq, tassa inissianik ingutserisarneq Namminersorlutik Oqartussat



inissiaataani taamaallaat ingerlanneqarmat, tamannalu inissianik taartissanik pisariaqartitsilernermik ataavartumik kinguneqartitsilluni.

Siunissaq qaninnerusooq eqqarsaatigalugu, suliffeqarfiit namminersorlutik oqartussanit pigineqartut namminneq sulisuminnut inissialiornissaannik inussiarnersumik qinnuigalugit attavigineqartariaqaralarput. Namminneq sulisuminnut inissialiortuuppata, nalunaarusiami tunngavilersuutit naapertorlugit, tamanna Kalaallit Nunaanni pisortatut ingerlatsisunut tamanut Qeqqata Kommunanullu akikinnerpaallunilu pitsaanerpaassagalarpoq.

Siunissaq qaninnerusooq eqqarsaatigalugu, kommuni nammineq sulisuminut inissiaatileqatigiiffiliornissaannut ikiuunniartariaqaralarpoq. Tamanna iluatsissagalarpat, suliniut kommunimut akikinneruinnarani, aammali sulisut inissiaasa amerlassusaat assigalugit, allanut sulisunut inissianik pisariaqartitsisunut imaluunniit nalinginnaasumik attartornissamik pisariaqartitsisunut inissiasaqalissagalarpoq. Innersuussutaasumit pisortanit taarsigassarsinissamut qinnuteqaatit, qinnuteqartut allat assigalugit, immikkut suliarineqartassapput.

Illuliortarnermut sanaartornermullu immikkoortortami unammillersinnaaneq illersorniarlugu, Qeqqata kommuniani kommunip inissianik sanaartornissamut suliariumannittussarsiorneqartarneri suliasanut ataasiakkaanut suliariumannittussarsiorneqartarnissaat nalinginnaasusariaqaralarpoq, siusinnerusukkullu 2019-imi septembarip 30-ani KB-p ataatsimiinnerani imaqarniliami imm. 16-imi "Sulisunut inissianik sanaartorneq avataanillu aningaasalersorneqarsinnaaneranut periarfissaq" tamakkiisumik suliariumannittussarsiorneqartarnissamut aalajangiinerit atorunnaarsinneqartariaqaralarlutik. Taamaangippat unammillersinnaasut ikippallaarneri patsisaallutik, akisuallaalersitsisinnaaneq annertunerujussuussaaq, taamaalillunilu neqerooruteqartitsinissamut inatsimmi siunertaasumut unammillertitsisinnaanermik qulakkeerinnisaq naammassilluarneqarsinnaanani. Sulisunut inissianik suliariumannittussarsiuussineri illorputut ilusillit ujartorneqarsinnaapput, taakkumi nutaamik pilersaarusiornermiit sukkanerusumik naleqqussarneqarsinnaallutillu akikinnerupput, taamatullu pilersaarusiornermi kukkunerusinnaasut naapertuuttoqannginnerillu iluarsineqareersimasinnaagaluarlutik.

Tamatuma saniatigut "Aningaasaqarnikkut allaffissornikkullu kingunerisinnaasai"-ni inissiineq naapertorlugit inissianik sanaartornissamut sapinngisamik pingaarnersuisoqartariaqaralarpoq, taamaalilluni pisariaqartitsisoqartillugu aatsaat pisortat inissiaataannik attartortittakkanik sanaartortoqartassalluni, sapinngisamillu kommunimut periarfissat akikinnerusut pingaarnersiorneqassapput.

### **Innersuussut:**

Teknikkeqarnermut ataatsimiititaliamut kingornalu Aningaasaqarnermut ataatsimiititaliamut Kommunalbestyrelsimullu innersuussutigineqarpoq:

Atuiffik 70-70 "Sulisunut inissiat"-igut sulisunut inissianut sanaartornerit siusinnerusukkut 2019-imi septembarip 30-ani KB-p ataatsimiinnerani imaqarniliami imm. 16-imi "Sulisunut inissianik sanaartorneq avataanillu aningaasalersorneqarsinnaaneranut periarfissaq" tamakkiisumik suliariumannittussarsiorneqartarnissamut aalajangiinerit, illorput assigalugit suliniutinut suliasanut ataasiakkaanut suliariumannittussarsiuussisarnissamut allanngortinneqassasoq.

Atuiffik 70-70 "Sulisunut inissiat", aqqaneq-marlunnik inissiatalerlugit Maniitsumi sanaartugassat arfineq-pingasunut, taamatut missingersuutitalerlugit ikilisinneqassasut, inissiallu amerlassusissaattut naatsorsuutigineqartunut atatillugu, "Aningaasaqarnikkut

allaffissornikkullu kingunerisinnaasai"-ni inissialiornissamut missingersuutit pioreersut taaneqartut tusaatissatut tiguneqassasut.

"Aningaasaqarnikkut allaffissornikkullu kingunerisinnaasai"-ni inissialiornissamut missingersuutit pioreersut sumi sanaartornissaanut nassuiaatitaqanngitsut taaneqartut, 2021-mut missingersuutinik suliaqarnermi sumi sanaartorneqarnissaatut tunngatillugu aalajangiisoqassasoq.

Qeqqata Kommunia nammineq sulisuminut inissiaatileqatigiiffiliornissanut ikiuisassasoq, taamaalilluni sulisunut inissiat pioreersut sulisunut allanut imaluunniit innuttaasunut nalinginnaasumik attartortitassanngorlugit iperarneqassinnaalissallutik. Periutsit atuuttut naapertorlugit pisortanut taarsigassarsinissamut qinnuteqaatit suliarineqartassasut.

Suliffeqarfiit Namminersorlutik Oqartussanit pigineqartut sulisuminut inissialiornissaannik inussiarnersumik kaammattorneqassasut, tamannalu ukiut tallimat iluani pissasoq, taamaalillutik sanaartornissamut pilersaarusiornissamut sanaartornissamullu periarfissaqartinneqassallutik, taamaaliornikkullu inissiat kommunip sulisuinut imaluunniit inissiatut attartortakkatut nalinginnaasutut inissisimalersinnaassallutik.

Namminersortut inissiaataanut attartortakkanut Qeqqata Kommunia attartussanngitsaq, tamannami naggataatigut kommunimut akisuninngussamat.

Qeqqata Kommuniani inissianik nutaanik sanaartugassanik inissiisarneq, illuliassanut assigiinngitsunut initaarnissamullu utaqisut allattorsimaffiitigut pisariaqartitsinermi misissuinerit siunissami aallaavigineqartassasut.

Inissiat pillugit nalunaarusiap imarisaasa sinneri tusaatissatut tiguneqassasut, matumani allaffeqarfiup suleqatigiissitatut pilersinneqartup, 2020-mi marsip sisamaani "Ineqarnermut immikkoortumut tamakkiisumik pilersaarut" pillugu "Naalakkersuinnikkut Ataqtatigiissaarisooqatigiinnut"-mit oqaluuserisassaq imm. 6.1-imi suliniutinik taaneqartunik suliaqaqqinnissat ilanngullugit.

### **Aalajangiineq:**

Aalajangertoqarpoq inissiat pillugit nalunaarusiassaq nutserneqassasoq.

Ataatsimiititaliap pingaartippaa suliarinnittussarsiuussinermi pissutsit mattussinnginnissaat.

Tullianut ataatsimiinnissamut suliaq kinguartinneqarpoq.

### **Ilanngussat:**

1. Inissiat pillugit nalunaarusiaq
2. Missingersuutit pillugit nalunaarut 2020

**Imm. 04      Esani-p Ikuallaavissaanut nutaamut upalungaarsimasullu sungiusartarfissaannut immikkoortumik 800-E4-mik piareersaaneq**

*Journalnr. 81.01*

Tunuliaqutaq

Esani-p Sisimiuni ikuallaavissaa Sisimiuni mittarfiup erngullu nukinga atorlugu nukissiorfiup saniatigut suliniutitut ataatsitut, illoqarfimmi sanaartorneqarnikuusuni annerpaajusussaarpassippoq. Esani Nuummi Sisimiunilu ikuallaavinnik angisuunik marlunnik katillugit 400 mio. koruuninut pilersaarusiortoq ukioq manna sanaartorlugit aallartitassanngorlugit, tamatuma Sisimiuni sanaartornerup piviusunngortinnissaanut ingerlaannartumik aallartinneqartariaqartunik sulianiutinik pisariaqartitsilersitsisumik. Ikuallaavik aammattaq ilaatigut inuussutissarsiornermut ininik sisamanik quleriilimmik ilaqassaaq, inuussutissarsiutilinnut immaqalu kommunip suliffeqarfiutaanut attartortinneqarsinnaasunik. Esani piginneqatigiilluni selskabeuvoq, ungasinnerusorlu isigalugu akikinnerpaatut inuussutissarsiortunut ininik ilasinissaaq nalilerneqarnikuuvoq.

Sanaartornissamik pisariaqanngitsumik kinguaattoortoqannginnissaa suliniummut aalajangiiisuulluinnarpoq. Ukiumi ataatsimi kinguaattoorneq ilaatigut atortut akianni sanaartornermilu aningaasartuutini aningaasat nalingisigut aningaasaliinissamik kinguartitsinermik kinguneqarsinnaavoq. Aningaasat nalingisa 2 procentiat 4 mio. koruunitut annertussuseqarpoq.

Naluneqanngitsutut selskabimi Qeqqata Kommunian piginneqataavoq, aammalu pilersaarusiortornermut, nunaminertanut sanaatornermullu oqartussaasutut suliniummik piviusunngortitsinissamat atatillugu pingaarutilittut inissisimalluni. Suliamik saqqummiussaaq una oqartussatut komunip pisussaaffii sanaartorfissanillu nutaanik immikkoortitsineq pillugu tunngassuteqarpoq.

Ikuallaavik nutaaq pillugu pilersaarutitut atatillugu aammattaq pilersaarutitut toqqammavimmik nutartikkamik suliaqartoqarnikuuvoq. Sisimiuni ikuallaavimmuut nutaamut siunissami inissiffiusinnaasunut periarfissat 2019-imi aggustip 27-ani kommunalbestyrelsip suliarinikuuai aammalu ikuallaaviup pioreersumut kujataatungaani inissisimasuusooq kommunip pilersaarusiortorfigineqarnerani tapiliussaaq 800-E4 tikkuarnikuullugu. Kommunip pilersaarusiortorfigineqarnerani tapiliussamik suliaqarnermut suliamullu saqqummiussamik suliaqarnermut atatillugu kommunimut aningaasaqarnikkut kingunerisinnaasai naammattumik nassuiarneqanngitsoorsimapput. Suliamik saqqumiussap matuma kommunip pilersaarusiortorfigineqarnerani tapiliussap piviusunngortinneqarnissaanut aningaasaliinissat pisariaqartut paasinarsitippai.

Maleruagassatigut tunngavigisaaq

Kommunip pilersaarusiortorfigineqarneranut tapiliussaaq nr. 43

Sanaartorfissagissaanermut nunaminertanillu atugassiinermi sanaartorfissagissaanermut akileeqataassutissanik akiligassiinissaaq kommunip isumagisarivaa.

Pissutsit atuuttut



Qulaani assimi takutinneqartutut isikkoqartussanik, nuna tamakkerlugu ikuallaavinnik nutaanik marlunnik sanaartorniarluni Esani pilersaarusiuleruttorpoq. Assip allerpaap Nuummi eqqakkanik katersuivik takutippaa, taannali Sisimiuni angeqataatut inersuartut ammaloqiusatut suliarineqartussa, taamaalilluni allaanerulaartumik isikkoqartussaalluni.

Qaninnerusoq isigalugu Esani-mut sanaartorfissaq pigisanik nunaminertanik atugassiissutitaqanngitsunik paaaffigineqassa, taamaalilluni kommunip pilersaarusiorfigineqarnerani tapiliussamut tunngatillugu aalajangersakkanut atorneqartussatut, sanaartorfimmut iluaqutaasumut illuartinneqartariaqarlutik.

Tassani pineqarput entreprenørit pigisaat kiisalu kommunip nammineq pigisai. Piaaneq piginnittunit akilersinneqassaaq, taamaattumik nunaminertamik atugassinneqanngitsunik kommuni pigisaminik immikkoortumiit inissisimaffimmut allamut peersinissamut nammineq nukissanik pissarsisariaqarpoq. Kommunip pigisai taassapput upalungaasimasunut sungiusartarfimmut atuinissamut atortut.

Esani-p suliniutaa suliarineqarsinnaassappat, upalungaarsimanermut sungiusartarfik nuutsinneqassaaq. Kalaallit Nunaanni nuna tamakkerlugu eqqagassanut selskabi Kalaallit Nunaanni kommuninit pigineqartuusooq, eqqagassanut katersuivimmik aammalu Sisimiuni ikuallaavimmik nutaamik pilersitsinissamik aallartittussaavoq. Ikuallaavik nutaaq BJ Entreprisep ujaqgeriviata kommunillu asfaltiorfiata eqqaani nunatami inissisimasussaavoq. Ikuallaavimmut nutaamut sanaartorneq aallartissinnaaniassammat, nunaminertami torersaasoqassaaq. Ikuallaaviit nutaat pillugit pilersaarutinut atatillugu aammattaq pilersaarusiornermi tunngavissamik nutaamik Kommunip pilersaarusiordfigineqarnerani tapiliussamik nr. 43-mik suliaqartoqarnikuvoq. Tassunga atatillugu ilaatigut atoqqiinnermut suliffeqarfinnut aamma betoniliorfinnut nunaminertanik suliaqartoqarpoq kiisalu ikuallattoorsinnaanermut upalungaarsimanermullu sungiusartarfimmuut nunaminertamik immikkoortitsisoqarluni.

Ikuallaavimmik nutaamik sanaartornermut atatillugu sanaartornermut inissaqartitsiumalluni, nunaminertami torersaasoqassaaq, tamatumalu imarivaa, upalungaarsimasut maannakkut sungiusartarfiata nuunneqarnissaa (maannakkut inissisimaffik nunaminertamik atugassiissummik atuutivissumik peqarani inissisimaffiuvoq). Immikkoortoq siumut sammisumik upalungaarsimasunut sungiusartarfittut tunniussaasoq atorneqarsinnaangorluni piareertinnagu, ilaatigut ujaqqanik immiinikkut piareersarneqaaqassaaq. Tamanna aatsaat aputeqanngiffiata nalaani pisinnaavoq. Kisianni ikuallaavimmuut nutaamut sanaartorluni sulineq sapinngisamik piaartumik aallartissammat, utaqqiisaasumik inissiinermi inissitanut upalungaarsimasut sungiusartarfiata nuunnissaa pilersaarutaavoq, tamatuma kingorna nunaminertaq taanna piareerpat aasaanerani/ukiaanerani aalajangersimasumik inissaanut nuutsinneqarluni.

Neqeroortitsisarnermi inatsimmi aalangersakkat malillugit illoqarfimmi entreprenørinut assigiinngitsunut neqeroortitsinikuuvugut, tassani inernalu neqeroorut 275.850 koruunit. Neqeroorutip imarivaa aputaajaaneq, containerit sungiusartarfiusut akornanni killuineq svejserinerlu, inissiiffiugallartumut sungiusarnermi atortunik nuutsineq, inissiiffiugallartumiit inissiivissamut nuutsineq kiisalu containerinik sungiusartarfiusunik katitereqqilluni svejserineq.

#### Atuilluartuunissakkut kingunerisinnaasai

Inissisimaffinni nunaminertamik atugassiiffiunngitsuni nuutsinissamut periafissaqanngitsuni aningaasaliinissaq sunaluunniit ingerlanneqartariaqanngilaq, nunaminertaq nunaminertamik atugassissutilimmik atorneqaleriarpat nuutsineq pisariaqartoq ingerlanneqartussaammat.

Ingammik annertuunik aningaasartallit sanaartornermi suliassanik kinguaattoortitsinissaq pinaveersartariaqarpoq, kommunip pilersaarusiordfigineqarnerani tapiliussami aalajangersakkat malillugit sanaartorniartunut sanaartortitsisunut tigussaasut aningaasaqarnikkullu ajornartorsiutaasinnaasut annertuallaarsinnaammata.

#### Aningaasaqarnikkut allaffissornikkullu kingunerisinaasai

Piginnittut allat pigisaannik sanaartorfimmuut taaneqartumut ikuallaavissap sanaartordfigineqarfissaaniittumi nuutsineq, piginnittunit nammineq akilerneqartussaavoq, soorlu aamma kommunip sungiusartarfimmik piginnittutut pisussaasoq. Taamaattorli sungiusartarfik tamakkerluni torersarneqartinnagu, assartuinnermut tunngatillugu immikkoortoq tamarmi tigussaasumik torersarneqarsinnaangilaq.

Tamaalluni piffissaq qaninnerusooq isigalugu ikuallattoqaratarsinnaaneranut sungiusartarfimmik nuutsinissaq pillugu kommuni 278.850 koruuninik aningaasalersuinissamut pisussaaffeqarpoq. Taakku

upalungaarsimasut ingerlatsineranut missingersuutaanit pissarsiarineqarnissaat pisariaqarsinnaavoq, ilassutitut aningaasaliissutaasinnaasoq inissinnissaata tungaanut suliaminnik nalimmassaasariaqassallutik. Atortunik iliinnakkanik piaanermut aningasartuutit sanaartorfissagissaanermut aningaasartuutaanngillat, piginnittussaataasut nutaat akornanni agguataarneqarsinnaasut. Atortunik nuunneqartussanik nuutsineq piginnittunit aningaasartuutit akilerneqartussaapput.

Sanaartorfissagissaanernut aningaasaliinissanut pisariaqartunut tunngatillugu, aningaasat annertunerujussuit atorneqartussaapput. Pisortat pilersuineranut suliffeqarfiutaannit peqataaffigineqanngitsumik sanaartorfissagissaanermut missingersuutit utaqqisinneqarsinnaanngimmata Esani A/S-ip neqeroorutigaa, sanaartorneq aallartissinnaaniassammat, sanaartorfissagissaanermut aningaasartuutit pisariaqartunut aallaqqaammuat selskabe aningaasalersuissasoq. Selskabemi sanaartorfissanik agguataarinermut naammattunik sanaartorfissagissaanermi akiliutissanik akileeqquneqartussaavoq, soorlu aallaqqaammuat nalinginnaasutut kommuni sanaartorfissagissaasimagaluarpat. Nunaminertamik tamakkiisumik sanaartorfissagissaanermut tamakkiisumut aningaasartuutit tamarmiusut Esani A/S-imit 19,74 mio. koruunit missaannut nalilerneqarput, taakkunanga:

- Qeqqata Kommuniata akileeqataassutissaa 5,47 mio. koruunit missaaniissasoq
- Nukissiorfiit akileeqataassutissaat assinganik 13,08 mio. koruuniussasoq
- Telep akileeqataassutissaa 1,19 mio. koruuniussasoq (tamarmik pilersaarusiorneq, nakkutilliineq il.il. ilanngunnagit)

Sanaartorfissagissaanermi Nukissiorfinnit Tele-miillu peqataanissamut neriorsuummik pigisaqartoqanngilaq.

Sanaartugassap annertussusaa pissutaalluni Esanip pisariaqartitaa apeqqutaavoq, kommuni suli sanaartorfissagissaanermut pilersaarummik suliaqarnikuunngilaq, kisianni sanaartorfissat sinneri taamak annertutigisumik sanaartorfissagissaanermik pisaqartitsissanngitsut eqqoriarneqarpoq. Taamaattumik piffissat pilersaarut eqqarsaatigalugu, sanaartorfissagissaanermik kommunip akileeqataasutissaanut Esani A/S-ip killiliussaatur annertutigisumik naatsorsuuteqartoqartariaqarpoq, illuatungeriit akornanni suliarinnereernerup kingorna inaarutaasumik isumaqatiginninniutigalugu inissinneqartariaqassammat. Taamanikkornissaanut aningaasartuutunik agguarneqarsinnaasoqassaaq, ilutigitillugu kommuni kommunip pilersaarusiortifigineqarnerani tapiliussami sanaartorfissat sinnerinut sanaartorfissagissaanermut atortussanik pisariaqartunik allattuissaaq. Illuatungeriinnut ima inissisimassaaq, Selskabemik kommuni piginneqataappat, taamaalilluni selskabe pisortanit pigineqassalluni. Tamanna tunngavigalugu suliarinnereernerup kingorna sanaartorfissagissaanermi kommunip akileeqataasutissaanik isumaqatiginninniarnermut tunngatillugu illuatungeriit akornanni imminut tatigeqatigiinnermik pilersitsisoqarpoq.

Esani-mik isumaqatigiissuteqarnikkut allaffeqarfik kommunip akileeqataasutissaa 5,47 mio. koruuninut annertussusilernikuuaa, tassani Nukissiorfimmuat Tele-mullu akiliussigallarneq Esani-p nammineq isumagissallugu malitsigisaanillu periutsit aningaasaqarnermullu tunngasut nammineq iluminni pissutsiminniissallutik. Isumaqatigiissut atuutissaguni politikikkut akuerineqarnissaa pisariaqarpoq. Aningaasat missingersuutaagallarput, suliariumannittussarsiuussereernerullu kingorna allanngorsinnaallutik.

Sanaartorfissagissaanermut kommunip aningaasaliissutaanut aningaasat tamakkiisut nalinginnaasumik sanaartorfissani nunaminertanik atuisuinit matussuseneqartussaapput, sanaartorfissat tamakkerlugit atorneqalissappata, sanaartorfissagissaanermi aningaasartuutunik akiliisitsisoqartussaammat. Sanaartorfissagissaasooqareerpat, aningaasartuutiit malillugit sanaartorfissagissaanermi akiliutissat

naatsorsorneqarsinnaapput. Taamaattorli nuutserinerup kingorna kommuni asfaltiorfiuteqarmat sungiusartarfiuteqarlunilu kommunip akileeqataassutissaata 5,47 mio. koruuniusup ilangaatsiaa taamaallaat kommunimut utersinnaavoq, sanaartortsitsisunut imermik, innaallagissamik kuuffissuarmillu kissaatilinnut nunaminertamik atugassiisoqarpat.

Kommunip pilersaaruseriorfigineqarnerani tapiliuussaqarfimmi 800 E4-mik sanaartorfissagissaaneq pisariaqartumik aningaasalersuinissamut tunngatillugu, atuiffimmi 77-50 "sanaartorfissagissaanermut aningaasaliissutit" qulaani nassuiarneqartut kommunip sanaartorfissagissaanermi akileeqataassutissat 5,47 mio. koruuniusut aatsaat ukiumi missiliuuteqarfiusumi 2022-mi aningaasalersornissaanut periarfissaqarpoq, 2021-imut suliniutinik inissisimasoqareemat. Taamaanikkornissaanut sanaartorfissat tamakkerlutik sanaartorfigineqariissappata, sanaartorfissagissaanermut akiliutitigut sanaartorfissagissaanermi aningaasartuutit kommunimut utissapput. Sumiiffimmi nunaminertanik kommuni aammattaaq atuisussaammat, taakku ilangaatsiaat aamma kommunimit akilerneqassapput.

#### Allaffeqarfiup naliliinera

Sanaartorfimmik torersaanissamut tunngatillugu qaninnerusoq isigalugu, upalungaarsimasut sungiusartarfiannik nuutsinissaq pillugu entreprenørimik ajugaasumik upalungaarsimasut isumaqatigiissusiorsinnaapput. Tullinnguutissaq piginnittut sinnerisa pigisaminnik piiaanissaat. Utaqqiisaasumik inissamut sapinngisamik piaartumik sungiusartarfik nuunneqassasoq innersuusutigineqarpoq, aammalu ikuallaavissamik nutaamik sanaartorneq kinguarsaqqunagu, 2020-mi aasap/ukiap ingerlanerani upalungaarsimasunit atorsinnaanngorlugu sungiusartarfimmut nutaamut inissinneqassasoq.

Sanaartorfissat tamakkerlutik imermut, innaallagissamut, tele-mut kuuffissuarmullu sanaartorfissagissaanermi pisariaqartitsisariaqanngillat. Tamannali nunaminertami sanaartornermut annerpaamut atuuppoq, inuussutissarsiutinik siunertalinnut ininik arlalissuarnik peqartussaammat. Kingullertut taaneqartoq nunaminertamik sanaartorfissagissaanermik pisarialimmik piunasaqaatitaqarpoq, ingerlanermili kingusinnerusukkut sanaartorfissat pisariaqartitaannut tulluarsarneqarsinnaallutik imaluunniit sanaartorfissagissaanermi atortut ilaannik pisaqartitanik amigaaateqartunik.

Esani-mik isumaqatigiissutip periarfissippaa, kinguaattoorfiusinnaasuniit annertunerusumik aningaasaqarnikkut kinguneqanngitsumik sanaartornerit annertuut sanaartorneqarsinnaanerat.

## **Innersuussut**

Teknikkeqarnermut Avatangiisinullu immikkoortortap aamma Qeqqata Kommuniani Qatserisartut Teknikkeqarnermut ataatsimiititaliamut, aningaasaqarnermut ataatsimiititaliamut kommunalbestyrelsimullu innersussutigivaa:

Ukiumi naatsorsuuseriffiumi 2020-mi "Upalungaarsimasut sungiusartarfiannik nuutsinermut" atuiffimmi 25-01-10-15-99 "Nioqutissanik pisinerit tamalaat" nutaanngitsumiit upalungaarsimasut 275.850 koruuninik ilassutitut aningaasaliiffigineqassasut.

"Aningaasaqarnikkut allaffissornikkullu kingunerisinnaasat" ataanni nassuiarneqartutut katillugit 19,74 mio. koruuninut oqartussanut Esani akiliussigallarnissamik pilersaarutaa paasisutissatut tiguneqassasoq.

Sanaartorfissagissaanermut kommunip akileeqataassutissaanut Esani-p A/S 5,47 mio. koruuninik akiliigallarnissaanik Esani A/S aamma Qeqqata Kommunian isumaqatigiissusiussasut.

Kommunip pilersaaruseriffigineqarnerani tapiliussaqaarfimmik sanaartorfissagissaaneq atuiffik 70-50 "Sanaartorfissagissaanermi aningaasaliissutit" 2022-mi ukiunut missiliuteqarfiusuni missingersuutinit aningaasalersorneqassasoq, sulii maanna 8 mio. koruuninik agguakkanik aningaasartaqanngitsumit.

## **Aalajangiineq**

Innersuussut akuersissutingineqarpoq.

## **Ilanngussat**

1. Qeqqata Kommuniani Qatserisartunit neqeroortitsinermi atortut
2. Sanaartorfissagissaanermut takussutissiaq
3. Sanaartorfissagissaanermi aningaasartuutini Esani-p missiliuutaa



**Imm. 5 Ukiup sisamararterutaata siulliani Maniitsumi Teknikkimut, Pilersuinermut Sanaartornermullu 2020-mi nalunaarutaa.**

*J.nr. 06.01.02*

ERP systemeq nutaaq atorlugu aningaasaqarnikkut nalunaarussiaq una siulliuvoq. Systemi suli piariivinnigilaq, taamaattumillu ilaatigut missingersuutit ilaanut immikkoortortap normuinik allattuisoqarnikuunani. Taamaattorli missingersuut tamarmiusoq naatsorsorneqarnikuulluni. 2020-mi aprilip 30-ata tungaanut konteeriinerit aallaavigalugit, 2020-mi marsip 31-a tikillugu atuineq naatsorsorneqarpoq.

otmman suli nalunaarusiornissamut isersinnaangimmat, nalunaarussiaq una ataatsimoorussamik suliarineqarpoq. Tamatuma saniatigut sanaartornermut suliniutinut nutaamik nalunaarusiortariaaseqalernissaq pilersaarutaavoq, tamannali qaqugukkut atuutilersinneqassanersoq maannakkut ilisimaneqanngilaq.

Eqqagassalerineq/anartarfilerinerimut, nunaminertamik atugassiinerimut assigiinngitsutigut akiliutinut, eqqagassanut, avataanit kissamik suniniaanermut il.il. akiligassanik anillatsitsisarneq kinguaattooqqavoq, taamaattumillu atuinermut atatillugu ukiup sisamararterutaani naatsorsuutinut ilaanatik.

Teknikkeqarnermut ataatsimiititaliami ataatsimoorussamik ingerlatsineq	Missingersuut	jan-20	feb-20	mar-20	Piffissami atuineq katillugu	Pissutsinut tunngasunik Atuineq %-inngorlugu	Atuineq sinneruuttoq %-inngorlugu
562040100 SIS Kalaalimeerniarfik - Qimatulivik		-65.253,96	6.845,80	-25.352,66	-105.232,36		
562040200 SIS Entreprenøreqarfik		427.169,60	105.893,48	212.363,07	765.705,75		
562040300 SIS Ikuallaavik	1.446.000,00	851.579,24	855.391,10	-58.769,41	1.529.890,12	423%	-6%
562040400 SIS Upalungaarsimaneq Qatserisartoqarfik	5.475.000,00	212.668,62	224.759,39	89.580,84	779.556,67	57%	86%
562040500 SIS Nunaminertamik atugassiineq		6.573,00			6.573,00		
562040600 SIS Sanaartornermut immikkoortortaq	91.019.000,00	2.858.539,66	1.081.778,27	262.447,37	4.665.555,30	21%	95%
562040700 SIS Eqqagassalerineq/anartarfilerineq	-741.000,00	404.451,45	508.269,40	449.959,11	1.829.514,36	-988%	347%
562040800 SIS Ingerlatsineq TEKNIKKIKKUT	23.601.000,00	1.837.651,10	3.483.035,94	3.799.938,82	10.840.114,72	184%	54%
563010000 MAN Teknikkeqarneq Avatangiisillu	3.300.000,00	207.387,12	166.084,33	212.748,42	898.243,09	109%	73%
563030100 MAN Kalaalimeerniarfik		31.183,24	21.801,33	-59.195,74	-7.501,00		
563030200 MAN Entreprenøreqarfik		39.643,28	34.590,35	92.553,58	247.313,47		
563030300 MAN Ikuallaavik	2.324.000,00	117.022,29	75.904,23	183.406,21	441.504,28	76%	81%
563030400 MAN Upalungaarsimaneq Qatserisartoqarfik	3.291.000,00	52.480,56	85.856,59	222.414,75	536.515,43	65%	84%
563030600 MAN Sanaartornermut immikkoortortaq	56.378.000,00	689.324,76	-347.285,10	1.955.144,29	2.350.212,43	17%	96%

**Teknikkeqarnermut ataatsimiititaliap maj 7-ani 2020 ileqquusumik ataatsiminnerna 02/2020**

563030700 MAN Eqqagassalerineq/anartarfilerineq	415.000,00	318.546,81	201.669,30	353.985,50	1.248.342,56	1203%	-201%
563030800 MAN Ingerlatsineq TEKNIKKIKKUT	13.200.000,00	1.655.184,40	2.421.742,6 6	1.802.904, 82	6.834.592,26	207 %	48%
<b>Tamaasa katillugit</b>	<b>199.708.000,00</b>	<b>9.644.151,17</b>	<b>8.926.337,0 7</b>	<b>9.494.128, 97</b>	<b>32.860.900,08</b>	66%	84%

**Teknikkeqarfik: Sisimiut**

Teknikkeqarnermut ataatsimiititaliami ataatsimoorussamik ingerlatsineq	Missingersuut	jan-20	feb-20	mar-20	Piffissami atuineq katillugu	Pissutsinut tunngasunik Atuineq %- inngorlugu	Atuineq sinnerut toq %- inngorlu gu
562040100 SIS Kalaalimeerniarfik - Qimatulivik		-65.253,96	6.845,80	-25.352,66	-105.232,36		
562040200 SIS Entrepreneurqarfik		427.169,60	105.893,48	212.363,07	765.705,75		
562040300 SIS Ikuallaavik	1.446.000,00	851.579,24	855.391,10	-58.769,41	1.529.890,12	423%	-6%
562040400 SIS Upalungaarsimaneq Qatserisartoqarfik	5.475.000,00	212.668,62	224.759,39	89.580,84	779.556,67	57%	86%
562040500 SIS Nunaminertamik atugassiineq		6.573,00			6.573,00		
562040700 SIS Eqqagassalerineq/anartarfilerineq	-741.000,00	404.451,45	508.269,40	449.959,11	1.829.514,36	-988%	347%
562040800 SIS Ingerlatsineq TEKNIKKIKKUT	23.601.000,00	1.837.651,1 0	3.483.035,9 4	3.799.938,8 2	10.840.114,72	184%	54%
563010000 MAN Teknikkeqarneq Avatangiisillu	3.300.000,00	207.387,12	166.084,33	212.748,42	898.243,09	109%	73%
563030100 MAN Kalaalimeerniarfik		31.183,24	21.801,33	-59.195,74	-7.501,00		
563030200 MAN Entrepreneurqarfik		39.643,28	34.590,35	92.553,58	247.313,47		
563030300 MAN Ikuallaavik	2.324.000,00	117.022,29	75.904,23	183.406,21	441.504,28	76%	81%
563030400 MAN Upalungaarsimaneq Qatserisartoqarfik	3.291.000,00	52.480,56	85.856,59	222.414,75	536.515,43	65%	84%
563030700 MAN Eqqagassalerineq/anartarfilerineq	415.000,00	318.546,81	201.669,30	353.985,50	1.248.342,56	1203%	-201%
563030800 MAN Ingerlatsineq TEKNIKKIKKUT	13.200.000,00	1.655.184,4 0	2.421.742,6 6	1.802.904,8 2	6.834.592,26	207 %	48%
<b>Tamaasa katillugit</b>	<b>52.311.000,00</b>	<b>6.096.286,7 5</b>	<b>8.191.843,9 0</b>	<b>7.276.537,3 1</b>	<b>25.845.132,35</b>	198%	51%

**Missingersuutit pingaarnertut naleqqupput, immikkoortortanili ataasiakkaani missingersuutit suli inissinneqanngillat.**

**Tamanna Sisimiunut Maniitsumullu atuuppoq.**

**Teknikkeqarfik: Sisimiut**

**562040100 SIS Kalaalimeerniarfik - Qimatulivik**

Kalaalimeerniarfimmu missingersuutit systemimut nutaamut suli ikkunneqanngillat. Missingersuutissatulli atuinissamullu eqqarsaatigineqartunut atatillugu, sippuilluni atuisoqarsimanissaanik imaluunniit atuinikippallaarnissaanik takussutissaqanngilaq.

Ilanngussaq 1-imili kalaalimineerniarfiit ”tuniniaaviit”-ut allanneqarsimasut takuneqarsinnaapput, taakkulu SIS Ingerlatsineq teknikkikkut immikkoortortaanut missingersuuteqarlutik, tamannalu siuliani allassimasumut nassuiaataalluni.

### **562040200 SIS Entreprenøreqarfik**

Immikkoortortaqarfik Entreprenøreqarfiup iluani asfalterineq, qimmilerivik, iliveqarfik, majartaateqarfik kiisalu qamutit motorillit inissisimapput. Ilanngussaq 1 innersuussutigalugu, immikkoortortat SIS Entreprenøreqarfik SIS Ingerlatsivik TEKNIKKIKKUT assigiinngitsunik missingersuuteqarlutik assigiimmik ”siunertamut taaguuteqartut”.

Immikkoortortanut missingersuutit immikkoortortanut arlalinnut inissinneqaratik, ataatsimut inissitsitserlugit aaqiivigineqarnissaat ingerlanniaqartariaqarput.

### **562040300 SIS Ikuallaavik**

Ikuallaavimmut atatillugu, eqqagassanut akiliutitigut avataaniillu kissamik tunisinermi 6.45 mio. koruunit missaanik isertitaqarnissaq naatsorsuutigineqarpoq. Ukiut siuliini misilittakkat atuinermi procentit annertuumik nikerarneri takutippaat. Ikuallaavimmit Nukissiorfiit avataanit kissamik tunisinissamut atatillugu ikuallaavimmit anguniagaq anguneqarsinnaanngitsoq naatsorsuutigineqarpoq - ukiuni kingullerni missingersuutit 75 %-it missaani inissisimanikuulluni. Aningaasaqarnermut systemimi nutaami isertitat eqqortumik inissinneqarsimanersut ilisimaneqanngilaq.

### **562040500 SIS Nunaminertamik atugassiineq**

Immikkoortortaq SIS Nunaminertamik atugassiineq siusinnerusukkut ingerlatsivimmi atuiffik 2-p iluani atuiffimmi inissisimanikuuvoq. Akiliutinit, containerinik attartornernit umiatsianillu inissiivinnit isertitat, immikkoortortap iluanut inissinneqartussat atuupput. Nunaminertamik atugassiinerit, containerinut inissiiissanik attartortitat kiisalu umiatsianut inissiivinnik attartornerit amerlassusaat atuinermut apeequtaasarput.

### **562040700 SIS Eqqagassalerineq/anartarfilerineq**

Eqqaavilerineq namminersortunut suliariumannittussarsiorneqareerpoq. Entreprise-mut akiliineq atuiffimmit tassanga pisarpoq kiisalu innuttaasunit suliffeqarfinniillu, kommunip imaartittarnermut aaqiissuussaanut ilanngunneqarsimasunit isertitat ilanngullugit. 2019-imi decembarip 31-ani entreprenørinik eqqagassanik anartarfinnillu imaarsisarnermut nutaamik isumaqatigiissuteqartoqarpoq, missingersuutitigullu iluarsisuteqartoqareerluni. Aningaasartuutit isertitallu akornnanni missingersuutitigut oqimaqatigiittoqarnissaa naatsorsuutigineqarpoq. Eqqagassalerinermut anartarfilerinermullu imaarsisarnermut ingerlatsisumut akiligassat anillatsinneqartartut akilerneqartarnerisa nikingasuupput, taamaattumillu atuineq eqqunngitsumik takussusiisarluni.

### **562040800 SIS Ingerlatsineq TEKNIKKIKKUT**

562040200 SIS Entreprenøreqarfiup iluani allaaserineqartut innersuussutigalugu, immikkoortortat marluusut SIS Ingerlatsineq Teknikkikkut aamma SIS Entreprenøreqarfik arlalitsigut assingussuteqarput. Taakku siusinnerusukkut Winformatik-imi atuiffik 2 – TEKNIK iluani ataatsimoortinneqarput. Ukiut sisamararterutaata siullermi aputaajaaneq pingaarnertut atuuppoq. Ukiut siuliinut sanilliullugu ukiup sisamararterutaata siulliani annertunerusumik apisimanagera patsisaalluni, missingersuutaasunit aputaajaanarmut aputinillu katersanik assartuinermut aningaasartuutit annertunerupput. Ingerlatsinermut aqutsisut isumaqarput, maannakkut missingersuussutitigut ukiut sisamararterutaata sisamaani ukiuunerani aqqusinernik aserfallatsaaliinerit ingerlateqqinneqarneratigut sippuilluni atuisoqalissaaq.

**Teknikkeqarfik: Maniitsoq**

**563010000 MAN Teknikkeqarneq Avatangiisillu**

Teknikkikkut immikkoortortanut arlaqartunut atuiffik konteeriiffittut atorneqarpoq, matumani kommunimik ingerlatsineq, allaffissornermi atortut il.il., kukkusumik konteeriisimanissamut misissuisoqarnissaa naatsorsuutigineqarpoq. Taamaattoqaraluartoq, maannakkut atuineq missingersuutunik malinnippoq.

3,3 mio. koruuninik missingersuutaasunit atuineq katillugu 27%-imiippoq.

**563030300 MAN Ikuallaavik**

Kukkusumik konteeriisoqarsimanissaanik misissuisoqarnissaaq natsorsuutigineqarsinnaavoq.

2,324 mio. koruuninik missingersuutaasunit atuineq katillugu 19%-imiippoq.

**563030400 MAN Upalungaarsimaneq Qatserisartoqarfik**

3,291 mio. koruuninik missingersuutaasunit atuineq katillugu 16%-imiippoq.

**563030700 MAN Eqqagassalerineq/anartarfilerineq**

Ukiup sisamararterutikkaartumik eqqagassalerineranut/anartarfilerineranut akiligassanik anillatsitsisarnerup qaammatini pingasuni atuiffik 563030700-mi aningaasartuutit takutippai, maannamulli isertitanik ilanngussisoqarnikuunngilaq. Ima isumaqarpoq, atuineq qaffasissorujussuurtut isigineqarsinnaasoq, tamannali maajimi nalinginnaasuvoq.

**563030800 MAN Ingerlatsineq TEKNIKKIKKUT**

Teknikkikkut immikkoortortanut assigiinngitsunut, matumuna kommunimik ingerlatsineranut aammalu nutarterineranut kukkusumik konteeriisimaneranut misissuiffigineqarnissamut naatsorsuutigineqartunut nukingernartuusinnaasut ilanngullugu, atuiffik konteeriiffittut atorneqarpoq.

13,2 mio. koruuninik missingersuutaasunit atuineq 52%-imiippoq.

Ukiup sisamararterutaanut siullermi sisamaanilu aputaajaanerit ingerlanneqarnerusarput

**Sanaartorneq: Sisimiut aammalu Maniitsoq**

Teknikkeqarnermut ataatsimiititaliami ataatsimoorussamik ingerlatsineq	Missingersuut	jan-20	feb-20	mar-20	Piffissami atuineq katillugu	Pissutsinut tunngasunik Atuineq %-inngorlugu	Atuineq sinneruttoq %-inngorlugu
<b>562040600</b>	<b>91.019.000,00</b>	<b>2.858.539,66</b>	<b>1.081.778,27</b>	<b>262.447,37</b>	<b>4.665.555,30</b>	21%	95%
<b>SIS Sanaartornermut immikkoortoq</b>	<b>91.019.000,00</b>	<b>2.858.539,66</b>	<b>1.081.778,27</b>	<b>262.447,37</b>	<b>4.665.555,30</b>	21%	95%
010500 Qeqqata Kommunια Ataatsimoorussaq	41.500.000,00		106.700,00	1.630,34	108.330,34	1%	100%
010570 Maniitsoq					49.500,00		
010580 Sisimiut	44.319.000,00	2.858.539,66	592.578,27	260.891,87	4.125.299,80	37%	91%
010581 Itilleq				-9.384,84	-9.384,84		
010582 Kangerlussuaq	5.200.000,00			9.310,00	9.310,00	1%	100%
010583 Sarfannguaq / Sarfannguit			382.500,00		382.500,00		
<b>563030600</b>	<b>56.378.000,00</b>	<b>689.324,76</b>	<b>-347.285,10</b>	<b>1.955.144,29</b>	<b>2.350.212,43</b>	17%	96%
<b>MAN Sanaartornermut immikkoortoq</b>	<b>56.378.000,00</b>	<b>689.324,76</b>	<b>-347.285,10</b>	<b>1.955.144,29</b>	<b>2.350.212,43</b>	17%	96%

**Teknikkeqarnermut ataatsimiititaliap maj 7-ani 2020 ileqquusumik ataatsimiinnera 02/2020**

010500 Qeqqata Kommunia Ataatsimoorusaaq	10.795.000,00					0%	100%
010570 Maniitsoq	40.453.000,00	689.324,76	-355.896,00	1.963.314,33	2.349.771,57	23%	94%
010571 Atammik				-4.383,32	-4.383,32		
010572 Napasoq				-3.786,72	-3.786,72		
010573 Kangaami ut	5.130.000,00		8.610,90		8.610,90	1%	100%
<b>Tamaasa katillugit</b>	<b>147.397.000,00</b>	<b>3.547.864,42</b>	<b>734.493,17</b>	<b>2.217.591,66</b>	<b>7.015.767,73</b>	<b>19%</b>	<b>95%</b>

Sanaartornermut tamarmut tunngatillugu tamakkiisumik missingersuutaasunit 147,397 mio. koruuninit atuineq 5 %-imiippoq.

Sisimiuni sanaartornermut immikkoortumut eqitsimmi, siusinnerusukkut ataatsimoorussamik taaguutilinnut (sumiiffimmut kode 00 imaluunniit 90) sulianut aningaasartaqarpoq, ilaat Maniitsumi atugassaasut.

ERP systemimi nutaami nalunaarusiaq aatsaat 1.5.2020-mi ikkunneqarmat, suliniutit normunik ataasiakkaanik, taamatullu sanaartornermut sulianut oqaaseqaateqarnissamik piffissaqarsimanngilaq.

Sisimiut:

Sisimiuni sanaartornermut immikkoortuni atuinikiffiusimaneq, sanaartornerit arlallit ukiuunerani uninngasimaneriniq. ilaasalu siunnersortimi pilersaarusiorneqarneri patsisaapput. Kangerlussuarmini illu sunulluunniit atorneqarsinnaasumut toqqavik, Nikkorsuini utoqqarnut inissiat aqqaneq-marluk kiisalu Akia-ni meeqqerivik4 aarlartisarneqalereerput. Sarfanguini illu tamatigoortoq sanasunut suliariummannittussarsiuutileruttorpoq.

Maniitsoq:

Ungusivik: immikkoortoq 1 ulloq maannamut 20%-ia naammassineqalereerpoq  
Annertusoq-Tunoqqusaaq ikaartarfik: 15 %-ia naammassereerpoq, atortussat kinguaattooqqapput.  
Avammut kangimut illoqarfiup immikkoortuanut nutaamut aqqusinissaaq suli aallartinneqanngilaq  
Sarfaanut majuartaat suli aallartinneqanngilaq  
Maniitsumi Ilaqutariinnut Inerisaaviup sanaartornera suli aallartinneqanngilaq, titartakkat pigineqarput.  
Atuarfik Kilaaseeraq nutarterineq: Pilersaarusiorneq suli aallartinneqanngilaq.  
Kangaamiuni atuarfiup nutarterneqarnera. Sanatitsisup siunnersuutaa utaqqineqarpoq  
Kuuffissuit nutaat Ivissuit. Suliniut ingerlanneqarpoq.  
Napasumi iliveqarfik. Sinissaanut sioqqat Nuummit assartorneqarnissaat amigaatigineqarpoq.  
Atammimmi aqqusinernik pitsanngorsaaneq suli aallartinneqanngilaq  
Inuussutissarsiortunut immikkoortortami nutaami qaartiterutaasivimmut aqqut suliarineqarluni ingerlavoq.

Teknikkeqarnermut Avatangiisinullu immikkoortortamit Tekneqarnermut ataatsimiititaliamut innersuussutigineqarpoq:

Sisimiuni 2020-mi ukiup sisamararterutaata siulliani Teknikkeqarnermut, Pilersuineranut Sanaartornermullu nalunaarusiaq akuersissutigineqassasoq.

Ilanngussat

1. 2020-mi ukiup sisamararterutaani siullermi Ingerlatsinermut peqqissaartumik allaatigisaq
2. 2020-mi ukiup sisamararterutaani siullermi Sanaartornermut peqqissaartumik allaatigisaq

**Aalajangiineq:**

Innersuussut akuersissutigineqarpoq.

Sisimiuni aputaajaanermut tunngatillungu aningaasartuutit mianersuunneqartariaqartut ataatsimiititaliaq naliliivoq. Allaffeqarfimmiit tusaatissatut tinguneqarpoq, nassuiaatigineqarlunilu ingerlatsinermut missingersuutit tamakkerlugu naammattusaarneqartartoq.

**Imm. 06      Maniitsumi iliveqarfiup allilerneqarnissaa aningaasaliinissarlu.**

*Journal nr. 22.06*

Tunuliaqutaq

Ilagiit sinniisai ukiaq teknikkimut avatangiisinullu immikkoortorta qarfirmut saaffiginnissuteqarput Maniitsumi iliveqarfiup allineqarnissaanut periarfissanik eqqartueqatigiinnissamik siunertaqarlutik. Iliveqarfiup allilerneqarnera annertunngitsoq oqaatigineqarpoq, massakkullu iliveqarfik pioreersoq ulikkaarluinnalerluni. Iliveqarfiup allissutaani ilerriit 30-35-it inissaqartut nalilerneqarpoq.

Iliveqarfiup pilersaarusiornissaanut ilagiit sinniisaat/palaseqarfik oqaaseqaammik tunniussisimassasut piumasaqaataavoq, taannalu ilanngussaq 2-imi atuarneqarsinnaavoq.

Aaqqiissutissat marluk aallaavigineqarput. Iliveqarfiup kimmut allineqarsinnaanera, aappaatullu iliveqarfiup kujammut allineqarsinnaanera. (nunap assinga takuuk).

Kimmut allilerineq pissappat pisariaqarpoq ruujorit assigiinngitsut inissisimaneri/ingerlaarfii iluarsaateqqaarneqassasut ataatsimoortilerlugit.

Kujammut allilerineq pissappat pisariaqarpoq umiatsiaaqqat/angallatit qaqinneqarsimasut piffimmut allamut inissinneqarsinnaanerannut innersuunneqassasut.

Allilerinissamut periarfissat qulaani taaneqartut marluusut pilersinneqarnissaanut aningaasartuutissat C-overslag-itut naatsorsorneqarput.

Maleruagassatigut tunngavissaq

Iliveqarfeqrnermi Inatsisartut peqqussutaat nr. 6, 17. oktober 1990-imeersoq.

Iliveqarfiit ungalooqarneri, avatangiisaat il.il. pillugit Namminersornerullutik Oqartussat nalunaarutaat nr. 47, 28. november 1990-imeersoq.

Pissutsit atuuttut

Iliveqarfeqarnermi Inatsisartut peqqussutaat nr. 6 17. oktober 1990-imeersoq naapertorlugu:

- §1. Iliveqarfinni kommunip innuttaanut naammattunik ilivernut inissaqartitsinissaq kommunalbestyrelsip isumagissavaa.
- §1. imm. 2 malillugu, iliveqarfiliormut, ingerlanneqarnerinut aserfallatsaalineqarnerinut atorunnaarsinneqaartarnerinullu aningaasartuutit kommunip aningaasartuutigissavai.
- §1. imm. 3 malillugu, apeqqutini iliveqarfinnut tunngassuteqartuni kommunalbestyrelip ilagiit sinniisui oqaaseqartittassavaat.
- §4 malillugu, Nutaanik iliveqarfiliornissat pioreersullu allilerneqarnissaat naalakkersuisunit akuerineqartassapput.
- §4 imm.2 malillugu, Naalakkersuisut aalajangersinnaavaat iliveqarfinnik alliliinerit annikinnerusut naalakkersuisunit akuerineqanngikkaluarluni suliarineqarsinnaasut.

§1 imm. 3-mut tunngatillugu ilagiit sinniisui ataatsimeeqatigineqarnikuupput. Allilerinissamullu tunngasumik allagaq ilagiit sinniisaaniit allaffeqarfirmut nassiunneqarsimasoq ilanngussami 4-imi takuneqarsinnaavoq.

Iliverfimmi ullumikkut pioreersumi allissut ilaatereerlugu ukiut 1-2 missaanut inissaqartoq missingersorneqarpoq.

Kimmut allilerinermi ukiunut 5-inut inissaqartutut missingersorneqarpoq, kujammullu allilerineq ukiunut 7-8-inut missingersorneqarluni. Allileriffissat ulikkaarpata iliveqarfimmu inissamik nutaamik nassaarniartoqartariaqassaaq.

Iliveqarfimmik allilerineq pissutsit atorneqartareersut atorlugit sioqqanik tikisitsinikkut ingerlanneqassasoq siunertarineqarpoq.

#### Atuilluartuunissakkut kingunerisinnaasai

Pisarialimmik pilersaarutit piffissaagallartillugu aningaasaliissutaasut siunissaq eqqarsaatigalugu sipaarutaassapput.

#### Aningaasaqarnikkut allaffissornikkullu kingunerisinnaasai

Iliveqarfiup allilerneqarnissaanut periarfissat marluusut pilersinneqarnissaanut aningaasartuutissatut missiliuutit C-overslagit allaffeqarfimmiik missingersorneqarput. Missingersuinerit ilanngussaq 3-imi takuneqarsinnaapput.

Kimmut allilerinermut missiliuut: C-overslag 3,6 mio. kr. ukiunut 5-inut missingersugaq.

Kujammut allilerinermut missiliuut: C-overslag 3,7 mio. kr. ukiunut 7-8-inut missingersugaq.

#### Qullersaqarfiup oqaaseqaatai

#### Allaffeqarfiup naliliinera

Naammattumik ilivernut inissamik pilersitsisoqarnissaa qulakkeerniarlugu allaffeqarfiup innersuussutigaa alliliinissap pilersaarusionerqarnissaa piaartumik aallartinneqassasoq.

Ilagiit sinniisaat ukiaq ataatsimeeqatigineqarnerani kiisalu ilagiit sinniisaasa allagaanni takuneqarsinnaasutut allileriniarneq tapersersorneqarpoq.

#### **Innersuussut**

Teknikkimut Avatangisinullu ataatsimiititaliamut akuereqqullugu allaffeqarfimmit innersuutigineqarpoq:

- Iliveqarfimmik allilerinissamut inissiinissaq piaartumik kommunip pilersaarusionerqarnerani tapiliussamut ilanngunneqassasoq.
- Kommunep pilersaarusionerani tapiliussamut 700-B12 ilanngunneqassasoq piffiup ilaata umiatsiaaqqanut qaqitsiffissatut piffissami aaliangikkami atorneqarsinnaasunngorlugu.
- Iliveqarfiup allilerneqarnissaanut 2021-imut sanaartornissamut aningaasaliisoqassasoq.

#### **Aalajangiineq**

Innersuussutit akuersissutigineqarput.



Ilanngullugu aalajangertoqarpoq ukioq manna pilersaarusionermut atugassanik immikkut aningaasaliisoqarnissaanut 400.000 kr.-nik, aappaagulu sinneri 3,30 mio. kr. aningaasaqarnermut ataatsimiititaliamut qinnutigineqassasut.

**Ilanngussaq**

1. Ilanngussaq - Iiveqarfiup allilernerqarnissaanut pilersitsinissamut nunap assinga.
2. Ilanngussaq - Ilagiit sinniisaanniit allakkat.
3. Ilanngussaq - Allilerinissamut missingersuutit C-overslagit
4. Ilanngussaq – Iiveqarfeqarnermi Inatsisartut peqqussutaat nr. 6, 17. oktober 1990-imeersoq.

**Imm. 07      Nunamik ikuallattoornissamut upalungaarsimaneq**

*Journal nr. 85.04.03*

Tunuliaqutaq

Kangerluarsuk Tullermi 2019-ip aasaagaa annertuumik ikuallattoornermi nunamik ikuallattumik qatserinermi atortut annertuut ikuallannermik sunnerneqarlutik atorsinnaajunnaarput.

Maleruagassatigut tunngavissat

- Kalaallit Nunaanni annaassiniarnissamut upalungaarsimaneq aamma ikuallattoornissamik qaartoonissamillu pitsaaliuinermi iliuusissat pillugit Inatsisartut inatsisaat nr. 14, 26. maj 2010-meersoq § 16 imm. 4

Pissutsit atuuttut

Nunamik ikuallattoornissamut atortut annertunersaat annertuumik aseruaiterput atorsinnaajunnaarlutik.

Ukiuni kingullerni nunami ikuallannerit sakkortusiartorput, tamanna ilutigalugu atortut pigisavut annikippallaalerput. Takussutissiami 2013-mit 2019-mut takuneqarsinnaapput Qeqqata Kommuniani nunamik ikuallattoorsimanerit annikinnerusut annertunerusullu 20-iusimasut.

Nunamik ikuallattoortarnerit aalaakkaasuupput, taamaattorli 2017-mi 2019-imilu annertuumik nunamik ikuallattoortarnerit pisimapput. Nunallu panernerusalernerata takutippaa annertuumik ikuallattoornissamut aarlerinaatit annertusiartortut.

Nunamik ikuallattoortarnerit annertusiartortillugit 2019-mi ikuallattoornermi takusinnaavarput atortutigut annertusaasariaqarluta. Pumpit imermik millussissutaasartut aammalu tunioraasinnaasut sakkortunerit pisariaqartippavut, slangit anginerit (A-slange), imermik annertuumik assartuinermi atugassat, mikinerusullu (D-slange) qatserinermi atugassat pisariaqartinneqarlutik.

*Takussutissaq 1: Ukiuni 2013-mit 2019-mut nunamik ikuallattoortarnerit*

01.06. 2013	B-541B	nunamik ikuallattoorneq	Annikitsoq
05.07.2013		Ilinniartut ineqarfiat Apisseq, tunuani	Akunnattoq
07.07.2013		Ilinniartut ineqarfiat Apisseq, tunuani	Akunnattoq
17.07.2013		Alanngorsuup kangia'tungaani	Annertoq
26-07-2014		Qerrortusoq Assaqtap eqqaani	Annikitsoq
03-08-2014		Itinnermi qaqqami ikuallanneq	Annikitsoq
21-08-2014		Aputeqarajuuni qaqqap ikuallannera	Annertoq
28-09-2014		Iliveqarfimmi	Annikitsoq
10-07-2015		Utoqqaat	Akunnattoq
13-08-2016		Oqummiannguup Nilluasullu akornanni	Akunnattoq
23-05-2017		Sarfannugit	Akunnattoq

14-06-2017	B-555B Ukalilik	Annikitsoq
14-06-2017	Akiani nunamik ikuallattoorneq	Annikitsoq
14-06-2017	Deichmannip Aqq. eqqaani nuna	Annikitsoq
xx-07-2017	Amitsorsuaq	Annertoq
xx-07-2017	Kangaamiut eqqaani Kangerlussuatsiaq	Annertoq
04-06-2019	Tuiusaannguup kangiani	Akunnattoq
08-07-2019	Tuapannguanut	Annikitsoq
08-07-2019	Kangerluarsuk Tulleq	Annertoq

Atuilluartuunissakkut kingunerisinnaasai

Nunami ikuallattoornerit tamarmik ukiuni arlalinni nalimmassarniartarput.

Aningaasaqarnikkut allaffissornikkullu kingunerisinnaasai

Nunami ikuallattoornermi atortut annertupput akisullutillu. Atortutigut amigaateqarneq Qeqqata Kommunianni tamarmi atuuppoq. Illoqarfinnullu marlunnut agguarlugit atortut makku pisariaqartitat amigaatigineqarput:

**Maniitsoq:**

Imerk millugussissut angisooq FOX III	90.000,00 kr.
Imerk millugussissut Otter marluk, ataatsip akia: 42.000,00 kr. marluk	84.000,00 kr.
Imerk millugussinermi atortut	5.000,00 kr.
Silaannaliut (Kangaamiut)	30.000,00 kr.
Atisarsuit	35.000,00 kr.
Atallaat puttasartut – imaatigut angalanermi	20.000,00 kr.
Drone	50.000,00 kr.
Nassiussineq – fragt	20.000,00 kr.

**Sisimiut:**

Imerk millugussissut angisooq FOX III	90.000,00 kr.
Imerk millugussissut Otter marluk, ataatsip akia: 42.000,00 kr. marluk	84.000,00 kr.
Imerk millugussinermi atortut	7.500,00 kr.
Slangit imermik assartuineri atugassiat (A-slange)	18.000,00 kr.
Slangit qatserineri atugassiat (D-slange)	10.000,00 kr.
Slangit katiguffii siammarterineri atugassat (afgrener)	10.000,00 kr.
Qatserutit nuui serpartaani atugassat	10.000,00 kr.
Gummibåd mikisooq aquuterallalik – atortunik angallassissut	50.000,00 kr.
Atisarsuit kamippaallu	50.000,00 kr.
Anersaartuutit putsumut illersuutaasinnaasut	20.000,00 kr.
Nammattakkat imassaallu qatserisartut qatserinerinni nassartagaat	20.000,00 kr.
Perusersartarfiit asattortarfiillu	20.000,00 kr.
Nerisassiormi atortut	10.000,00 kr.
Toqqit pitsaasut angisuut	10.000,00 kr.

ATV-nut kalittakkat nunap ilusaanut tulluarnerit	20.000,00 kr.
VHF-imut sakkortusaaveeraq angallattagaq	10.000,00 kr.
Iridium internetitalik – assinik nassiussinermi atorpeqartussaq	10.000,00 kr.
Radiuaqqat angallattakkat	30.000,00 kr.
Atallaat puttasartut – imaatigut angalanermi	20.000,00 kr.
Drone	50.000,00 kr.
Nassiussineq – fragt	23.500,00 kr.

Kommuni tamakkerlugu atortunut pisariaqartinneqartunut aningaasartuutissat 907.000,00 naleqarnissaat naatsorsuutigineqarpoq.

#### Allaffeqarfiup naliliinera

Nunap ikuallattarneri annertusiartuinnarput. Aasap 2019-ip takutippaa atortunik annertunerusunik amigaateqarnek pissutigalugu ikuallattut aqussinnaajunnaarnera.

Siunissami kommunimut aningaasatigut nammakkiisinnaasut annikillisarniarlugit nunamik ikuallattoornermi atortutigut pitsanngorsaanissaq kommunitinnut akikinnerussasoq allaffeqarfimmit nalilerneqarpoq.

#### **Innersuussut**

Innersuussutigineqarpoq immikkut aningaasaliinissamut qinnuteqaat akuersissutigineqassasoq, aningaasaqarnermillu ataatsimiititaliamut ingerlateqqinneqassasoq.

#### **Aalajangiineq**

Innersuussut akuersissutigineqarpoq.

#### **Ilanngussat**

Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliuusissat pillugit Inatsisartut inatsisaat nr. 14, 26. maj 2010-meersoq

**Imm. 08 Kalaalimineerniarfiup siunissaa**

*J. nr. 73.01.50*

Tunuliaqutaq

Sisimiuni kalaalimineerniarfiup nutaap sananeqarnissaanut aningaasat 10 mio. koruunit pisariaqartinneqarput. Sanaartornissamut kissaat 2015-16-ikkunni qaqinneqarnikuuvoq, tassani ilaatigut nutarsaanissamut aningaasaliissutinut suliniutip aningaasaliiviginissaa aalajangiunneqarluni, kommunillu pilersaaruserfigineqarnerani tapiliussatut suliarineqarneranut atatillugu allamut inissinneqarnissaanut siunnersuut akuerineqarlunittaaq. Kinguneranik allaffissornikkut kalaalimineerniarfiup namminersortunngortineqarnissaanut misissueqqissaartoqarnissaa politikkerit tungaanniit kissaatigineqarpoq. 2018-imi isumasioqatigiinnermi imaqarniliaq ilanngussaq 1-imi takuuk. Pinerit tamaasa suliap immikkoortumiit immikkortumut nuutseqattaarnerani inuit pissutsinut pulaniaqaartariaqartarput, ataqatigiissaarneqarneralu qangali annaaneqarnikuuvoq.

Kalaallit Nunaanni kalaalimineerniarfinnik niuernerpalaartumik atugassarititaqartunik assersuutissaqanngilaq, taamaalillutillu kalaalimineerniarfiit kommunimit innutaasunut, illoqarfigisami nerisasaqarnissamik piniartunullu tunitsiveqarnissamik kissaateqartunut sullissinertut ingerlasuullutik. Qangaaniilli kalaalimineerniarfiit taarsigassaqqissereernikuupput, ullumikkullu sulii ajorsigaluttuinnarlutik.

Pisut akornanni allamut inissinnissaanut periarfissat toqqarneqarsimasinnaagaluartut sanaartornissamut suliniut kommunip pilersaaruserfigineqarnerani tapiliussatut ilanngunneqanngilaq, nutaamilli sanasoqassappat kalaalimineerniarfiup pioreesup saniani sananeqarsinnaalluarpoq. Pissutsilli aamma aallaaviullutik iluarsartuussinissamut aningaasaliissutinut missingersuutaasut suliniutinut allanut atorneqarput. Iluarsartuussinissanut aningaasaliissutit siunertanut angisuunut nutaanullu atorneqartarnerat aamma innersuunnanngilaq. Tamannami iluarsartuussinissanut ingerlareersunut unititsiviusarsinnaasarmat akimmiffilersuinerpassuarnik kinguneqarsinnaasunik. Iluarsartuussinissamut aningaasaliissutigalugit suliniummut tassunga siunnersuuteqarnermut aallaaviuvoq iluarsartuussinissamut aningaasaliissuteqarnermi iluarsartuussinissanut suliniutissanut piffissamik atuilluarnikkut pilersaaruserortoqanngimmat, suliniutillu eqqissilluni suliarineqarsinnaasimassagaluarjata. Taamanikkut kalaalimineerniarfiup piusup iluarsartuunnissaanut missingersuutitigut allanik immikkoortitsisoqarnikuuvoq, illutaatali qanoq issusia peqqutaalluni atornissaanut isumaqarsimannngitsunik. Missingersuusiit pisariaqartut inissaminiikkunnaarsimapput. Qeqqata Kommuniani kalaalimineerniarfiit siunissaat pillugu isumasioqatigiinneq 2018-imi septembarip 18-iani Sisimiuni ingerlanneqarpoq. kalaalimineerniarfiit pitsaangorsaavigineqarnissaat politikkerinit kissaatigineqarpoq, kiisalu periarfissaqassagaluarpat ingerlatsineq namminersortunit isumagineqarsinnaasoq.

2018-imi isumasioqatigiisitsineq Qeqqata Kommunianit aningaasaliiffigineqarpoq. Isumasioqatigiisitsinermi Qeqqata Kommuniani kalaalimineerniarfiit siunissaasa eqqartorneqarnissaat siunertaavoq. Tassani atuisut, tassaasut kalaalimineerniarfinni pisisartut aamma aalisartut piniartullu kalaalimineerniarfinni tunisisartut, taakkulu kalaalimineerniarfiup siunissaannut tunngatillugu kissaatiminnik saqqummiussissasut siunnersuuteqassallutillu. Tamatuma saniatigut inuussutissalerinermi inatsisitigut killiliussat periarfissallu eqqartorneqarnissaat siunertaavoq. Isumasioqatigiinnerup inerneriumaartussaagaa Qeqqata Kommuniani kalaalimineerniarfiit qanoq pileraaruserfigineqassanersut pillugu tikkuussisoqarnissaa suleriaqqinnissamut aqutissiuussinnaasumik. Pingaartumik Sisimiuni

Qimatulivik (kalaaliminerniarfik) oqariatuutigineqarpoq mikivallaartoq, illu pisoqalisimasoq, oqoqartoq, neqinik pilattarfeqanngitsoq. Kalaalimineerniarfik nutaamik taarsertariaqartoq.

Isumasioqatigiinnermi kalaalimineerniarfimmik assigiinngisitaartunik nutaanillu tunisassiaqartariaqarnera pisisartunit oqaatigineqarpoq. Pisisartut pisiassanik pisariitsunik aamma kusanartumik poortukkanik (emballage) piumasut oqariatuutigineqarpoq.

Pujoorinerit tarajorterinerillu kalaaliminerniarfinnut iluaqutaasinnaagaluartut, pujuukkat tarajortikkallu sivilisunerusumik atasinnaammata.

Tuttunik umimmannik uumasunillu allanik peqarnissaa kissaatigineqapoq, aamma piniarfiup nalaani. Kalaalimineerniarfiit takornarissanit alakkarneqarsinnaasatut periarfissaanissaat kissaatigineqarpoq.

Paaqqinnittarfiit ulluinnarni kalaalimineerniarfimmi kalaaliminernik pissarsiniarneq ajornarsinnaasoq oqariatuutigineqarpoq. Ilaanni ulluni arlalinni pissarsisinnaaneq ajorsimapput, ilaatigut piniartut neriniartarfiit siulliullugit tuniniaaffigisarnerat pequtaalluni. Piniartut Qimatulivik avaqqullugu tuniniaasarmata.

Kalaaliminernik assigiinngitsunik ataavartumik pisiffigisinnaasaqarnissaq pisisartunit ujartorneqarpoq.

Isumasioqatigiisitsineri oqariatuutigineqartut pillugit sukumiinerusumik atuagassaq ilanngussaq 1. takuuk.

#### Maleruagassatigut tunngavigisaq:

Suliffeqarfiit inuussutissaleriffiusut pillugit Namminersornerullutik Oqartussat nalunaarutaat nr. 21, 27. juli 1998-imeersoq.

#### Pissutsit atuuttut:

Inuussutissanik suliassaqarfik suli tiguneqarnikuunngilaq, aammalu inuussutissanik suliassaqarfiup illutaa, ingerlatsineq minnerunngitsumillu nerisassanik tuniniaanermi periutsinut piumasaqaatit annertupput. Kalaalimerngit kalaalimineerniarfinni tuniniarneqartut suliffissuarniit nioqutissiaanngillat, akuerineqanngitsumillu tunisisartunit tuniniarneqartarlutik, taamatullu periusit allanngortinnissaannut tunngatillu pisortanit assut ajornakusoortinneqarpoq. Tamanna pequtigalugu periutsit pisortaniillu akuersissutit aallaavigalugit "Aningaasaqarnikkut allaffissornikkullu kingunerisinnaasai"-p ataani namminersortunngorsarneqarnissaanut periarfissat eqqaaneqarput. Kalaalimineerniarfimmi suliareriikkanik tuniniaarnerup ammaaneqarsinnaanera eqqarsaatigalugu, ilanngussaq 3-mi nalunaarutit taaneqartuniit ingerlatsineri aningaasartuutit annertunerusussaassapput, ullumikkumullu sanilliullugu suliffeqarfiit assingusunit tunisaqarnerusinnaanissamat misilittakkatigut tunngavissaqanngilaq.

Kalaalimineerniarfiit ullumikkut 1. mio. koruuninik missingersuuteqarlutik kommunimit ingerlanneqarput.

Kalaalimineerniarfimmu atuuffik 23-22-mi 1,046 -inik missingersuuteqartoq atuinerlu 1,281 mio. koruuniusoq, ilanngussaq 1-imi 2018-imi naatsorsuutini takuneqarsinnaavoq. Ukiut tamaasa missingersuutaasut eqqqorniarnaqartarput. Kalaalimineerniarfiup kommunip ataaniinnera aningaasartuutit appasingaatsiarnerinut pequtaavoq, illumut aningaasaliissutit allallu ingerlatsineri naatsorsuutiniinngimmata. Ingerlatsineri naatsorsuutit immineq annikipput, sillimmasiissarnermut aqqissuussineq kommuninut tamarmuummat, taassuma ilagalugu TAI, tassani pappilissat kalaalimineerniarfinnut tunngasut suliarineqartarlutik.

Missingersuutit taakku iluini isertitaqarpoq, qulaani taaneqartut missingersuutinut ilanngunneqartut ilanngussaq 2-milu missingersuutit inissisimani tamakkerlugit takuneqarsinnaapput. 2018-imi

isertinneqasimasut 4,021 mio. koruuniupput, piniartunut KNAPK-mut Akileraaruseriffimmullu akiligassat 3,604 mio. koruuniullutik. Tamassumunnga kalaalimineerniarfiup ingerlanneqarneranut 10 procentia, Akileraaruseriviup pisasaa 10 procenti KNAPK-llu pisasaa 1,5 procenti. Tunisanut ataasiakkaanut akinik aalisartut piniartullu peqatigiiffiat nalunaarusiortussaapput, akilli atuuttut 2011-imeersuupput. kalaalimineerniarfiup namminersortunngorsarneqarsinnaaneranut tunngatillugu "Aningaasaqarnikkut Allaffissornikkullu kingunerisinnaasat ataani suliarineqartuni pissutsit taamaattut qanorluunniit minnerpaaffimmiitsissapput.

#### Atuilluartuunissakkut kingunerisinnaasai:

Aningaasaqarnikkut aqutsinermi namminersortuunissaq pisariaqartuuneq ajorpoq, kalaalimineerniarfillu tassunga ilaavoq. Kalaallit Nunaanni kalaalimineerniarfiit niuernerpalaartumik atugassarititaqartunik assersuutissaqanngilaq, taamaalillutillu kalaalimineerniarfiit kommunip innutaasunut, illoqarfigisami nerisasaqarnissamik piniartunullu tunitsiveqarnissamik kissaateqartunut kiffartuussinertut ingerlasuullutik.

Kalaallit Nunaanni illoqarfiit anginngillat, amerlanerillu nammineq kalaaliminernik pilersortuullutik, ilaat kalaalimineerniarfimiit pisisartuullutik.

Illoqarfimmi aalisartunut piniartunullu kalaalimineerniarfik pisanik tunniussisinnaaneranut periarfissaqartitsivoq, taakkulu piniarnerini aamma tunisassanik ingerlatitseqqittuusarluni. Kalaalimineerniarfeqanngippat aalisartut piniartullu pisaminnik asuliinnartitsisariaqassapput, taamaalilluni piffissaq aalisarnermut piniarnermullu atorineqartoq sivikinnerulissalluni, aningaasaqarniarnikkut ammut ingerlalerneq kinguneqartitsisinnaalluni. Naak kalaalimineerniarfik kommunimut aningaasartuutaagaluartoq illoqarfimmi aalisartunut piniartunullu aningaasanik isertitaqarfiusarpoq, isumalluutinullu annerusumik tunngaviliisuulluni. Kalaalimineerniarfeerunneratigut kommunip pisortatigut pilersuinerneq ikiorsiinera qaffangaatsiartussaasaq, tamannali anguniagaanngilaq.

Avataaniit inuussutisanik nioqqutissanik eqquusuineq kalaalimineerniarfinnit aamma toqqaanaq sunniuteqassaaq, nerisassatigut kultureqarneq aamma aningaasatigut nallerneqarsinnaanngilaq.

#### Aningaasaqarnikkut allaffissornikkullu kingunerisinnaasai

Ataani skema malillugu 2018-imi Sisimiuni kalaalimineerniarfik 4. mio. koruuninut tunisaqarsimavoq, kalaalimineerniarfiup ingerlanneqarneranut kommuni 1. mio koruuninik missingersuuteqarpoq, tunisat ilanngullugit. Kalaalimineerniarfeqannginnera patsisaalluni atuisut aningaasat naleqataanik nunanit allaneersunik pisiniarfinni pisiniaannartarnerat aallaavigissagaanni aningaasat ilarpassui nioqqutissanik tikisitsinernut atorineqartarsimasinnaapput.

Sisimiuni nutaamik kalaalimineerniarfiliornissamut 10 mio. koruunit tungaanut sanaartornermut missingersuutit pisariaqartinneqarput. Sanaartornissamut kissaat 2015-16-ikkunni qaqinneqarnikuuvoq, tassani ilaatigut nutarsaanissamut aningaasaliissutinit suliniutip aningaasaliiviginissaa aalajangiunneqarluni, kommunillu pilersaarusiorfigineqarnerani tapiliussatut suliarineqarneranut atatillugu allamut inissinneqarnissaanut siunnersuut akuerineqarluni. Kinguneranik kalaalimineerniarfiup namminersortunngortineqarnissaanut allaffissornikkut misissueqqissaartoqarnissaa politikkerit tungaanniit kissaatigineqarpoq, ukiullu ingerlanerini kommunimi allaffissornikkut suliaasaqarfiinut assigiinngitsunut ingerlanneqattaarpoq, naammassineqaranilu. 2018-imi isumasioqatigiinnermi imaqarniliaq ilanngussaq 1-imi takuuk.

Pinerit tamaasa suliap immikkoortumiit immikkortumut nuutseqattaarnerani inuit pissutsinut pulaniaqqaartariaqartarput, ataqatigiissaarneqarneralu qangali annaaneqarnikuuvoq.

Pisut nalaani sanaartornissamut suliniut kommunip pilersaarusiorfigineqarneranut ilanngunneqanngilaq, allamut inissinnissaanut periarfissat toqqarneqarsimasinnaagaluartut, nutaamilli sanasoqassappat kalaalimineerniarfiup pioreersup saniani sananeqarsinnaaalluarpoq. Pissutsilli aamma aallaaviullutik iluarsartuussinissamut aningaasaliissutinut missingersuutaasut suliniutinut allanut atorneqarput. Iluarsartuussinissanut aningaasaliissutit siunertanut angisuunut nutaanullu atorneqartarnerat aamma innersuunanngilaq. Tamannami iluarsartuussinissanut ingerlareersunut unititsiviusarsinnaammat akimmiffilersuinerpassuarnik kinguneqartartunik. Iluarsartuussinissamut aningaasaliissutigalugit suliniummut tassunga siunnersuuteqarnermut aallaaviuvoq iluarsartuussinissamut aningaasaliissutit piulernerani iluarsartuussinisanut suliniutissanut piffissamik annertuumik atuinikkut pilersaarusiortoqanngimmat, suliniutillu eqqisilluni suliarineqarsinnaassagaluardata. Taamaakkunnaarpoq.

Siunissami kalaalimineerniarfik qanorluunniit isumagineqassagaluarpat, nutaamik kalaalimineerniarfeqalernissaq pisariaqarpoq, kalaalimineerniarfiup siunissami ingerlannissaanut ataani taakkartorneqartut tamaasa ilanngullugit. Periarfissat misissorneqartut ukuupput:

1. Kalaalimineerniafimmik maannakkumut ingerlatsineq allanngortinnagu.
2. Kalaalimineerniarfik tamakkiisumik namminersortunngortillugu.
3. Kalaalimineerniarfik ilaannakortumik namminersortunngorsarlugu, illutaa kommunip tigummillugu, ingerlatsinermi suliasat suliariumannittussarsiuullugit.

Ingerlatsinermut aningaasaqarneq "Pissutsit atuuttut"-imi nassuiarneqartut periarfissaq 1-imi allannguuteqassanngilaq, periarfissat ataasimut tamarmik nutaamik kalaalimineerniarfiliornissaq naatsorsuutigineqarpoq, taamaattumik periarfissat 1-imut aamma 3-mut aningaasartuutit naatsorsuusiorneqassapput.

Ataatsimut periarfissani 1-imi aamma 3-mi atuuppoq akissarsianut, kukkunerisuisunut, sillimasiissutinut allanullu aningaasartuutit qaffariaateqarnissaat, tassa ingerlatsinerup kommunip ataaniigunnaarneratigut annertuumik ingerlatsinikkut iluaqtissaarutissammat. Ilutigalugu sanaartornissamut suliffeqarfiit aamma atugassarsiniartussaapput (periarfissaq 2 eqqarsaatigalugu) kiisalu aallartisaanermi atugassanik annertuumik allanillu atugassanik, suliffeqarfiup ingerlannissaanut artukkiisinnaasunik atugassaqtussaassallutik.

Tamakkiisumik ilaannakortumilluunniit Kalaalimineerniarfiup namminersortunngorneqarnerani naatsorsuutit ataani skemami takuneqarsinnaapput.



**Teknikkeqarnermut ataatsimiititaliap maj 7-ani 2020 ileqquusumik ataatsimiinnera 02/2020**

Budget: Årlige driftsudgifter ved delvis privatisering	Kr. ved delvis privatisering	Kr. ved fuld privatisering	Kommentar
<b>Administrations- og lønudgifter</b>			
Lønoms-kostninger	1.631.000	1.631.000	Lønoms-kostninger til brættet var 1,1 mio. kr. i 2018, men der skal som minimum være en direktør/regnskabsansvarlig til et privat bræt, som nok kræver ca. 500.000 kr. mere årligt.
Revisor	75.000	75.000	Skønnet.
Gage til bestyrelse	100.000	100.000	Bestyrelsesgage
Kontorholdsomkostninger	50.000	50.000	i 2018 var omkostningerne 46.000 kr.
Øvrige omkostninger	15.000	15.000	Diverse
<b>Årlige faste udgifter</b>			
Forsikring	25.000	40.000	Gæt på forsikring bil/lastbil mc.
Vand/varme/el kontoret/	420.000	420.000	Varme, vand, el forbrug var i 2018 210.000 kr. Her regnes med større bygning.
Vedligeholdelse af bygninger	-	200.000	Ikke brugte hensættes.
<b>Drift af aktiver</b>			
Brændstof til bil	50.000	50.000	Der hentes varer fra dag til dag.
Reparationer	120.000	120.000	
<b>Indkøb af råvarer (fra fangerne)</b>			
Skattepligtige overførsler til personer	3.600.000	3.600.000	2018 niveau. Forhøjelse af beløbet kræver mereomsætning.
<b>Afskrivninger og gældsforpligtigelser</b>			
Ydelser til gæld	1.913.000	2.866.000	Se "Investeringer" skemaet med renter og forskellige tilbagebetalingsperioder.
<b>SUM</b>	<b>7.999.000</b>	<b>9.167.000</b>	<b>Skal minimum balanceres med indtægterne. Indtægten i 2018 var blot på 4 mio. kr.</b>

Kalaalimineerniarfiup ilaannakortumik namminersortunngorsarneqarneranut tunngatillugu suliariumannittussarsiuussinissaq pisariaqalissaaq, kommunip aningaasaatai atorlugit kommuni suliffeqarfinnik isumaginnittussanik imaaliallaannarluni toqqaasinnaangimmat, aningaasatigulli imminut aquttumik ingerlatsinissaq assut nalornarpoq. Ingerlatsinermut kommuni tapiissuteqassagaluarpat kalaalimineerniarfiup maannakkumut ingerlanneqarneranit annertunerujussuusavaoq.

Allaffeqarfiup naliliinera

Qulaani takuneqarsinnaasutut, kalaalimineerniarfik ilaannakortumik tamakkiisumilluunniit namminersortunngorsarneqarani ingerlanneqarnera maannakkutut ingerlannera aningaasatigut iluanaarutissaqarnerussatut isikkoqarpoq.

Inuussutissat pillugit oqartussanut akuersissutinik pisariaqartunik piniartigani tunisassiornermi ineriartortitsiniarneq ajornarpoq. Tamaattoqassappat, kommunip ingerlatsineratigut tamanna pisinnaavoq, ilaannakortumilluunniit tamakkiisumillu namminersortunngorsaagaanni. Qulaanili taaneqartunut tunngatillugu aningaasartuutit qaffassapput, tassami tunisassiat suliarineqarnissaannut atortorissaarutit ilanngullugit nalunaaquttap akunnerani sulinermut atorineqartussat amerlineqartariaqarmata. Periarfissanut qulaani taaneqartunut assersuukkaanni tamanna 3-mut annertusisitsiinnartussaavoq.

2021-imut sanaartugassanut pingaarnersiuinermi ukiunullu missingersuusiorfiusuni kalaalimineerniarfimmu 10 mio. koruunit ilanngunneqassasut innersuussutigineqarpoq. Innersuussutigineqarportaaq, kalaalimineerniarfik maannakkutut ingerlanneqaannassasoq.

#### Innersuussut

Teknikkeqarnermut Avatangiiisnullu immikkoortortaqaqfiup Teknikkeqarnermut ataatsimiititaliamut kingusinnerusukkullu aningaasaqarnermut ataatsimiititaliamut kommunalbestyrelsimullu

innersuussutigaa

Kalaalimineerniarfik ilaannakortumik tamakkiisumilluunniit namminersortunngorsarnagu maannakkutut ingerlatiinnarneqassasoq.

2021-imi missingersuutininik suliaqarnermut atatillugu nutaamik kalaalimineerniarfeqalernissamut 10 mio. koruunit pisariaqartinneqartut aningaasaliissutigineqassasut.

#### **Aalajangiineq**

Aalajangiinermi imm. 18-imi eqqartorneqartut ilanngullugit aalajangiisoqarpoq.

Sisimiuni Maniitsumilu kalaalimineerniarfimmu tunngatillugu allaffeqarfiup oqariartuutaai tusaatissatut tiguneqarput, aningaasaliinermullu tunngatillugu imm. 11-mut ataatsimiititaliap kissaataanut tunngasumut innersuunneqarlutik.

#### **Ilanngussat**

1. Qeqqata Kommuniani Kalaalimineerniarfiit siunissaat pillugit 19. September 2018-mi isumasioqatigiinnermit imaqarniliaq.
  2. 2018-imut naatsorsuutit atuiffik 23-23 Kalaalimineerniarfiit
  3. Kalaalimineerniarfiup namminersortunngorsarneqarsinnaaneranut naatsorsuutit
  4. Suliffeqarfiit inuussutissaleriffiusut pillugit Namminersornerullutik Oqartussat nalunaarutaat nr 21, 27 juli 1998.
-

**Imm. 9 Ukiumi pisassiiffiusumi 2020-imi aaffattassat agguaannerat.**

*Journalnr. 72.01.01*

**Tunuliaqutaq**

Aalisarnermut, Piniarnermut Nunalerinermullu Naalakkersuisoqarfiup tusagassiorfinnut nalunaarutaani 13.12.2019-meersumi nalunaarutigineqarpoq aarrit 31-it Qeqqata Kommunianut 2020-mi pisassiissutigineqartut.

Aamma:

Aalisarnermut, Piniarnermut Nunalerinermullu Naalakkersuisoqarfiup Kommuninut nalunaarutaani 10.02.2020-meersumi nalunaarutigineqarpoq aavernik 2019-imi pisassiissutinik atunngitsuukkanik 2020-mut nuussinermi aarrit 6-it Qeqqata Kommunianut 2020-mi pisassiissutigineqartut.

Taamaalilluni matumani kommunip iluani aqutsiveqarfinnut agguaassinissami pisassat katillugit 37-it agguaanneqassapput.

**Maleruagassatigut tunngavissat**

Aarrit illersugaanerat piniagaanerallu pillugit Namminersornerullutik Oqartussat nalunaarutaat nr. 20, 27.oktober 2006-meersoq.

§ 6. § 4 naapertorlugu kommunimut pisassiissutit eqqarsaatigalugit akuersissutinik normulersukkanik qinnuteqaateqartunut atuuttumik inuussutissarsiutigalugu piniarnermut allagartalinnut kommunimilu tassani najugaqartutut inuit nalunaarsorsimaffianni nalunaarsorsimasunut kommunalbestyrelse agguaassissaaq. Qinnuteqaateqartut akuersissutinik agguaassinermi peqataasinnaassagunik qinnuteqaateqarnerminni atuuttumik inuussutissarsiutigalugu piniarsinnaanermut allagartaqassapput.

*Imm. 2.* Kommunimut aaffanniarsinnaanermut akuersissutit tunniunneqartut aaffanniarsinnaanermut qinnuteqaatinit ikinneruppata, imm. 1 takuuk, kommunalbestyrelsip aalajangissavaa akuersissutit qanoq agguataarneqassanersut.

**Pissutsit atuuttut**

2015-miit 2019 ilanngullugu ukiumut aarrit 30-t Qeqqata Kommunianut pisassiissutigineqartarput. Pisassiissutigineqartut Sisimiut aamma Maniitsup aqutsiveqarfiinut kommunimit avinneqartarnerat pisallu amerlassusii imatut isikkoqarput.

Sisimiut:

Ukioq	Pisassiissutit	Pisarineqartut
2015	22	24*
2016	22	20
2017	22	16
2018	22	28*
2019	22	26*

\*Ukiut siuliani pisarineqangitsut nuutat aamma Maniitsup aqutsivianiit nuutat 2-it ilanngullugit.

Maniitsup

Ukioq	Pisassiissutit	Pisarineqartut
2015	8	3
2016	8	8

2017	8	1
2018	8	4
2019	6*	2

\*2019-mut pisassissutit 2-t Sisimiut aqutsivianut piniagaanerisa naajartorneqani nuunneqarput.

2020-imut Qeqqata Kommunianut aarrit 31-t pisassiissutigineqartut aamma 2019-imi atunngitsuukkat 6-it aqutsiveqarfinnut marluusunut qanoq avinneqarnissaat pillugu kommunimi aalisartut piniartullu peqatigiiffiit Allaffeqarfik tusarniaavoq.

Tusarniutigneqartumut ukua akissuteqarput:

Sisimiuni angallateerarsorlutik aalisartut piniartullu peqatigiiffiat akissuteqaatiminni 18.02.2020-meersumi imatut avinnissaanut siunnersuuteqarput:

“Sisimiut aqutsiveqarfianut 27-t, Maniitsup aqutiviqarfianut 10-t”

Sarfannuani aalisartut piniartullu tusarniummut imatut oqaaseqaateqarput:

“Amerlassusilerneqarsimanerat ajoriffissarqartinnigilaat, taamatullu isikkoqartumik akuerineqarpoq”.

1. Maniitsumi Umiatsiaararsorlutik aalisartut piniartullu peqatigiiffiata oqaaseqaatiminni 14.02.2020-meersumi imatut allapput:

“Matumuunakkut siunnersuutigereqarput maanngaanniik aaffattassat 31-it Sisimiunut Maniitsumullu avinneqassasut qilalukkanut soorlu aamma taamatut siunnersuuteqarnikuusugut. Piniartoqassuseq eqqarsaatigalugu, saniatigut siornatigorniik aaffanniarniartut amerleriarnerat eqqarsaatigalugu. Aammalu kissaatigerusunnaarpoq aaffanniarsinnaanermut killigitinneqartoq simiuttap karra, tassa position 66° kujavartikkusupparput, kujasinnerusumi aaveqarataarsinnaasarnera pillugu. Minnerpaamilluunniit 65° tungaanut.

Taamatut siunnersuuteqarpugut neriulluta kinguneqarluarumaartoq”.

Kangaamiuni aalisartut piniartullu peqatigiit akissuteqaatiminni 14.02.2020-meersumi imatut allapput:

“KAPP-miit Qeqqata kommunianut aavertassiissutit aqutsiveqarfinnut avinneqarnissaat siunnersuutigaarput , Neriulluta siornatigorniit piniarfigissaarnerujumaarluta (sila imarlu)”.

Napasumi aalisartut piniartullu peqatigiiffiat akissuteqaatiminni 13.02.2020-meersumi allappoq:

“Qeqqata Kommuniani aarrit pisassiissutigineqartut agguanneqarneri akuersaarpagut, nuussisoqarsinaanera eqqarsaatigalugu.

Maniitsumi umiatsiaararsorlutik aalisartut piniartullu peqatigiiffiat aarrit piniarfigeqqusaaffiat kujammut ilaneqarnissaanik kissaateqarlutik oqaaseqaateqarput. Allannguisoqassappat tamanna aatsaat pisinnaavoq Aarrit illersugaanerat piniagaanerallu pillugit Namminersorlutik Oqartussat nalunaarutaat 2006-meersup allangortinneqarneratigut. Nalunaarummi tassani § 3, imm. 3-mi imatut aalajangersagaqarpoq:

*Imm. 3.* Aarrit killilersukkamik piniarneqarsinnaapput nunap ilaani aalajangersimasuni ataani taagorneqartuni aaveqatigiit agguataarfigisimasannut piffissanullu taaneqartunut:

1) Kitaani ukiukkat aarrit (Sisimiut-Attullu avataanni) 66 A-p (Kangerlussuup paavata kujataa) aamma 70°- 30' N-p (Qeqertarsuatsiap avannamut kangimut nuua) akornanni 1. martsimiit 30. aprilimut, ullut taaneqartut ilanngullugit..

Qullersaqarfiup oqaaseqaatai

### **Allaffeqarfiup naliliinera**

Allaffeqarfiup nalilerpaa 2015-imiit 2019 ilanngullugu pisassiissutit pisaasartullu tunngavigalugit agguariaaseq 22/8 atorneqarsimasoq naleqquttuusooq aamma naammagisimaarneqartoq. 2020-mut kommunimut pisassiissutit 1-mik amerlisinneqarput taamaalillugu 31-t pisassiissutigineqarlutik. Allaffeqarfiup nalilerpaa siunnersuutigalugulu amerleriaat 1 Maniitsup aqutsivianut pisassiisutaasinnaasoq. Taamaalillugu Sisimiut aqutsivia 22-nik pisassineqarsinnaasoq Maniitsullu aqutsivia 9-nik pisassineqarsinnaasoq. 2019-imi pisassiissutit atunngitsuukkat 2020-mut nuuneqartut 6-it pillugit Allaffeqarfiup nalilerpaa siunnersuutigalugu aqutsiveqarfimmut marluusunut agguanneqassasut taamaalillugu Sisimiut aqutsiviat 4-nik pisassinneqarsinnaasoq Maniitsullu aqutsivia 2-nik pisassinneqarsinnaasoq.

Allaffeqarfiup nalilerpaa siunnersuutigalugulu aarrit piniagaaneria nalaani 1. marts-imiit 30. april ilanngullugu piffissap taassuma iluani aqutsiveqarfimmi pisarineqartut apeqqutaatillugit aqutsiveqarfimmiit aqutsiveqarfimmut pisassiissutinik nuussisinnaaneq periarfissaasinnaasoq.

### **Innersuussut:**

Allaffeqarfiup siulittaasup Teknikkeqarneq pillugu ataatsimiititaliaq sinnerlugu aalajangiinissanut akuereqqullugit innersuussutigai:

-Sisimiut aqutsiveqarfianut aarrit katillugit 26-t pisassiissutigineqassasut, Maniitsullu aqutsiveqarfianut aarrit katillugit 11-it pisassiissutigineqassasut.

-Piniagaaneria nalaani aqutsiveqarfimmi pisarineqartut apeqqutaatillugit aqutsiveqarfimmiit aqutsiveqarfimmut pisassiissutinik nuussisinnaaneq qinnuteqarnikkut periarfissaasasooq qinnuteqartoqassappallu tamanna nalililereernikkut aalajangiiffiigineqassasooq.

### **Siulittaasupp aalajangiinera:**

Siulittaasooq Teknikkeqarnermut ataatsimiititaliaq sinnerlugu februar 24-ani 2020 aalajangiivoq,

-Innersuussutigineqartoq akuersissutigalugu

Aalajangiineq pillugu Teknikkeqarnermut ataatsimiititaliap tullissaanik ataatsimiilerpat ilisimatinneqassaaq.

---

Frederik Olsen  
Siulittaasooq  
Februar-ip 24-ani 2020

### **Aalajangiineq**

Paasissutissatut tiguneqarpoq.

**Planngussat:**

1. 2020-imut pisassiissutit pillugit Aalisarnermut, Piniarnermut Nunalerinermullu Naalakkersuisoqarfimmiit tusagassiutinut nalunaarut 13.12.2019-meersoq
2. Aaffattassiisutit 2019-imi atunngitsuukkanik pisassiivimmu 2020-mut nuussineq pillugu Aalisarnermut, Piniarnermut Nunalerinermullu Naalakkersuisoqarfimmiit Kommuninut nalunaarut 10.02.2020-meersoq
3. Aarrit illersugaanerat piniagaaneralu pillugit Namminersornerullutik Oqartussat nalunaarutaat nr. 20, 27. oktober 2006-imeersoq.
4. SAAPP-p oqaaseqaataa 18.02.2020-meersoq,
5. Sarfannguani aalisartut piniartullu peqatiiffiata oqaaseqaata 20.02.2020-meersoq
6. Kangaamiuuni aalisartut piniartullu peqatigiit oqaaseqaataat 14.02.2020-meersoq
7. Napasumi aalisartut piniartullu peqatigiffiata oqaaseqaataa 13.02.2020-meersoq
8. Maniitsumi Umiatsiaararsorlutik aalisartut piniartullu peqatigiiffiata oqaaseqaataa 14.02.2020meersoq

**Imm. 10      Eqqakkat pillugit Namminersorlutik Oqartussat nalunaarutissaattut siunnersuut pillugu paasissutissiissut**

*Journalnr. 81.00*

Tunuliaqutaq

Eqqakkat pillugit Namminersorlutik Oqartussat nalunaarutissaattut siunnersuut (ilanngussaq 1 aamma 2) Pinngortitamut Avatangiisinullu Naalakkersuisoqarfiup 2020-mi januaarip 21-anit februaarip 18-iata tungaanut tusarniutiginiikuva.

Tusarniaanermut atatillugu Teknikkeqarnermut Avatangiisinullu immikkoortortaq Pinngortitamut Avatangiisinullu Naalakkersuisoqarfimmut allaffissorlukkut tusarniaanermi akissuteqaammik nassiussaqaarnikuvoq. Tusarniaanermi akissuteqaat Sisimiuni TAI aamma Maniitsumi TAI sinnerlugit tunniussaavoq, ilanngusaq 3-milu takuneqarsinnaalluni.

Suliassatut saqqummiussaq una eqqakkat pillugit Namminersorlutik Oqartussat siunnersuutaat pillugu paasissutissiineruvoq. Eqqakkat pillugit nalunaarummut siunnersuummi allannguutit ilanngussallu pingaarnert saqqummiuneqassapput.

Maleruagassatigut tunngavigisaaq

Siunnersuut avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersumi (avatangiisinut inatsit) eqqakkat pillugit Namminersorlutik Oqartussat nalunaarutissaattut siunnersuut tunngaveqarpoq

Pissutsit atuuttut

Eqqakkat pillugit Namminersorlutik Oqartussat nalunaarutissaattut siunnersuut akuersissutigineqassappat, Igitassanik eqqaasarneq pillugu Namminersornerullutik Oqartussat nalunaarutaat nr. 28, 17. september 1993-imeersoq aamma Oliakunit akuutissanillu eqqagassat pillugit Namminersornerullutik Oqartussat nalunaarutaat nr. 29, 17. september 1993-imeersoq atorunnaarsinneqassapput.

Eqqakkat pillugit Namminersorlutik Oqartussat Nalunaarutissatut siunnersuut pillugu Teknikkeqarnermut Avatangiisinullu immikkoortortami allaffeqarfik (Sisimiut aamma Maniitsaq) tusarniaanermi akissuteqaammik suliaqarlutillu nassiussinikuupput. Aalangersakkanut nutaanut allannguutinullu allaffeqarfiup tigussaasumik oqaaseqataanut tusarniaanermi akissuteqaat ilanngunneqartoq (ilanngussaq 6) innersuussutigineqarpoq.

Nalunaarut eqqagassalerinermut pilersaarutissatut siunnersuummi ilaatigut anguniakkanik suliniutinillu tapertaavoq. Ataatsimut isigalugu allaffeqarfik isumaqarpoq, igitassanik eqqaasarneq pillugu nalunaarummik kiisalu Uliakunit akuutissanillu eqqagassat pillugit nalunaarutissatut atuuttuusunit nalunaarut pitsanngoriaataasoq. Siunnersuutikkut eqqagassalerinerup iluani malittarisassat atuuttut ilaannik tigussaasunngortitsisoqarpoq, eqqagassalerinerullu iluani taagutitut allattorsimaffimmik annertuumik ilassuteqartoqarpoq. Nalunaarutissatut siunnersuut aamma ullutsinnut naleqqussarneqarnikuvoq, ilaatigut immikkoortiterisarnissaq pillugu piumasaqaateqarnikkut aammalu eqqakkanik eqqaasarnermi atueqqittarnissaq eqqakkanillu atoqqisarnissaq annertunerusumik ilanngunneqarluni.

Qulaani taaneqartumi nalunaarutini atuuttunut tunngatillugu aalajangersakkanit pingaarnertut allannguutit/aamma ilassutit tullinnguuttumi nassuiarneqassapput.

Nalunaarut ukiunut aqqaneq-marlunnut ukiunut sisamakkaartumik suliarineqartartussamat kommunip eqqagassalerinermut pilersaarutaanni imarisaannut piumasaqaatinik erseqqissaassaaq. Piumasaqaataasut ilagivaat erseqqissaanissartaa, ukiup qaangiuttumi matussusiisumik kommuni eqqagassalerinermut immikkoortumut killiffimik nassuiaasoq. Allaffeqarfiup nalilerpaa, piumasaqaat taanna allaffissornermi

sulisunik amerlanerusunik kiisalu paasissutissanik katersinermut atortuni aningasaliinissamik piumasaqaatitaqassasoq.

Kommunit eqqagassalerinermut pilersaarutaannik suliaqarnermi kommunit ataatsimoorussamik eqqagassalerinermut selskabimik kommunit akuutitsisinnaanerit pillugu nutaamik aalajangersakkamik ilanngussisoqarnikuvoq, tamannalu 2021-2024 kommunip eqqagassalerinermut pilersaarutissamik suliaqarnissamut atatillugu Qeqqata Kommuniata isummerfigissavaa.

Nalunaarummut aammalu kommunimi ileqqoreqqusanut naapertuuttumik immikkoortiterisarnissaq pillugu kommunit piumasaqaateqarsinnaanerannut nalunaarummit tapersiisoqarpoq. Allanguut taanna aningaasaqarnikkut kingunissani malitseqarsinnaavoq, eqqagassalerinermut ileqqoreqqusami nutaami immikkoortiterisarnissamut periutsinik ilitersuutinillu kommuni suliaqartariaqassamat.

(tak. Oliakunit akuutissanillu eqqagassat pillugit Namminersornerullutik Oqartussat nalunaarutaat nr. 29, 17. september 1993-imeersumi kap. 4) eqqagassat ulorianartut pillugit tunniussisussaataitanermik atuinnginnissamut suliffeqarfinnut nalunaarnissaq Naalakkersuisunit kommuninut oqartussaaneq nuutsinneqarpoq. Suliassamik taassuminnga tigunisinermut tunngaviusoq allaffeqarfiup tusarniaanermi akissuteqaatikkut ujarorpaa. Tunniussisussaataitanermik atuinnginnissaq pillugu suliffeqarfinnit qinnuteqaataasinnaasut, allaffissornikkut annertunerusumik suliaqarnissamik kinguneqassaaq. Taakku saniatigut tunniussisussaataitanermik atuinnginnissaq pillugu qinnuteqaataasinnaasuni kommunimut suliaqarnissamik ajornakusoortitsinermik pisoqarsinnaavoq, assersuutigalugu qinnuteqaat/suliaq Kangerlussuarmi Namminersorlutik Oqartussat eqqagassamik suliaqarnissaannik imaqarpat.

Kommuni sunik aningaasartuuteqarnissaa aammalu akigititani eqqagassalerinermi akiliutinik aalajangersakkani ilanngunneqarsinnaasunik siunnersuut nutaaq takutitsilluni tigussaatsivoq. Suliniut taanna eqqagassalerinermi immikkoortumut atatillugu aningaasartuutini tamani ersarissaanermik sukanganerulersitsivoq, pingaarnertut pilersaarusiornermut allaffissornermullu il.il. aningaasartuutit ilanngullugit. Taanna innuttaasunut kommunip eqqagassanut akigititaanit allannguutaasinnaasunik pitsaanerulersitsivoq.

Aqqusinermit illumut ungasissorujussuarmik illuni aqqusinermit qaninnerusumik eqqaavinnik inissiisinnaanermit kommunit piumasaqarsinnaanerit nalunaarutikkut arsaarinnissutigineqarpoq. Eqqaavinnik inissiinissamut piumasaqaateqartoqarsinnaanera kommunip aalajangernikummagu, eqqagassalerinermut ileqqoreqqusaaq nutaaq nalunaarummut naapertuukkunnaassaaq.

Ikuallaavinni eqqagassamik ikuallanneqarsinnaasunik ikuallaanissaq pillugit nalunaarut piumasaqaateqarpoq, sivilunerpaamilli qaammatini pingasuni utaqqiisaasumik kommunit silami ikuallaasinnaaneriniq Naalakkersuisut immikkut akuersissuteqarsinnaapput. Eqqakkat pillugit nalunaarutissatut siunnersuut akuersissutigineqassappat, Kangerlussuarmi eqqaavissuarmi eqqakkanik silami ikuallaasarneq qanoq pisarnissaa Naalakkersuisut naatsorsuutigineeraat, allaffeqarfiup tusarniaanermi akissuteqaatikkut apeqquteqaatigivaa. Siunnersuummi pissusiviusoq taanna eqqarsaatiginissaa amigataavoq.

#### Atuilluartuunissakkut kingunerisinnaasai

2020-mit 2031-mut eqqagassalerinermut iliuusissatut pilersaarutissatut Naalakkersuisut siunnersuutaannut eqqagassat pillugit Namminersorlutik Oqartussat nalunaarutissatut siunnersuutaannut tapertaavoq, aammalu eqqagassamik passussisarnerup annertuumik kivinneqarnissamik siunertaqarluni. Nalunaarut nutaaq aningaasaqarnermik kaaviaartitsinermik aammalu atoqqiisarnerup annertunerunissaamik ukkataqarneruvoq. Eqqagassalerinermi immikkoortumi pitsanngorsaattissatut pilersaarutaasut, taamaallutik eqqagassat annikillisarneratigut aammalu eqqagassat nukissatut pitsaanerusumik atornerarnerat ilanngullugu, avatangiisinik peqqissutsimullu tunngasunik qaffassaanermi, atuilluartumik ineriartornissamut Naalagaaffiit Peqatigiit nunarsuarmi anguniagaanik arlalinnik piviusunngortitseqataassapput.



### Aningaasaqarnikkut allaffissornikkullu kingunerisinaasai

Eqqagassanik suliaqartarnermik annertuumik kivitsinerup aningaasaliinissamik pisariaqartitsinermik aammalu siunissami ingerlatsinissamat ingerlatsinermi aningaasartuutit qaffassinnaaratarnerannik kinguneqassaaq. Ilaatigut kommunit illoqarfinni nunaqarfinnilu tamani eqqakkanik suliaqarnissamat immikkoortiterinissamullu tigooraavinnik pilersitsinissamat aammalu toqqorsivinnik nakkutigineqartunik pilersitsinissamat aningaasaliinissamat pisariaqartitsisoqassaaq. Tamakku saniatigut sulisunik tigooraavinnik ingerlatsisussanik ilinniartitsinissamat aningaasartuutit qaffannissaat, kiisalu atoqqiisarneq atueqqinnerlu pillugit suliniutinik ingerlatsinissamat sulisussanut aammalu eqqagassanik suliaqartarneq tamaat eqqarsaatigalugu, pitsannguinnissamat pilersaarusiornissamat allaffissornikkut aningaasartuuteqarnerulernissaq naatsorsuutigineqarsinnaavoq. Nalunaarutissat siunnersuut mingutsitsisup ikilisarnissaanik suli tapersersuivoq, tamannalu Qeqqata Kommuniata eqqagassanik suliaqartarneranut akigititani eqqakkanik akiliisitsisarnermi aallaavigineqarsinnaavoq. Eqqakkat pillugit nalunaarutissat siunnersuut, eqqakkanik akiliisitsisarnermik aalajangersaanermi sunniuteqartumik nalinginnaasumik pilersaarusiornermut allaffissornermullu aningaasartuutit ilanngullugit, eqqagassalerinermi suliaqarnermut aningaasartuutit qanoq ittuunissaat nalimmassarpa.

### Allaffeqarfiup naliliinera

Allaffeqarfiup aammattaq nalilerpaa, eqqakkat pillugit Namminersorlutik Oqartussat nalunaarutissaattut siunnersuut eqqagassalerinermik immikkoortumik ineriartortitsinermut tapertaasoq, aammalu akuersissutigineqassaguni eqqagassanik suliaqarnermi allannguutissanut inatsisitigut sinaakkutissanik nalunaarut qulakkeerisinnaassasoq.

### **Innersuussut**

Teknikkeqarnermut Avatangiisinullu immikkoortortap Teknikkeqarnermut ataatsimiititaliamit akuereqqullugu innersuussutigaa,

- Eqqakkat pillugit Namminersorlutik Oqartussat nalunaarutissaattut siunnersuut pillugu paasissutissiineq tusaatissatut tiguneqassasoq

### **Aalajangiineq**

Innersuussut akuersissutigineqarpoq.

### **Ilanngussat**

1. Uunga siunnersuut: Eqqakkat pillugit Namminersorlutik Oqartussat nalunaarutissaattut siunnersuut nr. xx, 2020-mi xx-imeersoq + ilanngussaq GRL
2. Uunga siunnersuut: Eqqakkat pillugit Namminersorlutik Oqartussat nalunaarutissaattut siunnersuut nr. xx, 2020-mi xx-imeersoq + ilanngussaq DK
3. Eqqakkat pillugit Namminersorlutik Oqartussat nalunaarutissaattut siunnersuummut nr. xx, 2020-mi xx-meersumut Qeqqata Kommuniata tusarniaanermi akissuteqaataa

**Imm. 11      2021-mut missingersuutitut ukiunullu missiliuuteqarfiusunut missingersuutitut kissaatit**

*Journal nr. 06.01*

Tunuliaqutaq

2020-mi marsip 17-iani Kommunalbestyrelsi ataatsimiinnermini, 2021-mut missingersuutitut ukiunullu 2022-mit 2024 tikillugu missiliuuteqarfiusunut piffissatut pilersaarut akuersissutigaa. Tamatuma kinguneraa, kingusinnerpaamik 2020-mi maajip 30-ani ataatsimiititaliat missingersuutitigut kissaatinik (annerpaamik tallimanik) kiisalu pingaarnersuineranut siunnersuutitit nassiussissasut. Ataatsimiititaliat tamarmik immikkut kissaatinik tallimanik, nunaqarfinni aqutsisut tamamik kissaatinik pingasunik aammalu politikkikkut partiit tamarmik kissaatinik qulinik nassiussisinnaapput.

Maleruagassatigut tunngavigisaaq

Qeqqata Kommuniiani karseqarnermut naatsorsuuserinermullu malittarisassat. 2020-mut missingersuutissanut, ukiunullu missiliuuteqarfiusussanut piffissatut pilersaarut pingaarneq. Qeqqata Kommuniata aqutsineranut ileqqoreqqusaa 26. september 2019-imeersoq.

Pissutsit atuuttut

Qeqqata Kommuniata aqutsineranut ileqqoreqqusaani § 11-mi Teknikkeqarnermut ataatsimiititaliap immikkoortortat akisussaaffii allassimapput, pingaarnertut tassaallutik avatangiisinut, aatsitassarsiornermut, teknikkimut, kommunip pilersuiviinut, sanaartornermut kiisalu aalisarnermut piniarnermullu tunngassuteqartut.

Allaffeqarfimmit avatangiisit sanaartorfigissaanerillu pingaarnertut missingersuutitigut kissaatinik siunnersuuteqarpoq. Matumani missingersuutitit suliaqarnerni kingullerni pingasuni missingersuutitigut kissaatit, Ataatsimiititaliamut isumassarsiorfigineqarsinnaasut ilanngussatut ilanngunneqarput, Ataatsimiititaliaq soorunami missingersuutitigut kissaatinik allarluinnarnik toqqaasinnaavoq. Ukioq kingulleq allaffeqarfik tullinnguuttutigut siunnersuuteqarpoq:

- Sisimiuni kommunit ataatsimoorussamik ikuallaavissamut nutaamut nunaminertamik piareersaaneq. Pilersaarutitut tunngavissanik naleqqussaaneq. Pilersaarutitut tunngavigisamik nutarterineranut atatillugu toqqorsivimmut nutaamut aqqusinniorneq. Ikuallaavimmut sanaartorfissamut asfaltilorfiup eqqaani inissiiviup nuunneqarnissaa. Aningaasaliissutissat 4 mio. koruunit missaat.
  - Siunnersuut ataatsimiititaliamit akuersissutigineqanngilaq, atuiffik 77-50-imulli ukiunut 2021-mit 23 tikillugu missiliuuteqarfinnut sanaartorfigissaanermut aningaasaateqarfimmut immikkoortitsisoqarnikuuvoq, taakkulu ilaatigut tamakkerlugit atorneqalereersimalerlutik. ESANI-immikkoortortap eqqaani sanaartorfigissaaneq pillugu TA-mi oqaluuserisassaaq alla takuuk.
- Maniitsumi illoqarfiup immikkoortussaanut nutaamut aqqusineq. Maannakkut illoqarfiup killeqarfiata iluani ineriartortitsinissamut periarfissat killeqangaatsiarmata, avannamut-kangimut aqqusinermit 1,2 km-isut takitigisumik pilersitsinikkut, Maniitsup illoqarfianik ineriartortitsinissamut periarfissanik nutaanik ammaassisoqassaaq. 2017-imi missiliuut C 18,4 mio. koruuninik naleqassasoq naatsorsorneqarpoq. Aningaasartuutit ukiunut missiliuuteqarfiusunut pingasunut agguataarneqarsinnaapput.
  - Siunnersuut ataatsimiititaliamit akuersissutigineqarpoq, kingusinnerusukkullu 2020-mut missingersuutitit aappassaaneerinermit akuersissutigineqarluni. Suliniut atuiffik 77-20

”Illoqarfiup tungaanut aqqusineq”-miippoq, ukiumullu missiliuteqarfimmut 2021-mut 4 mio. koruuninik kiisalu ukiumut 2022-mit 2023 tikillugu missiliuteqarfimmut agguataarlugit 16 mio. koruuninik immikkoortitsivigineqarluni.

- Imermik mingunnikumut pilersaarutissamut atatillugu, Kangerluarsunnguup qanittuani kuuffilerlugu Imermik mingunnikumik saliivik. Muunuup Aqqutaata nalaani Kangerluarsunnguamut kuuffilerlugu imermik mingunnikumik saliivik mekaniskiusoq+kemiskiusoq 9 mio. koruunit missaanik nalilik pilersinneqarsinnaavoq, 15 mil. koruunit missaat atorlugit RAL/umiarsualivimmut isaariaata eqqaani kuuffilerlugu aamma ingerlatinneqarsinnaavoq.
  - Siunnersuut ataatsimiititaliamit akuersissutigineqarpoq, 2020-mulli missingersuutitut ukiumullu missiliuteqarfiusunut akuerisanut ilaanani.
- Maniitsumi iliveqarfiup allilerner Maniitsumi maannakkut iliveqarfik 800 m<sup>2</sup>-it missaanik annertussusilimmik allilernerneqarsinnaavoq. Tamatumalu kingorna allileqqissinnaanani, taamaattumillu iliveqarfissamut nutaamut nunaminertamik nassaarniarloqassalluni. Alliliinissamut missiliut 1,4 mio. kr.
  - Siunnersuut ataatsimiititaliamit akuersissutigineqarpoq, 2020-mulli missingersuutitut ukiumullu missiliuteqarfiusunut akuerisanut ilaanani.
- Sisimiuni TAI-p biilli RAV4 tungujortut 2003-ip missaaneersut nutaanngililluinnartut, Toyota RAV hybrid-inik atuilluarnerusunik 0,6 mio koruunit missaanik nalilinnik taarsiineq.
  - Siunnersuut ataatsimiititaliami akuersissutigineqanngilaq.
- Kaaliikassaap Eqqaavimmullu aqquserngit akornanni aqquserngup Siaqqinnermik naammassisaaneq, qaqqajunnamik qaartiterineq, aqqusermik tamakkiisunngortitsilluni nerutunerulersitsineq, pisuinnaat aqqaanik pilersitsineq, aqquserngup sinaatigut qullersualersuineq asfalteinerlu, 1,5 mio. koruunit missaanut.
  - Siunnersuut ataatsimiititaliamit akuersissutigineqarpoq, kingusinnerusukkullu 2020-mut missingersuutitut aappassaaneerinermi akuersissutigineqarluni. Suliniut atuiffik 77-17 ”Aqqusermik Siaqqinnermik inaarsaaneq”-miippoq, 2020-mulli 1,5 mio. koruuninik immikkoortitsivigineqarluni, aasamullu naammassineqarnissaa pilersaarutaalluni.
- Sisimiunut Maniitsumullu angallanermik misissuineq. Aqqusermik nutaanik kiisalu aqqusermik pioreersunik nutarsaanissamut pisariqartitsineq eqqarsaatigalugu aqqusermut angallanermullu pilersaarut, pilersaarummi suliniutinut ataasiakkaanut missingersuutitut imaqartoq, Sisimiuni pingaarnertut Aqqusernuarmik, Aqqusernuarmullu aqquserngit appakaaffiusunik, Maniitsumilu pingaarnertut aqqusermik aqqusermullu appakaaffiusunik naleqqusaanissamut siunnersuut, 1 mio. koruunit missaanut.
  - Siunnersuut ataatsimiititaliamit akuersissutigineqarpoq, kingusinnerusukkullu 2020-mut missingersuutitut aappassaaneerinermi suliniutumut allamut ilanngullugu akuersissutigineqarluni. Suliniut atuiffik 500156 ”Aqqusernginik misissueqqaaneq – Kangerlussuarmut aqqusineq”-miippoq, 2020-mut katillugit 6 mio. koruuninik missingersuutitaqarluni, 1 mio. koruuninik ilaannakortumillu missingersuuteqartoq. Suliniummi allami suliniutip ilanngunneqarnera tulluannigilaq ersarlullunilu, taamaattumillu immikkut missingersuutitaqartariaqaraluarluni.

2020-mut missingersuutini sanaartornermut suliniutit ingerlasut tamarmik ilanngussaq 1 ”Sanaartornermut immikkoortortami malitseqartitsineq”-mi takuneqarsinnaapput, tassanittaag atuinermut kisitsisit allassimallutik, taakkulu suliniutit aallarereersimanerinek takussutissiisuullutik.

Missingersuutitut ukiumi missiliuteqarfiusuni 2021-mit 23 tikillugu tunngatillugu, ilanngussaq 2 ”2020-mut missingersuutitut nalunaarut”-mimi kapitali 7 ”sanaartornermut tunngasut”-ni ukiumut

missiliuteqarfiusunut sanaartornermut suliniutit aningaasartallit takuneqarsinnaapput. Pingaartumik eqitsit 42 "Allat sullissinerinut sanaartornermi aningaasartuutit", eqitsit 44 "Teknikkimut tunngasuni sanaartornermut aningaasartuutit", eqitsit 48 "Pilersuivinnut tunngatillugu sanaartornermi aningaasartuutit", Teknikkeqarnermut ataatsimiititaliap akisussaaffinut suliniutinik qaninnerusunik takussutissiipput.

#### Atuilluartuunissakkut kingunerisinnaasai:

Kommunip 2018-2022-mut Pilersaarusiordermi periusissiaani inissiat, sanaartorfissat, anguniagaqartumik avatangiisitigut suliniutit nukissiuutitigullu systemit ukkatarineqarput.

Ukiuni siuliini avatangiisitigut nukissiuutinullu suliniutinut atatillugu immikkut annertuumik suliaqartoqarsimavoq, taakkununga missingersuutit qulakkeerneqarnikkuullutik, ukiunilu arlaqartuni ingerlasussamik atuutilersitsinerit aallartinenqareerlutik.

Assinganik inissianut, sanaartorfissanut aammalu sanaartorfigissaanissaq pisariaqartoq, 2020-mi upernaakkut inissiat pillugit Teknikkeqarnermut Avatangiisinullu immikkoortortamit nalunaarusiami nassuarneqartoq, annertuumik ukkatarineqarput.

Sanaartortitsisunit tamanit, kommunip sanaartugaannaangitsoq, sanaartornerup annertusarnissaanut sanaartorfigissaanerup ukkatarineqarnissaa pingaaruteqarpoq.

#### Aningaasaqarnikkut allaffissornikkullu kingunerisinaasai

Missingersuutinik suliaqarnerup ingerlanerani aningaasaqarnikkut allaffissornikkullu kingunerisinnaasai annertusiartortumik nassuarneqassapput, piffissap ingerlanerani annikitsualuttai annertusiartussallutik.

2021-mut missinersuusiordermut ukiunullu missiliuteqarnissamut periusissaq tullinnguuttutigit ingerlassaaq:

- Ataatsimiititaliat politikikkullu partiit kissaatit kingusinnerpaamik 2020-mi juunip aallaqqaataani allaffeqarfimmut nassiuutissavaat
- Missingersuutitigut kissaatit allaffeqarfimmit immikkoortitserneqassapput, aningaasartuutissanullu missiliutinik ikkussueriallutik, kingusinnerpaamik 2020-mi aggustip aqqarngani aningaasaqarnermut nassiullugit
- Missingersuutitigut kissaatit immikkoortiternikut kingusinnerpaamik 2020-mi aggustip aqqaneq-aappaani missingersuutit pillugit isumasioqatigiinnermut peqataasunut nassiunneqassapput
- Missingersuutit pillugit isumasioqatigiisitsineq 2020-mi aggustip 26-26-ni Maniitsumi ingerlanneqassaaq
- Missingersuutitigut kissaatit pingaarnersiukkat (ataatsimiititalianit politikikkullu partiinit) ataatsimiititaliani aningaasaqarnermilu eqqartorneqassapput, siunnersuutinut tamanut sanaartornermut ingerlatsinermullu missingersuutinik piviusunik missingersuuteqassallutik kingusinnerpaamik 2020-mi septembarip 20-ani.
- Siullermeerinnineq AA 20.10.20 aamma KB 29.10.20
- Aappassaaneerinnineq AA 17.11.20 aamma KB 26.11.20.

#### Allaffeqarfiup naliliinera

Ilanngussaq 5 (maileq) naaportorlugu, qatserisarfik quleriinngorlugu, inunnut minnerpaamik 35-inik isersimaffigineqarsinnaasumik ilinniartitsissamut, ataatsimiittarfinnik, aqutsinermut sungiusarnissamut inissanik il.il. allilerneqarnissaanut, upalungaarsimasut kissaateqarput. Tamanna allaffeqarfiup siunnersuutaanut ilanngunneqassanngilaq, tassa upalungaarsimasut kissaataat Sisimiuni ikuaallaavissami, Esani-mit inuussutissarsiortunit attartorneqarsinnaasunik sisamanik quleriilimmik sanaartornissaq pilersaarutaammat, ininik attartornikkut pisinnaassammat. Kommunip illuutissaata akuersissutigineqareernerata kingorna sanaartornerata suli naammassinngitsoq, taakku sanaartorlugit

naammassineqarnissaat naatsorsuutigineqarmat. Taamanikkussamut upalungaarsimasut ingerlatsinermut missingersuutaanik nalimmassaanissamik, tamatumalu kingorna akuersissutigineqarnissaanik pisariaqartitsissaaq. Qatserisarfiup pioreersut quleriinngorlugu allilerneqarnissaa ajornakusoorpoq, tassa qatserisarfik sapaatip akunneranut ulloq unnuarlu ingerlatsiviusinnaasussaammat. Qatserisarfiup sanimut tallillugu allilerneqarnissaa, taamaallaat illunik eqqaaniittunik isaterinikkut pisinnaavoq.

Allaffeqarfik Teknikkeqarnermut ataatsimiititaliamut tullinnguuttutigut missingersuutitigut kissaatinik siunnersuuteqarpoq, ataatsimiititaliarlu tulliuuttunit kissaatinit tallimanik toqqaasinnaavoq imaluunniit nammineq allanik kissaateqarsinnaalluni:

1. Sisimiuni Maniitsumilu majuartaateqarfiit: toqqarneqartussaq apeqquataalluni 4,1-20,5 mio. koruuninik missingersuutitalik.

Maniitsumi majuartaammut nutaamut ukiup siuliani missingersuutinut ataatsimoortillugit 1,8 mio. koruuninik annikistumik missingersuuteqarpoq, taakkuli naammangillat, ukiunilu kingullerni aputeqarnermut pissutsit allanngorneri patsisaallutik inissisimaffissaanut unamillernartoqarpoq. Maannamut 256.000 koruuninik atorineqarsimapput.

Sisimiuni majuartaatip taarserneqarnissaanut missingersuuteqanngilaq. Sisimiuni majuartaat 1971-imeersuuvoq, 1980-ikkunnilu pisiarineqarlunilu Alanngorsuarmi ikkussuunneqarpoq. Majuartaatip nutarsarneqarnissaanik pisariaqartitsineq patsisaalluni, ukioq manna majuartaat atorineqanngilaq. Norge-mi majuartaatit ukiuni 15-init pisoqaanerusunik atortuinik tamanik tarrarsuinikkut misissuisoqarnissaanik, nakkutilliinermut oqartussanit piumasaqaatigineqarpoq. Maani taamatut misissuinissamut periarfissaqanngilagut, sillimaniarnerlu eqqarsaatigalugu oqartussanit piumasaqaateqarani, taamaakkaluartorli majuartaat taarserneqarnissaminut naammateqqavoq. Alanngorsuup inerisarnissaanut inatsisitigut unamillernartoqarpoq, taamaakkaluartorli aqqusinissamut nunaannarmilu aqqusinissamut tamammik immikkut missingersuuteqartunut avatangiisitigut akuersissuteqarfiginissaanut suliaqartoqarpoq. Majuartaat imeqarfiup killeqarfiata iluaniimmat, nutarterneqarnissaa Namminersorlutik Oqartussanit akuersissutigineqaaqqaassaaq.

- a. Aaqqiissut akisunerpaaq tassaavoq, inunnut marlunnut issiavilik qulisalillu, 20,5 mio. koruuninut missiliugaavoq. Maannakkut sisorarfiusartoq pingasoriaatinngorsinnalissagaluarpaq, ukiukkullu majuartaammik ingerlavimmik piareersaanissamik piffissartornartumik annikilliliissagaluarluni, aammali sisorartartunuinnaangitsoq ukioq kaajallallugu atorineqarsinnaalissalluni, tassa inunnut sisorateqanngitsunut. Aasaanerani majuartaat inunnit silamiittartunit imaluunniit qaqqap qaanit isikkivimmik ilorrisimaarusuttunit atorineqarsinnaalissagaluarpoq. Aqqusinniortoqarpat imaluunniit aqqusinniortoqassapat aatsaat aasaanerani atorineqarsinnaanissaa piviusorsiorpalaalissaaq.
- b. Aaqqiissuutissap akunnattua tassaasinnaavoq, massakkut majuartaammut assingusumut majuartaat nutaaq 10,3 mio. koruuninik missiliuutitalik. Majuartaammut issiavittalimmut sanilliullugu ukiumut atorineqarnissaanut annertunerusunik killeqarpoq, sisorartartunuinnarlu atorineqarsinanalluni, qamussuillu atorlugit majuartaatip ingerlavia aputinik annertuumik piareersarneqartartussaammat, ukiuunerani atorineqartarnera sivikinnerussalluni. Inissisimaffissaa qaninnerusunut iluatsiinnarlugu inissinneqarsinnaavoq, tamannalu sisorartarfimmik takinerulersitsinermik kinguneqassalluni.
- c. Aaqqiissut akikinnerpaaq tassaavoq, qamussuarnik inunnik 15-inik ilaasoqarsinnaasunik pisineq, ilaasullu amerlaqataanik sisorataasivillit 4,1 mio. koruuninik missingersuutitalit. Majuartaammut akikinnerpaamut sanilliullugu, akeqataanik qamussuarnik marlunnik pisoqarsinnaavoq, Sisimiunilu qamussuit nutaat aappaat ilaasoqalersinnaanngorlugit nutarterneqarlutik. Qamussuit ingerlatsinerup nalaani sisorarfimmik

piareersaassutigineqarsinnaanerat, ilaatigullu majuartaateqarfimmut ilaasunik angallassissutitut atorineqarsinnaanerat iluaqutaassaaq. Sulisoqarnikkut majuartaateqarfimmi nakkutilliisoqarnissaanik pisariaqartitsiunnaartussaammat, taamatullu majuartaateqarfimmi aserfallatsaaliinermut sipaaruteqarfiulertussaassammat, Sisimiuni Sannavimmit sulisoq ataaseq nuutsinneqarsinnaavoq. Minnerunngitsumillu Alanngorsuarmi qamussuit inatsisitigut ajornartorsiutaasinnaasunut akornutissaqanngillat, tassa imeqarfiup killeqarfiatigut qamussuarnik ingerlatsinissamut akuersissuteqarmat. Taamaaliornikkullu ukiumoortumik ACR-imik unammisitsinermut, ukiumut qaammatit marluk missaanik ACR-imut attuumassuteqartumik qamussuarnik atuinissamik pisariaqartitsisumut akornuteqanngitsumik majuartaateqarfik ingerlanneqarsinnaalissalluni.

2. Atuiffik 72-42 ”Kuuffissuit nutaat”-nut ukiumut 6 mio. koruuninik qaffaaneq. Missingersuutini pioreersuni missiliuteqarfiusunilu ukiumut 6 mio. koruuninik immikkoortitsisoqartarpoq, qaffaanikkullu ukiumut missingersuutit 12 mio. koruuninut qaffassallutik. Atuiffik illoqarfiit akornannut agguataarnikuunngimmat, innuttaasut amerlassusaat aallaavigalugit atuiffik agguataarneqartariaqarpoq, ataatsimoorussamimmi atuiffik politikikkut allaffissornikkullu, pisariaqanngitsumik allaffissornermik piffissamillu atuititsisarmat. Ukiumi sivikitsuinnarmi kuuffissualersuineramik sulineranut missingersuutit patajaallisarnissaat naapertuuttunngornissaallu pisariaqarpoq. Ukiuni arlaqalaartuni missingersuutit patajaassimatillugit, siunissami ungasinnerusumi suliassanut akit appasinnerulersarput. Tamatuma saniatigut missingersuutit qaffannerisigut siunissamut ungasinnerusumut nunaqarfinni kuuffissualersuinnissamut pilersaarusiortoqarsinnaalissaaq. Piffissami matumani illoqarfinnut imermik mingunnikumut pilersaarutitik suliaqartoqarpoq, tamatumalu kingorna nunaqarfinnut imermik mingunnikumut pilersaarusiortnerit ingerlanneqarlarsinnaassallutik. Nunaqarfinnut imermik mingunnikumut pilersaarusiortnissamut siunnersorteqarnissamut pisariaqartitsineq, missingersuutitigut aningaasaliiffigineqarsinnaalissaaq.
3. Atuiffik 77-50 ”sanaartorfigissaanermut aningaasaateqarfik”-mik qaffaaneq, taamaalilluni ukiumut 13 mio. koruuniulissalluni, illoqarfinnullu marlunnut innuttaasut amerlassusaat naapertorlugit agguataarneqassallutik. Missingersuutini pioreersuni 2021-mut 4,2 mio. koruuniinnaat immikkoortinneqarnikuupput, ukiunullu tulliuttunut ukiumut 8 mio. koruunit immikkoortinneqarlutik. Atuiffik illoqarfinnut agguataarneqanngilaq, taamaattorli sanaartorfigissaanernut ingerlasunut nuussinissaq politikikkut suliarineqartartussaalluni, ilanngussaq 2 ”2020-mut missingersuutititik nalunaarusiaq qupp. 65 eqitsit 49 naapertorlugu. Ukiumi sivikitsuinnarmi sanaartorfigissaanermut missingersuutit patajaallisarnissaat naapertuuttunngornissaallu aammalu Nukissiorfinnut siunissamut ungasinnerusumut ataqatigiissaarinissaq pisariaqarpoq. Illoqarfimmi sanaartornermut atatillugu sanaartorfigissaaneq pingaaruteqartuuvoq, sanaartorfigissaanissaq amigaatigineqarpat, ajornerpaatulli sanatitsisunit kikkunnilluunniit sanaartornissamut pilersaarutit taamaatinneqarpata, kommunip sanaartornerinnaanngitsaq, sanaartornernilli tamanik unitsitsinnaammat. Taamaattumik kommunip pilersaarusiortfigineqarneranut tapiliussamik suliarineqartunut, sanaartorfigissaanerit ataqatigiissarneqassapput. Tamatuma saniatigut kommunit namminneq illoqarfimmi amigaatigineqartunik containerinut umiatsianullu inissiivissanik pilersitsinnaavoq, tamannalu siunissami aningaasaliiffigineqartussanik apparsaataasunik isertitaqalersitsissalluni illoqarfimmi torersaasinernik pisariillisaataassalluni. Kingulleq entreprenørit nunaminertaanni torersaasinermut tunnganeruvoq, taakku ukiuni makkunani torersarneqarneri ingerlanneqarlutik.
4. Sisimiuni 10 mio. koruuninut kalaalimeerniarfik nutaaq.

Kalaalimineerniarfiup siunissaanut tunngaviliussat apeqqutillu pillugit immikkut oqaluuserisassaliortoqarnikuuvoq, taannalu 2020-mi maajip arfineq-aappaani ataatsimiititaliap ataatsimeernerani siullermeertumik oqaluuserineqassalluni.

5. Sisimiuni Maniitsumilu ingerlatsinermut missingersuutitigut missingersuutitigut qaffaaneq, Sisimiunut ukiumut 1 mio. koruuninik, Maniitsumilu ukiumut 0,5 mio. koruuninik, taakkulu kingusinnerusukkat allaffeqarfimmit atuiffinnut agguataarneqassallutik.  
Esanip ikuaallaavia nutaaq ingerlalersinneqarpat, eqqaavissuup pioreersup containerinut inissivittut il.il. allanngortinneqarsinnaanngorlugu, eqqaavissuarmi pioreersumi annertuumik torersaasoqarnissaanik pisariaqartitsisoqarpoq.  
Teknikkeqarnermut Avatangiisinullu immikkoortortap atortorissaarutai motorillit, siunertanut assigiinngitsunut entreprenørmaskiinanit biilnut pigineqarput. Qamutit motorillit ataasiakkaat ima nungullarnikuutigaat aserfallatsaaliinikkullu aningaasartuutaatigaat, siunissami qaninnerusumi taarserneqarnissaat pisariaqarluinnartuulluni, pingartumik sillimaniarnissaq eqqarsaatigalugu. Pisariaqartitsineq Sisimiuni annertuneruvoq.
6. 2019-imi decembarip 17-iani Aningaasaqarnermut ataatsimiititaliap ataatsimiinnerani imaqarniliaq imm. 10 ”Upalungaarsimaneq qajannaatsoq” naapertorlugu, sulisumik ukiumut 450.000 koruuninik aningaasartuuteqartumik atorfinitsitsinissamut Upalungaarsimasut kissaateqarput, ilanngussaq 10 takuuk. Aningaasaqarnermut ataatsimiititaliamit suliniut itigartitsissutigineqarpoq.

Missingersuutitigut kissaatinik allanik ataatsimiititaliaq siunnersuuteqarusussappat, ukiuni kingullerni missingersuutitigut kissaataasimasunit, ilanngussatut ilanngunneqartuniittunik, ilaatigut isumassarsiorsinnaapput. Taamaattorli ataatsimiititaliamit kissaatinut tallimanut taamaallaat periarfissaqarpoq.

### **Innersuussut**

2021-mut missingersuutinut ukiunullu missiliuteqarfiusunut Ataatsimiititaliap akisussaaffiisa iluini missingersuutitigut kissaatit tallimat innersuussutigineqarnissaat, Teknikkeqarnermut, Aatsitassarsiornermut Avatangiisinullu ataatsimiititaliamut innersuussutigineqarpoq

### **Aalajangiineq**

Allaffeqarfimmiit innersuussutit nr. 1-5 akuersissutigineqarput, ukuninnga allannguuteqartumik:

- A. Siunnersuut 1-mi majuartaat akisuneq qinerneqarpoq. Taanna kingusinnerusukkat allanngortinneqarsinnaavoq.
- B. Siunnersuut 4-mi aningaasatigut missingersuutit 10 mio. kr. qaavisigut 1,5 mio- kr.-inik ilaneqassapput. Ilassutit Maniitsumi kalaalimineerniarfiup allineqarnissaanut titartarneqarnissaanut atorneqassallutik.
- C. Siunnersuut 5-mi allaffeqarfiup missingersuutai 1 mio. kr-imit 3 mio. kr.-nut qaffanneqarput, aserfallatsaaliinermut atugassarititaasut qaffannissaat eqqarsaatigalugit.

### **Ilanngussat**

1. 2021-mut missingersuusiornissamut, 2021-miillu 2023 tikillugu missiliuusiornissamut pingaarnertut piffissaliussaq.

2. Sanaartornermut missingersuutit 2020
3. Majuartaammut missiliut (mailip assilinera)
4. Qamussuit ilaasoqarsinnaasunut paasissutissat (majuartaatit)
5. Upalungaarsimasunit kissaatit:
6. 2017-imi missingersuutinit kissaatit
7. 2018-imi missingersuutinit kissaatit
8. 2019-imi missingersuutinit kissaatit
9. 2020-mi missingersuutinit kissaatit



**Imm. 12 Sisimiuni puttasunut aningaasanik atuineq pillugu paasisutissiissut.**

*Journalnr. 24.01.03*

Tunuliaqutaq

2019-imi 2020-milu missingersuutitut 4 mio. koruuninik 3 mio. koruuninillu kommunalbestyrelsip aningaasaliissuteqareernerata kingorna piniarnermut aalisarnermullu ataatsimiititaliaanikuusup katillugit 7 mio. koruuninik agguaanissaq akuersissutiginiuuua. Aningaasat aalisartunut piniartunullu atugassarititaasunik kiisalu kommunip neqeroortigisinnaasanik pitsanngorsaanissamut atugassiaapput.

Sumiiffinni piniarnermut aalisarnermullu kattuffinnik kiisalu Maniitsumi Sisimiunilu ingerlatsinerneq akisussaasuusunik ataatsimeeqateqareernerup kingorna ataatsimoorussamik suleqatigiissitami suliaasimasumi agguataarinermik naammassinnittoqarpoq.

Tamanna isumaqarpoq, sumiiffinni taakkulu nunaqarfiini suliniutinik ingerlatsisusaasunut pivisunnortitsisusaasunullu, aqutsiveqarfinnut Maniitsoq aamma Sisimiut aningaasat agguanneqarnissaat isumaqatigiissutigineqarsimasoq.

Taamaalilluni Maniitsumi puttasunik nutaanik 1,8 mio. koruuninik nalilinnik sanaartornissamut kiisalu 1,6 mio. koruuninut nunaqarfinni neqitsersuinerneq pitsanngorsaanissamut TAI Maniitsoq suliaasqalersimavoq.

Taamaalilluni Sisimiuni puttasunik nutaanik 2,4 mio. koruuninik nalilinnik sanaartornissamut kiisalu 1,2 mio. koruuninut nunaqarfinni piniartunut inissiisarfinnik pitsanngorsaanissamut Sisimiuni TAI suliaasqalersimavoq.

Maleruagassatigut tunngavigisaq

Teknikimut Avatangisunullu ataatsimiititaliap atuiffik 7-imut akisussaasuvoq (Sanaartornermut atuiffik).

Qeqqata Kommunia nammineq sullissiviutiminut akisussaasuvoq.

Pissutsit atuuttut

Suliniutinut nutaanut ingerlassinerneq aningaasaliissutit naammangimmata, piniartunut aalisartunullu pissutsinik pitsanngorsaanissamut aningaasat pisariaqarsimapput, taamaalilluni kommunip piniartunut aalisartunullu neqeroortutaa ineriartortinneqarsinnaaniassamat/pitsaananerulersinnaaniassamat.

Aningaasanik akuersissuteqartoqarnerata kingornali Sisimiuni Maniitsumilu TAI marluullutik soqutigisaqatigiinnik, peqatigiiffinnik ingerlatsinerneq akisussaasuusunik qanittumik suleqateqarlutik agguataarinermik suliaqarnikuupput.

Illoqarfinni nunaqarfinnilu aalisartut piniartullu kattuffiit kissaatit assigiinngitsut katersorneqarnikuupput eqqartorneqarlutik nalilersorneqarlutillu minnerunngitsumillu pingaarnersiorneqarlutik aamma illoqarfinni nunaqarfinnilu Kommunit neqeroortaaersunik sanillunneqarlutik.

Aningaasanik agguaassinerneq atatillugu aammattaaq inuussutissarsiuteqartut, innuttaasut amerlassusaat kiisalu sumiiffiit (illoqarfik nunaqarfilluunniit) qanoq issusaat pingaartinneqarput.

Sisimiuni qinngunngua umiatsiaaqqanut assigiinngitsunut maannakkut inissaqartitserpiannilaq taamaattumillu puttasut taarsorneqarsinnaanerineq periarfissat misissorneqarnikuupput. Tassungalu siunnersuut umiarsualiveqarnerneq siunnersuisooqatigiinni eqqartorneqarnikuuqaaq, tassani umiatsialivinni containerinullu inissat pineqartarnerasut qinngunnguani puttasunut inissat ingerlanneqarnissat siunnersuutigineqarluni. Tamanna isumaqarpoq qinngunnguani puttasussat paarnaqqasassasut, normoqarlutik kiisalu piniarnermik aalisarnermillu il.il. inuussutissarsiutilinnut atugassiaassasut.

Qulaaniittoq isumaqarpoq, siunnessami torersuutitsinissamut malittarisassat malinneqarnissaat aammalu qinngunnguani umiatsiat ikinnerusut katersuuttarnissaat. Tamanna isumaqarportaaq, umiatsiaaqqat

amerlasuut kangerluarsunnguamut piffissami matumani sunngiffimmi piniartunut il.il. puttasunik inissanik sanaartorfiusumut nuuttariaqassasut, taakku aamma normulersugaassapput, taamaaillutik tamarmik nalunaarsorneqarlutik normulerneqarlutillu, assigiinngissutaasorli tassaavoq taakku paarnaarsimasussaanninnerat taamaalillutillu akeqassanatik. Tassa taamaaliornikkut umiatsianik piginnittut nalunaarsorneqarsinnaalernissaat aammalu umiatsiat amerlassusaat nakkutigineqarsinnaalissammata. Tamanna siunissami kisitsinik aqutsisinnaanngortoqarpat aalajangiisuusinnaavoq. Aammattaaq tikeraanut imaluunniit inuit sivikitsuinnarmik maaniittussanut puttasunik akeqanngitsunik peqassaaq, taakku nalunaarsortariaqanngillat.

Pisiffiusinnaasumik Sisimiuni TAI attaveqarnikuuvoq, qinngunnguani aammali kangerluarsunnguamut aaqiissutissatut siunnersuummik suliaqartoqarnikuuvoq.

Pisiffissatut toqqagaasoq Coronamik ajornartoorneq pissutigalugu matoqqapajaarnikuuvoq, suliffeqarfimmi sulisut ikilisarneqarnikummata kisianni aamma arriitsumik amerliartorteqqinneqarlutik. Puttasut suussusissaannik atortusaaanillu assiginngitsunik toqqaaneq piariingajalerpoq sanaartortoqalerlunilu kiisalu tullinnguuppoq umiarsuarmut ikineqarnissaat.

Tamanna isumaqarpoq, 2020-mi aasaanerani suliniutit nutaat suliarineqareersimanissaat. Maannakkut pissutsiniit pissutsinut nutaanut ikaarsaarnissamut inissaqartoqartariaqarmat, angallaffiup tullianut suliniutit 100 procentimik ilanngutsinneqareernissaat naatsorsuutigineqarpoq.

#### Atuilluartuunissakkut kingunerisinnaasai

Piniartut aalisartullu atugassaannik pitsanngorsaaneq inuussutissarsiornermut tunngaviannik siuarsaaneruvoq aammalu inuussutissarsiuteqartut ataasiakkaat pisaminnik tunisisinnaanerannut periarfissat pitsaanerusat taamaalillunilu isertitat qaffasinnerusut akileraarutitigit isertitaqarnerulernemik kinguneqassalluni.

Aningaasaqarnerup saniatigit sumiiffimmi avatangiisitigit atugassarititaasut sunnerneqassaput, piniartut aalisartullu atortutik sakkutillu assigiinngitsut nunaannarmiitikkunnaarlugit illersugaasumik ataatsimoortissinnaassagamikkit, taamaalilluni puttasut saavanni inissaqarnerulerluni.

#### Aningaasaqarnikkut allaffissornikkullu kingunerisinnaasai

Qinngunnguani piniartut aalisartullu atugassaannut pitsanngorsaaitut Sisimiuni puttasunik tamalaanik taarsersuinissamut 2.4 mio. koruunit immikkoortinneqarnikuupput. Piffissami matumani allanik aningaasartuuteqaaqqinnissaq naatsorsuutigineqanngilaq.

Pisineq ingerlatsineq assartuinerlu aningaasaliissutaasut iluanni aningaasalersorneqarsinnaasoq naatsorsuutigineqarpoq.

Aningaasartuutit atuiffimmut ataatsimoorussamut ikineqassapput, tassani nunaqarfinni Maniitsumilu suliniutinut sinneri ikineqarnissaat naatsorsuutigineqarluni. Aningaasaqarnermut aqutsissut nutaaq atuutilersinneqarnerata kingorna suli atuiffinnik immikkuullarissunik pilersitsisoqanngilaq, naak tamanna aningaasanik agguataarnermut atatillugu innersuussutaagaluartoq.

#### Allaffeqarfiup naliliinera

Allaffeqarfiup nalilerpaa, suliaq imminermini ingerlasoq aammalu puttasut nutaat misilerarneranni kiisalu puttasut pioreersut qinngunnguani nuunneqarneranni ikaarsaariarfeqarnissaa naatsorsuutigineqarsinnaasoq. Tamanna taamaallaat aasaakkut ingerlanneqarsinnaavoq taamaalillunilu qinngunnguani aasaanerani suli at annikitsumik sunnerneqarnissaat naatsorsuutigineqarpoq. Atuisunut paasissutissiineq radiukkut imaluunniit illoqarfiup aviisiatigit Silleq aqqutigalugu ingerlanneqassaaq.

### **Innersuussut**

Teknikkeqarnermut ataatsimiititaliamit akuereqqullugu Teknikkeqarnermut Avatangiisinullu immikkoortortap innersussutigivaa,

- Sisimiuni puttasunik nutaanik sanaartornissaq pillugu paasissutissiissut tusaatissatut tiguneqassasoq.

### **Aalajangiineq**

Innersuussut akuersissutigineqarpoq.

### **Ilanngussat**

**Imm. 13 Eqqakkanut iliuusisatut pilersaarut 2020-2031 pillugu Naalackersuisut siunnersuutaannik ilisimatitsissut.**

*Journalnr. 81.01.04*

Tunuliaqutaq

Pinngortitamut Avatangiisinullu Naalackersuisoqarfik Naalackersuisut eqqakkanut iliuusisatut pilersaarut pillugu siunnersuummik (ilanngussaq 1 aamma 2) piffissami oktobari 18-niit novembari 22-nut 2019 tusarniaassuteqarpoq.

Tusarniaanermut atatillugu Teknikkeqarnermut Avatangiisinullu immikkoortortaq Pinngortitamut Avatangiisinullu Naalackersuisoqarfimmut allaffissornikkut tusarniaanermi akissuteqaammik nassiusaqarnikuvoq. Tusarniaanermi akissuteqaat Sisimiuni TAI aamma Maniitsumi TAI sinnerlugit tunniussaavoq, ilanngusaq 3-milu takuneqarsinnaalluni.

Suliassamut saqqummiussummi matumani Naalackersuisut eqqakkanut iliuusisatut pilersaarummut 2020-mut siunnersuutitut ilisimatitsissutaavoq, eqqagassalerinermut iliuusisatut pilersaarutaanut 2020-2031 pingaarnersiukkat eqikkarneqassallutik.

Maleruagassatigut tunngavigisaq

Avatangiisit innarlitsaaliorneqarnissaannik Inatsisartut Inatsisaat nr. 9, 22. november 2011-meersoq (avatangiisinut inatsit) maleruagasami tassani Namminersorlutik Oqartussat ukiut sisamakkaarlugit ukiunut tulliuutunut 12-inut eqqakkat passunissaannut pingaarnertigut eqqakkanut iliuusisatut pilersaarusiussaaq.

Pissutsit atuuttut

Eqqagassalerinermut iliuusisatut pilersaarummut siunnersuummi, Naalackersuisut eqqaavilerinerup iluani anguniagaat nassuiarneqarput aammalu piffissami 2020-2031 kommunit eqqakkanut pilersaarusiornermut igitassanillu passussinermut tunngavissanik sinaakkusiissalluni. Kommunini, Qeqqata Kommunia ilanngullugu, eqqagassalerinermut pilersaarutit Naalackersuisut eqqakkanik iliuusisatut pilersaarutaanut naapertuutissaaq. Eqqakkanut iliuusisatut pilersaarummut siunnersuummut, pingaartumik nuna tamakkerlugu eqqagassanut tunngatillugu ataatsimoorussamik eqqakkanut aaqqiissutissat atuutitinnissaannut 2018-mi septembarimi naalackersuinikkut ataqatigiissarisooqatigiit ataatsimiinneranni, Naalackersisunit kommuninilu tallimaasuni borgmesterit isumaqatigiissutigisaat pingaarnertut immikkut qitiupput. Eqqakkanut iliuusisatut pilersaarummi pinngortitamut peqqissutsimullu akisussaassuseqartumik ataatsimoorussamik suliaqarsinnaaneq, sapinngisamillu pitsaanerpaamik eqqakkanik atoqqiisinnaaneq isumalluuteqarsinnaanerlu nassuiarneqarput. Aaqqiissummi nutaami Sisimiuni Nuummilu eqqakkanut ikuallaaveqalernissaq aammalu uuliakunik passussisarfiit arlallit pineqarput. Tamatuma saniatigut illoqarfinni nunaqarfinnilu tigooraavinnik pilersitsisoqassaaq, eqqakkat katersorneqarlutillu immikkoortiterneqassallutik. Eqqagassat ikuallanneqarsinnaasut poortorneqarlutik ikuallaavinnut assartorneqassapput. Eqqagassat allat atoqqinneqarlutilluunniit arlaatigut isumannaatsumik passunneqassapput. ESANI A/S Kalaallit Nunaat tamakkerlugu Eqqagassalerinermut ingerlatseqatigiiffik 2019-imi martsimi pilersinneqarpoq. Ataatsimoorussamik nuna tamakkerlugu eqqakkanut ikuallanneqarsinnasunut iluarsiiussummik pilersitsissaaq ingerlatsissallunilu. Tassunga aamma ilaavoq eqqakkanik ikuallaavinnik aammalu uuliakunik ikuallaavinnik pilersitsinissaq, kiisalu eqqakkat ikuallanneqarsinnaasut isumagineqarnissaat ikuallaavinnullu assartorneqarnissaat.

Piffissami 2020-2023-mut eqqakkanik iliuusisatut pilersaarummut siunnersuummi pingaarnertut anguniakkat tallimat salliunneqarput, taanna Naalackersuisunut kommuninullu suliniutissanik suliassanillu arlaqartunik imaqarpoq. Eqqakkanut iliuusisatut pilersaarut aamma suliniutit kingunerisinnaasaannut aningaasat illikartitat saqqummiunneqarput. Anguniakkanut suliassanullu tullinnguuttutigit eqikkarneqarput:

Anguniagassat ilaat	Siunertat pingaarnerit	Kommunini suliassat:
Ilatigut anguniagaq 1: Pilersaarusiorneq aqutsinerlu	<ul style="list-style-type: none"> <li>• Eqqakkanik passussinermut naleqquttunik inatsisitigut killigititanik qulakkeerinninneq</li> <li>• Eqqakkanik suliassa qarfimmi ingerlatsinermut pilersaarusiorneq tunngasunik aamma aqutsinermi isumalluutinik qulakkeerinninneq</li> <li>• Eqqakkat kommunini ataasiakkaani ingerlaarneri pillugit annerusumik ataatsimut ilisimasaqarnerulernermik pilersitsineq.</li> </ul>	<ul style="list-style-type: none"> <li>• Eqqakkat ingerlanneqarnerinut Kommunit nakkutilliinerannik pitsanngorsaaneq, taassuma ataani sanaartorneq sanaartorfinnilu suliassa qarfiit</li> <li>• Kommuninut eqqagassalerinermit iliuusissatut pilersaarut, taassuma ataani kommuninut eqqagassalerinermit pilersaarutit suliarineqartarneri, ingerlatsisunullu isumaqatigiissutit ilinniartitsinissamullu pilersaarutit suliarineqartarneri</li> <li>• Kommunit akornani eqqagassalerinermi ataqatigiissaarineruneeq aamma suleqatigiinneruneeq</li> <li>• Kommunini sanaartortoqarnerani sanaartorfimmit igitassalerinermit piumasaaqatit suliariumannittussarsiuussinermit atortussamut ilanngussineq</li> </ul>
Ilaatigut anguniagaq 2: Paasissutissat, innutaasullu peqataatinneqarnerat	<ul style="list-style-type: none"> <li>• Innutaasunut inuussutissarsiornermilu ingerlatsisunut paasissutissiinerit ingerlateqqinneqassapput, taamaalillutik eqqakkanik suliassa qarfimmi anguniakkanut inatsisinullu attuumassuteqartumik naleqquttumillu iliuuseqarsinnaaqullugit.</li> <li>• Naalakkersuisut paasissutissiinerit aqutitigalugu kommunit innutaasunut inuussutissarsiornermilu ingerlataqartunut paasissutissiinermit sulianut tapersiinissaat.</li> </ul>	<ul style="list-style-type: none"> <li>• Sumiiffinni eqqakkanut aaqjissuussat pillugit paasissutissiineq</li> <li>• Eqqakkat pillugit paasissutissanik suliniutinut tunngatillugu kommunit allat peqatigiillutik misilittagaqarfinnik avitseqatigiissinnaapput</li> <li>• Eqqagassanik passussinerup meeqqat atuarfiini ilinniartitsinermit ilaatinneqarnissaa</li> </ul>
Ilaatigut anguniagaq 3: Eqqakkanik pitsaaliuineq anigaasanillu kaaviiartitsineq	<ul style="list-style-type: none"> <li>• Ataatsimut eqqakkat pilersinneqartut annertussusaannik appartitsineq</li> <li>• Ataatsimut eqqakkanik atoqqiinermit qaffatitsineq</li> </ul>	<ul style="list-style-type: none"> <li>• Eqqakkanut immikkoortitikkanut aalajangersimasunut misiliummik suliniutit naammassineqarnissaanut misissuineq</li> <li>• Eqqakkanut immikkoortitanut assigiinnigitsut allamut</li> </ul>

	<ul style="list-style-type: none"> <li>• Allamut atoqqiineq aamma atoqqiinermit anguniakkamut naleqqutinngitsumik mingutsitsinermit siaruaasoqannginnissaanik qulakkeerinnineq</li> <li>• Pisortani inuussutissarsiornermilu ingerlataqartuni eqqakkanik pitsaaliuineq ukkataralugu, piujuartitsinermit allanngornermit aamma asuliinnartitsinertaqanngitsumik aningaasanik aqutsinermit saqqummiineq siuarsaanerlu.</li> </ul>	<p>atoqqinneqarsinnaasunut periarfissanik aporfiusinnaasunilu misiliutinik piareersaataasinnasunut pilersaarusiorneq ingerlatsinerlu</p> <ul style="list-style-type: none"> <li>• Toqqaannartumik atoqqiineq pillugu suliniutit</li> <li>• Pisortani piujuartitsisumik pisiniarnermut politikkip atuutinneqalernissaanik ukkataqarnerulerneq</li> </ul>
<p>Ilaatigut anguniagaq 4: Eqqakkanik passussinermit igitassanik tigooraaveqarfiit</p>	<ul style="list-style-type: none"> <li>• Illoqarfinni nunaqarfinnilu tamani iluaqusersuutit pioreersunik eqqakkanut tamanut suliaqarnissamut tigoraavinngortitsilluni alliliineq.</li> <li>• Eqqaavissuarnik pisoqqanik pioreersunillu avatangiisinut tunngasumik akisussaasumik alliliinernik matusinernillu qulakkeerinnineq.</li> </ul>	<ul style="list-style-type: none"> <li>• Eqqagassalerinermit aaqqiissutissanik piviusunik kommunini aaqqissuusaasumik misilittakkanik katersineq avitseqatigiinnerlu</li> <li>• Eqqakkanik immikkoortiterisarneq pillugu inoqarfiusunut tamanut ilitsersuusiorneq</li> <li>• Illoqarfinni nunaqaffinnilu tamani eqqakkanik suliaqarnermut igitassanik tigooraaveqarfinnik avatangiisinut akuerineqarsinnaasunik pilersitsinissaq, ilagalugit toqqorsiviit naleqquttumik imartussusillit avatangiisitigut akuerineqarsinnaasut</li> <li>• Piginnaasanik qulakkeerinnineq (suliusunik atorfinittitsineq/ilitsersuineq) eqqakkanik suliaqarnermut igitassanik tigooraaveqarfiit tassungalu sanaartukkat atasut ingerlanneqartarnerinut</li> <li>• Eqqaavinnik pisoqqanik pioreersunillu saliinernik aamma matusinernik tulleriissarineq</li> <li>• Oqaloqatigiinnerneq, umiarsualiviillu eqqakkanik passussinerannut tunngatillugu malittarinnineq, ilagalugit umiarsuit minnerit umiatsiaaqqallu isatneri (umiarsualivinni pisortat attuumassuteqartut suleqatigalugit)</li> </ul>
<p>Ilaatigut anguniagaq 5: Ataatsimut ikuallaavimmik iluarsiiissut</p>	<ul style="list-style-type: none"> <li>• Eqqakkanik ikuallaanermit silaannarmut aniatitsinernik navianartunik millisitsinissaq (EU-p ikuallaanermit malitassap 2024-meersup eqqortinneqarnera).</li> </ul>	<ul style="list-style-type: none"> <li>• Ataatsimoorussamik kommunit eqqakkanut ingerlatsiviannik ineriartortitsineq</li> <li>• Ataatsimoorussamik kommunit eqqakkanut ingerlatsivianik nuna tamakkerlugu eqqakkanut</li> </ul>

	<ul style="list-style-type: none"> <li>• Kommunit ataatsimoorussamik eqqakkanut ingerlatseqatigiifiannik ESANI A/S-imik ineriartortitsineq ingerlatsinerlu.</li> <li>• Ataatsimut nuna tamakerlugu iluarsissummik pilersitsinissaq, ilagalugu ataatsimut ikuallaavimmut iluarsissut, eqqakkanik aamma uuliamik maanngaannartumik ikuallaanissamut naammattumik piginnaasalik sanaartugaq ullutsinnut naleqquttoq. Illoqarfinni nunaqarfinnilu tamanit eqqakkanik ikuallanneqarsinnaasunik ikuallaavinnut assartuinissaq.</li> <li>• Eqqakkanik ikuallaavinnit kiassarnermi sunniuteqarluartumik atuinermik qulakkeerinninnissaq, ilagalugu kiassarnerup ataqatigiimmik aqqissuusinermi salliutinneqarnera</li> <li>• Ikuallaanermi sinnikut akisussaasumik passunneqarnissaannik qulakkeerinninnissaq</li> </ul>	<p>iluarsiissummik pilersaarusionerq pillugu suleqatigiinneq</p> <ul style="list-style-type: none"> <li>• Siunissami ikualaavinnik pioreersunik matusineq</li> </ul> <p><b>Ataatsimoorussamik kommunit eqqakkanut ingerlatseqatigiffianut suliassat:</b></p> <ul style="list-style-type: none"> <li>• Ataatsimut nuna tamakkerlugu eqqakkanut iluarsissutip pilersinneqarnissaanut pilersaarutip immikkuualuttortaanik ilanngussisumik suliaqarneq, nuna tamakkerlugu eqqakkanut uuliamullu maanngaannartumik ikuallaaviup nutaap pilersinneqarnissaanut aningaasaliinerit, aningaasaliinerit naleqqiullugit, kosalu illoqarfinni nunaqarfinnilu tamanit eqqakkat assartorneqarnissaanut pilersaarusionerq</li> <li>• Nuna tamakkerlugu eqqakkanut ikuallaavinnut marlunnut immikkuualuttortai ilanngullugit pilersaarusionerq ingerlatsinerlu</li> <li>• Uuliamut maanngaannartumut ikuallaavinnut marlunnut immikkuualuttortai ilanngullugit pilersaarusionerq ingerlatsinerlu</li> <li>• Illoqarfinni nunaqarfinnilu tamanit eqqakkat assartuinermik atulersitsineq ingerlatsinerlu</li> </ul>
--	--	---

Anguniakkat ilaanni ataasiakkaanut allaffeqarfiup oqaaseqaatanut tusarniaassut ilanngussaq 3-tut ilanngunneqartoq innersuussutigineqarpoq. Eqqagassalerinermut iliuusissatut pilersaarut Namminersorlutik Oqartissanit piaartumik akuerineqarnissaa naatsorsuutigineqarpoq.

Aningaasaqarnikkut allaffissornikkullu kingunerisinaasai

Eqqagassanik suliaqartarnermik annertuumik kivitsinerup aningaasaliinissamik pisariaqartitsinermik aammalu siunissami ingerlatsinissamut ingerlatsinermi aningaasartuutit qaffassinnaaratarnerannik kinguneqassaaq. Eqqakkanut iliuusissatut pilersaarummut ataatsimut aningaasaqarnikkut kingunerisinnaasat aningasaliissutillu eqqakkanut iliuusissatut pilersaarummi qupperneq 36-mi saqqummiunneqarput. Eqqakkanut iliuusissatut pilersaarummi Ilanngussaq 1-mi ilaatigut aningaasartuutissat anguniakkat ilaanni 5-imi suliniutissanut attuumassuteqartut saqqummiunneqarput. Ilaatigut kommunit illoqarfinni nunaqarfinnilu tamani eqqakkanik suliaqarnissamut immikkoortiterinissamullu tigooraavinnik pilersitsinissamut aammalu toqqorsivinnik nakkutigineqartunik

pilersitsinissamut aningaasaliinissamut pisariaqartitsisoqassaaq. Tamakku saniatigut sulisunik tigooraavinnik ingerlatsisussanik ilinniartitsinissamut aningaasartuutit qaffannissaat, kiisalu atoqqiisarneq atueqqinnerlu pillugit suliniutinik ingerlatsinissamut sulisussanut aammalu eqqagassanik suliaqartarneq tamaat eqqarsaatigalugu, pitsannguinnissamut pilersaarusiornissamut allaffissornikkut aningaasartuuteqarnerulernissaq naatsorsuutigineqarsinnaavoq. Kommunit ataatsimoorussamik eqqakkanut ingerlatseqatigiiffiat ESANI A/S-imut atatillugu, Qeqqata Kommunia aallarniutissanik piffissami 2019-2031-mut 10. million koruuninik tapiissutitut aningaasaleereernikuvoq.

#### Allaffeqarfiup naliliinera

Allaffeqarfimmit nalilernerqarpoq, eqqakkanut iliuusisatut pilersaarummut siunnersuut ukiumut tulliuuttunut eqqagassalerinermi suliniutit iluini eqqagassalerinermi ineriartortitsinissamut kiisalu nuna tamakkerlugu ataatsimoorussamik eqqagassalerinermut aaqqiissuteqarnissamut maannakkut ingerlallualereesumut, kommuninit ataatsimoorussamik ingerlatseqatigiiffiat ESANI A/S pilersinneqarnera angusaqarfiulluarmik aallaaviussasoq. Eqqakkanut iliuusissatut pilersaarut sulianut suliaassanullu tigussaasumik suliaassanut suliniutinullu saqqummiussimmat sakkussatut isigineqarsinnaavoq, kiisalu anguniakkat ilaanni suliaassanut suliniutissanullu aningaasatigut kingunerisinnaasanut illikartinneqartunut kommuninit aamma Namminersorlutillu Oqartussanit pisussaaffigineqarput.

#### **Innersuussut**

Teknikkeqarnermut ataatsimiititaliamit akuereqqullugu Teknikkeqarnermut Avatangiisinullu immikkoortortap innersussutigivaa,

- Eqqakkanut iliuusisatut pilersaarut 2020-2031 pillugu Naalakkersuisut siunnersuutaat tusaatisatut tiguneqassasoq

#### **Alajangiineq**

Innersuussut akuersissutigineqarpoq.

#### **Ilanngussat**

1. Allaqqitassiaq Eqqakkanut iliuusissatut pilersaarut 2020-2031 GRL
2. Naalakkersuisut Udkast til Affaldshandlingsplan 2020-2031 DK
3. Eqqakkanut iliuusissatut pilersaarut 2020-2031 pillugu Naalakkersuisut siunnersuutaat pillugu tQeqqata Kommiata tusarniaasummut akissuteqaataa.



## **Imm. 14 Aatsitassanut aqutsisoqarfimmut tusarniaanermi akissuteqaat pillugu paasisutissiissut**

*Journalnr. 81.00*

### **Tunuliaqutaq**

Takuuk nunap assinga atortussiaq, Arnangarnup Qooruani illugiillugu nunaminertami misissuinissamut qinnuteqaat Aatsitassanut aqutsisoqarfiup nassiunnikuuvaa.

### **Maleruagassatigut tunngavigisaq**

Aatsitassanut aamma Pilersaarusiornermut inatsimmi aallaavilimik tusarniaanermi akissuteqaat tunniunneqarnikuuvoq.

### **Pissutsit atuuttut**

Nunatami pineqartumi siusinnerusukkut aligoqqinnik il.il. aatsitassanik misissinernik ingerlatsisoqarnikuuvoq. Maannakkut misissuineq aatsitassanik qaqutigoortunik kiisalu tantal aamma neopium-imik misissuinissamut sammisuuvoq.

Tusarniaanermut atortussani nassiussani kikkut misissuinissamut akuersissumik qinnuteqartuusimanersut takuneqarsinnaanngilaq.

Tusarniaanermi akissuteqaammi Qeqqata Kommuniani illuaqarfinnut kommunip pilersaarusiordfigineqarnerani tapliussamut nr. 56-imut innersuussisoqarnikuuvoq. Kommunip pilersaarusiordfigineqarnerani tapiliussap ilaatigut nunaminertaq pineqartoq immikkoortumut D-mut atugassanngorteqavaa, tassani illuaqqanik imminnut 5 km ungasissusilinnik pilersitsisoqarsinnaalluni.

Aammataaq allaqqavoq, misissuinissamut akuersissummut atatillugu aqqusinernik appakaaffissanik, umiarsualivik ilaasinnaalluni, aammalu Arnangarnup Qooruanut eqqissisimatitaasumut attuumasuni piiaffimmik ilusilersuineranut Qeqqata Kommunian oqaloqatiginnissinnaasoq.

### **Atuilluartuunissakkut kingunerisinaasai**

Aatsitassat ujartorneqartut aqutsinermut attaveqaqatigiinnermullu ilaasuni elektroninni nutaaliaasorujussuarni nukissiornermi systeminik assigisaannilu atuilluatumik ineriartortitsinermut ilaatigut tunngaviusut ilaapput.

### **Aningaasaqarnikkut allaffissornikkullu kingunerisinaasai**

Misissuinerup sumiiffimi suliffinnik taamaalillunilu akileraarutitigut isertitat annertusinerisa saniatigut, Qeqqata Kommunianut aningaasaqarnikkut allaffissornikkullu kinguneqassanngilaq.

### **Allaffeqarfiup naliliinera**

2018-imit 2022 tungaanut Qeqqata Kommunianut Pilersaarusiornissami periusissami allassimavoq: "Kommunimi aatsitassanik piiaviit sulisussanut najugaqavissunut nunallu tamalaat akornanni aatsitassalerinerup iluanut pilerinartuunissaat sulissutigissavarput" Allaffeqarfiup nalilerpaa, suliniut una kommunalbestyrelsip angunigaanik naammassinninnissamut peqataasoq.

### **Innersuussut**

Allaffeqarfiup innersuussutigaa pasissutissiissut tusaatissatut tiguneqassasoq.

## **Alajangiineq**

Innersuussut akuersissutigineqarpoq.

Ilanngullugu aatsitassaqaqarnermut aqutsisoqarfik allaffigineqassaaq ataatsimiititaliap kissaatigigaa Kangaamiuni, Maniitsumi Sisimiunilu innuttaasunik paasissutissiinermik ataatsimiititsissasoq.

## **Ilanngussat**

1. Aatsitassarsiornermut Aqutsisoqarfimmiit tusarniaanermut allakkiaq
2. Qeqqata Kommunanit tusarniaanermi akissuteqaat

**Imm. 15 Maniitsup aqutsiveqarfiani 2020-mi tikaagulliit sisamat qoorortoorsorluni pisassat agguaannissaat**

Journalnr. 72.01.03.01

**Tunuliaqutaq**

Aalisarnermut, Piniarnermut Nunalerinermullu Naalakkersuisoqarfiup ulloq 19.12.2019 Ukiumi pisassiiffiusumi 2020-imi tikaagulliit pisassiissutaasut nunap immikkoortuinut agguaanneqarnerinut tunngasoq tusagassiorfinnut nalunaarutigivaa.

Tassani nalunaarutigineqarpoq Maniitsup aqutsiveqarfia qoorortoorsorluni tikaagullittassanik 4-nik pisassinneqartoq.

**Maleruagassatigut tunngavissat**

Arfernik angisuunik illersuineq piniarnerlu pillugit Namminersorlutik Oqartussat nalunaarutaat nr. 9, 6. december 2018-imeersoq

§ 4, Imm. 3. **Tikaagullimmik**, arfivimmik aamma qipoqqarmik piniarnissamut akuersissutit tunniunneqartarput kommunalbestyrelsimut qinnuteqartoqareernerata kingorna nunaqarfinni siulersuisut aamma najukkami aalisartunut piniartunullu peqatigiiffik tusarniaavigereerlugit.

Imm. 4. Kommunimi akuersissutit allagartallu agguaanneqartut qinnuteqaatinit tiguneqarsimasunit ikinnerussagaluarpata arfernik angisuunik piniarnissamut agguaassisoqassaaq **tullerriiarilluni**, ukiumi siuliani pisarineqarsimasut kiisalu piniarsinnaanermut akuersissutit atorneqanngitsut eqqarsaatigalugit.

Ataatsimoorluni tikaagullinniarneq

§ 13. Piniarnermut Naalakkersuisoq akuersisinnaavoq ataatsimoorluni piniarnermi qamutilimmik tuukkartalimmik sakkoqanngikkaluarluni amerlanngitsunik tikaagullittoqarsinnaaneranut. Taamatut akuerinnittoqarsinnaavoq piniarneq nunaqqatigiinnut annertuumik pingaaruteqarpat aamma nunaqqatigiit angallatinit tuukkartalinnik qamutililinnit neqinik nutaanik naammattumik pilersorneqarsinnaanngippata.

Imm. 3. Kommunip ataatsip aqutsiveqarfiullu ataatsip iluani ataatsimut piniatigiilluni piniarsinnaanermut akuersissutit agguaanneqarneranni nunaqarfiit tamatumalu tulliani illoqarfiit qaartartortalimmik tuukkartalimmik qamutilinnik angallateqanngitsut sallerpaatinneqassapput.

**Pissutsit atuuttut**

Piniaqatigiti gruppe-t aamma inuussutissarsiutigalugu piniartut amerlassusaat pr. 31.12.2018:

	Piniaqatigiit Amerlassusaat	Piniartut amerlassusaat
Maniitsoq	3	84
Kangaamiut	3	48
Napasog	1	17
Atammik	2	33
Katillugit	<b>9</b>	<b>182</b>

Arfernik angisuunik illersuineq piniarnerlu pillugit Namminersorlutik Oqartussat nalunaarutaanni § 13-mi aalajangersakkat innersuussutigalugit ukua nalunaarutigineqassapput:

Napasoq aamma Atammik tuukkartalimmik qamutileqarfiunngillat.

Kangaamiuni angallat qamutililik ataaseq arfanniartuuvoq.

Maniitsumi angallatit 2-t arfanniartuupput.

2019-imi **qamutilissortut** pisaat tikaagulliit Maniitsumi 11-t. Kangaamiuni 3-t.

**Siorna 2019-mi qoorortoorsorluni** tikaagullittassat agguanneqarnerat pisarineqartullu pillugit paasissutissat:

Tikaagulliit qoorortoorsorluni Manitsup aqutsivianut pisasseeqqaarnermi pisassiissutit 4-t 2019-imi upernaakkut kommunimit agguanneqarnerani imatut agguanneqarput pisarineqarlutillu:

Inoqarfik	Piniaqatigiit	Ulloq pisaqarfik
Maniitsoq	Gruppe 2	19.04.2019
Kangaamiut	Gruppe 2	25.07.2019
Napasoq	Gruppe	02.08.2019
Atammik	Gruppe 1	23.06.2019

Ukioq 2018-mi tikaagullittassiissutinit pisarineqanngitsut 2019-imut nuunneqarmata september 2019-imi paggatassiisoqarpoq tassanilu tikaagulliit **11-it** Maniitsumi aqutsiviani piniaqatigiinnit assigiingitsunit qoorortoorsortunit pisarineqarput. Paggatassiisoqartillugu pisassiinnermi piniaqatigiinnut tulleriaarineq atorneqarnej ajorpoq. Taamallat piumasaqaataavoq siuttoqarnissaq umiatsiaaqqallu ikinnerpaamik 5-iussasut.

Ukiakkut oktober 2019-imi Naalakkersuisoqarfimmit pisasseeqqinnermi Qeqqata Kommunia 4-nik pisassinneqarmat kommunip aalajangiineratigut Maniitsumi aqutsivia 2-nik pisassinneqarpoq, ukunungalugu piniaqatigiinnut pisassiissutaapput pisarineqarlutillu:

Inoqarfik	Piniaqatigiit	Ulloq pisaqarfik
Napasoq	Gruppe	08.10.2019
Maniitsoq	Gruppe 3	09.10.2019

\*Tassani Atammimmiut pisassineqanngillat september-imi paggatassiinnermi pissarsiluarsimammata.

Napasoq ataatsimik pisassinneqarmat pisassaq sinneruttoq ataaseq maniitsormiunit kangaamiormiunillu makitsissutigineqarmat Maniitsoq makinneqarluni pisassinneqarpoq.

Taamaalillugu inoqarfinni pineqartuni sisamani katillugit imatut amerlatigisut qoorortoorsortunit 2019-imi pisarineqarput:

Maniitsoq	5
Kangaamiut	3
Napasoq	4
Atammik	5
Katillugit	<b>17</b>

## 2020:

Qoorortoorsorluni 2020-imi pisassiissutit sisamat (4) kommunimit agguanneqarnissaat pillugu Arfernik angisuunik illersuineq piniarnerlu pillugit Nalunaarummi § 4 malillugu Maniitsumi, Atammimmi,

Napasumi aamma Kangaamiuni aalisartut piniartullu peqatigiiffii aamma nunaqarfimmi aqutsisut Allaffeqarfimmit tusarniaavigineqarput.

Akissuteqaatit ukua tigusimavagut:

**Atammimmi** aalisartut piniartullu peqatigiiffiata oqaaseqaataat 03.03.2020-meersumi matut allapput: ” Ukioq 2020-mut tikaagullinnik pisassiinermi agguaanissamik siunnersuut. Ukioq kingulleq gruppit Atammimmi, Napasumi, Mannitsumi Kangaamiunilu tunineqanngitsut siunnersuutigaagut tunineqassasut”.

**Napasumi** aalisartut piniartullu peqatigiiffiata tusarniaanermut akissuteqaataani 14.02.2020-meersumi imatut allapput: ”Pisassiissutigineqartut tikaagulliit sisamaasut qanoq agguaanneqarnissaannut siunnersuutigerusupparput. Ukiut siuliinisut agguaanneqarnissaat siunnersuutigaarput, tassa inoqarfiit sisamat tamarmik pisassineqassasut.

**Kangaamiuni** aalisartut piniartullu peqatigiiffiata tusarniaanermut oqaaseqaataat pillugu telefonnotat 04.03.2020-meersoq: ” Peqatigiiffiup pisassiissutit 4-rat inoqarfinnut sisamaasunut agguaanneqarnissaat peqatigiiffiup siunnersuutigigaa. Taamaalillugu inoqarfiit tamarmik 1-mik pisassinneqarnissaat kissaatigalugu”.

**Maniitsumi** umiatsiaararsorlutik aalisartut piniartullu peqatigiiffiata oqaaseqaataa, telefonnotat 04.03.2020-meersoq. ” Peqatigiiffimmi allatsip Efraim Heilmann-ip oqaatigivaa peqatigiiffimmi tusarniaaneq eqqartorsimallugu peqatigiiffiullu kissaatigigaa pisassiissutit 4-rat agguaanneqassasut taamaalillugu aqutsiveqarfimmi inoqarfiit tamarmik 1-mik pisassinneqarlutik.

Naalakkersuisoqarfimmiit Maniitsup aqutsiveqarfianut pisassiissutit 2017-nimiit aallartittumik sisamangortinneqarput siusinnerusukkut ukiuni arlaqartuni pisassiissutit pingasuinnaasaraluartut. 2017, 2018 aamma 2019-mi pisassiissutit 4-rat kommunimit agguaanneqartarput aqutsiveqarfimmi inoqarfiit sisamaasut tamarmik ataatsimik pisassinneqartarlutik.

## **Qullersaqarfiup oqaaseqaatai**

### **Allaffeqarfiup naliliinera:**

Arfernik angisuunik illersuineq piniarnerlu pillugit nalunaarummi § 13, imm. 3-mi aalajangersagaq tunngavigalugu nunaqarfiit qamutileqarfiunngitsut salliutinneqassapput. Tamanna tunngavigalugu qamutileqarfiunngitsut Atammik aamma Napasoq pisassinneqarnissaat Allaffeqarfimmit nalilerneqarluni siunnersuutigineqarpoq.

2017, 2018, 2019 aamma 2020-mi upernaakkut pisasseeqqaarnermi Maniitsup aqutsiveqarfianut pisassiissutit sisamaasarput. Allaffeqarfiup nalilerpaa periarfissaasoq matumani agguaasseqqaarnermi Maniitsup aqutsiveqarfiani inoqarfiit sisamaasut tamaasa ataatsimik pisassinneqarsinnaanerat. Taamaalillugu Maniitsup aamma Kangaamiut qamutileqarfiugaluartut piniartulli umiatsiaararsortut inoqarfinni taakkunani amerlassusaat eqqarsaatigalugu pisassinneqarsinnaasut. Inoqarfinni Maniitsumi aamma Kangaamiuni umiatsiaararsortut amerlapput. Neqissaqarniarneq eqqarsaatigalugu isiginiartariaqartut Allaffeqarfiup nalilerpaa.

Napasumi aamma Atammimmi piniartut peqatigiiffiisa oqaaaseqaatiminni siunnersuutigivaatt aqutsiveqarfimmi inoqarfiit sisamaasut tamarmik ataatsimik pisassinneqarnissaat. Taamaammat allaffeqarfiup nalilerpaa agguassinnissami uani inoqarfiit akornanni assortuunnertaqanngitsoq paaseqatigiinnikkulli isumaqatigiittoqartoq. Allaffeqarfiup nalilerpaa siunnersuutigalugu inoqarfiit sisamaasut tamaasa ukioq manna agguasseqqaarnermi ataatsimik pisassinneqarsinnaasut. Pinaqatigiillu tullinnguuttut Nalunaarummi bekendtgørelsesemi tulleriaarinissamik § 4, imm. 4-mi aalajangersagaq malillugu pisassinneqarsinnaasut ukuusut: Maniitsumi gruppe 1, Kangaamiuni gruppe 3, Atammimmi gruppe 2 kiisalu Napasumi gruppe, ataasiinnaasoq.

### **Innersuussut**

Allaffeqarfiup innersuussutigivaa pisassiissutit sisamat imatut agguanneqassasut:

Maniitsumi gruppe 1, Kangaamiuni gruppe 3, Atammimmi gruppe 2, Napasumi gruppe, tamarmik ataatsimik, pisassinneqassasut.

### **Siulittaasup aalajangiinnera**

Siulittaasooq Teknikkeqarnermut ataatsimiititaliap sinnerlugu marts-ip 23-ani 2020 aalajangiivoq,

-Innersuussutigineqartoq akuersissutigalugu

Aalajangiineq pillugu Teknikkeqarnermut ataatsimiititaliap tullissaanik ataatsimiilerpat ilisimatinneqassaaq.

---

Frederik Olsen  
Siulittaasooq  
Marts-ip 23-ani 2020

### **Aalajangiineq**

Tusaatissatut tinguneqarpoq

## **Ilanngussaq**

1. *Aalisarnermut, Piniarnermut Nunalerinermullu Naalackersuisoqarfiup ulloq 19.12. 2019* . Ukiumi pisassiiffiusumi 2020-imi tikaagullit pisassiissutaasut nunap immikkoortuinut agguanneqarnerinut tunngasq tusagassiorfinnut nalunaarut.
2. Arfernik angisuunik illersuineq piniarnerlu pillugit Namminersorlutik Oqartussat nalunaarutaat nr. 9, 6. december 2018-imeersoq
3. Atammimmi aalisartut piniartullu peqatigiffiata oqaaseqaataa 03.03.2020-meersoq
4. Napasumi Aalisartut Piniartullu Peqatigiffiata oqaaseqaataa 14.02.2020-meersoq
5. Kangaamiuni aalisartut piniartullu peqatigiffiata akissutaat pillugu telefonnotat 04.03.2020-meersoq
6. Maniitsumi Umiatsiaararsorlutik aalisartut piniartullu peqatigiffiata oqaaseqaataat pillugu telefonnotat 04.03.2020-meersoq.

**Imm. 16 Sisimiut aqutsiveqarfiani 2020-imi tikaagulliit pingasut qoorotoorsorluni pisassiissutit agguannerat**

*Journal nr.*

Tunuliaqutaq

Aalisarnermut, Piniarnermut Nunalerinermullu Naalakkersuisoqarfiup ulloq 19.12.2019 pisassiiffiusumi 2020-imi tikaagulliit pisassiissutaasut nunap immikkoortuinut agguanneqarnerat pillugu tusagassiorfinnut nalunaarutaa.

Tusagassiorfinnut nalunaarummi Sisimiut aqutsiveqarfianut tikaagullinnik pingasunik pisassinneqarpoq.

Maleruagassatigut tunngavissaq

Arfernik angisuunik illersuineq piniarnerlu pillugit Namminersorlutik Oqartussat nalunaarutaat nr. 9, 6. december 2018-imeersoq.

Pissutisit atuuttut

2019-imi pisassiissutinik agguaaqqaarnermi pisassiissutit tikaagulliit pingasut imatut agguanneqarput:

- tikaagullik ataaseq Knapp Itilleq-mut pisassiissutigineqarpoq
- tikaagullik ataaseq SAPP-mit aqunneqarluni pisassiissutigineqarpoq
- tikaagullik ataaseq SAAPP-mit aqunneqarluni pisassiissutigineqarpoq

2020-imi tikaagulliit pingasut pisassiissutit pillugit Sisimiut aqutsiveqarfiani aalisartut piniartullu peqatigiiffii tusarniaavigineqarput pisassiissutit qanoq avinneqarnissaannik siunnersuuteqaqqullugit.

Tusarniaavigineqartut tulluuttut imatut akissuteqarput:

Sisimiuni Aalisartut Piniartullu Peqatigiiffiat (SAPP) imatut ulloq 12.03.2020 imatut akissuteqarpoq: SAAPP-miit qoorotoorsorluni tikaagullittassani ima siunnersuuteqarpugut: SAPP-mut ataaseq, SAAPP-mut ataaseq, Sarfannguarfmiunut Itillermiunullu ataaseq piniassavaat.

Sisimiuni Angallateerarsorlutik Aalisartut Piniartullu Peqatigiiffiat (SAAPP) 12.03.2020 imatut akissuteqarpoq:

Tikaagulliit pingasut siunnersuutigaarput, Sisimiut marluk, nunaqarfinnut ataaseq arlariillutik piniassagaat. Ukioq kingulleq Sarfannguarfmiut amigaramik piniaraluarput aamma Itillermiut amigaramik, tamaattumik ukioq kingulleq piniatigaagut, taamaattumik ataaseq arlariillutik piniarunikku ajunnginnerussanngilaa?

*Peqatigiiffiit Sarfannguni Itillimilu taamatut passissutissiissutigineqarnerat tunngavigalugu allaffeqarfik nunaqarfinni peqatigiiffinnut paasiniaavoq paasissutissiissutigineqartut iluoornermut. Sarfannguanu peqatigiiffiup siulittaasua nassuiaanermini ilisimatitsissutigivaa tusarsimallugu eqqunngitsumik oqaluuserineqarsimallutik.*

*Namminersorlutik Oqartussat nalunaarutaat attuuttoq malillugu §13 imm. 5 stk. 1 imatut oqaasetaqarpoq: "piniarneq aaqqissuunneqassasoq ataatsimoorluni piniartut ikinnerpaamik umiatsiaaqqat tallimat piniarnerni ataasiakkaani peqataatillugit".*

*2019-imi Sarfannguanu Itillimilu inuutissarsiutigalugu piniarnermut allagartallit amerlassusii:*

*Sarfannguit: 15*

*Itilleq: 8*

Allaffeqarfiup naliliinera

Ukiuni kingullerni arlalinni Sisimiut aqutsiveqarfiani ukiumut pisassiivimmuut tulleriarineq atorlugu pisassiisarneq pisarpoq. 2020-imut pisassiissutigineqartut tikagulliit pingasut pisassiissutigineqarnissaanni Allaffeqarfiup nalilerpaa Itillimi Sarfannguanilu piniartut ataasimoorlutik piniarsinnaanissaat aamma periarfissaasoq. Taamaammatt Allaffeqarfiup nalilerpaa siunnersuutigalugu



periarfissat marluk toqqaarneqarsinnaasut tulleriaarineq atorneqarsinnaasoq taamaassappallu Sarfannguanu piniartut pisassinneqarsinnaasut imaluunniit Itillimi Sarfannguanilu piniartut ataatsimoorlutik piniarnissaannut pisassaq ataaseq pisassiissutaasinnaasoq.

### **Innersuussut**

Allaffeqarfiup innersuussutigivaa tikaagulliit pisassiissutit pingasut imatut agguanneqassasut:

1. -tikaagullik ataaseq SAPP-mit aqunneqarluni pisassiissutigineqassasoq  
-tikaagullik ataaseq SAAPP-mit aqunneqarluni pisassiissutigineqassasoq  
-tikaagullik ataaseq Sarfannguarminut Itillermiullu ataasimoorlutik arlariillutik piniatigiillutik piniagassanngorlugu pisassiissutigineqassasoq

imaluunniit

2. -tikaagullik ataaseq SAPP-mit aqunneqarluni pisassiissutigineqassasoq  
-tikaagullik ataaseq SAAPP-mit aqunneqarluni pisassiissutigineqassasoq  
-tikaagullik ataaseq Knapp Sarfannguit-mit aqunneqarluni pisassiissutigineqassasoq

### **Siulittaasup aalajangiinera**

Siulittaasooq Teknikkeqarnermut ataatsimiititaliap sinnerlugu martsip 20-ani 2020 aalajangiivoq,

- Innersuussut 1 akuersissutigalugu

Aalajangiineq pillugu Teknikkeqarnermut ataatsimiititaliap tullissaanik ataatsimiilerpat ilisimatitsissutigineqassaaq.

---

Frederik Olsen  
Siulittaasooq  
Marst-ip 20-ani 2020

### **Aalajangiineq**

Tusaatissatut tinguneqarpoq

### **Ilannussat:**

1. Ukiumi pisassiiffiusumi 2020-imi tikaagulliit pisassiissutaasut nunap immikkoortuinut agguanneqarnerat.
2. Arfernik angisuunik illersuineq piniarnerlu pillugit Namminersorlutik Oqartussat nalunaarutaat nr. 9, 6.december 2018-imeesoq.
3. SAPP-ip oqaaseqaataa 12.03.2020-imeersoq
4. SAAPP-ip oqaaseqaataa 12.03.2020-imeersoq

**Imm. 17 Nuna Sten og Grus-ip (NSG) 2020-imi immap naqqani atortunik paaanissamut qinnuteqaataata akuerineqarnissaa pillugu tusarniummut, Qeqqata Kommuniata akissuteqaataa pillugu ilisimatitsissut.**

*Journalnr. 74.00*

Tunuliaqutaq

Aatsitassnut inatsimmi § 47 malillugu - Nuna Sten og Grus-ip (NSG) 2020-imi immap naqqani paaanissamut qinnuteqaataata akuerineqarnissaa pillugu tusarniaanermut atortussanik Aatsitassanut Aqutsisoqarfik 2020-imi februaarip 18-iani nassiussivoq. Suliffeqarfiit aatsitassanut atortunik katersisinnaanerannut/paaanissamut Aatsitassanut Aqutsisoqarfik akuersisusarpoq. Tusarniummut kingusinnerpaamik akissuteqarnissaaq 2020-imi marsip qulinganut killeqarpoq.

Killiliussap qanippalaanera pissutigalugu suliaq Teknikkimut Avatangiisinullu ataatsimiititaliamut saqqummiunneqarsinnaasimangilaq. Tusarniaanermi atortussaaq ilanngussaaq 1-imi takuneqarsinnaavoq.

Tusarniaanermut atatillugu Teknikkeqarnermut Avatangiisinullu immikkoortortaq Aatsitassanut Aqutsisoqarfimmu allaffissornikkut tusarniaanermi akissuteqaammik nassiussaqaarnikuuvoq. Tusarniaanermi akissuteqaat Sisimiuni TAI aamma Maniitsumi TAI sinnerlugit tunniunneqarpoq, ilanngusaaq 2-milu takuneqarsinnaalluni.

Saqqummiussami uani tusarniaanermut allaffeqarfiup akissuteqaataa pillugu ilisimatitsissutaavoq.

Maleruagassatigut tunngavigisaaq

Aatsitassat pillugit ingerlatallu tamatumunnga pingaarutillit pillugit inatsisartut inatsisaat nr. 7, 7. december 2009-imeersoq. (aatsitassanut ikummatissanullu inatsit)

Pissutsit atuuttut

Tusarniaanermi atortuni Nuna Sten og Grus-ip immap naqqani atortunik paaanissamut akuerineqarnissamut qinnuteqaataanut Aatsitassanik suliasaqarfimut Avatangiisinut Aqutsisoqarfiup (EAMRA), National Center for Miljø og Energi (DCE) Pinngortitaaleiffiullu (GN) oqaaseqaataat ilanngunneqarput.

Tusarniummut atortut naapertorlugit Qeqqata Kommuniani sumiiffiit arfinilusuni immap naqqani paaanissamik Nuna Sten og Grus-ip tullinguuttuni paaanissap akuerineqarnissaanik qinnuteqaateqarpoq:

1. Maniitsoq, Puiattoq
2. Maniitsoq, Sermilinnguaq
3. Maniitsoq, Inugsuit Tasiussaaq
4. Sisimiut, Itilleq kangerlua (kitaa)
5. Sisimiut, Itilleq kangerlua (kangia)
6. Sisimiut, Nulia (Siorarsuit nalaat)

Sumiiffiit 1 -5 qulaani allasimasut eqqarsaatigalugit Teknikkimut Avatangiisinullu Immikkoortortaq oqaaseqaateqarpoq, tassa tusarniaanermi atortut aallaavigalugit EAMRA, DCE aamma GN-ip sumiiffinnut aalajangersimasunut atorneqartut pillugit innersuussutaanut Qeqqata Kommunia isumaqataammat.

Sisimiuni sumiiffiit, Nulia (nalunnguarfissup nalaat) eqqarsaatigalugu, Teknikkimut Avatangiisinullu Immikkoortortaq ima oqaaseqaatissaaqarpoq: *"Nalunnguarfissuaq illoqarfimmu qanittumi inissisimavoq, taamaattumillu aqputaa inunnit atorneqangaatsiarluni. Sumiiffimmi tamaani immap naqqani paaanissaaq ernumanartoqartitsissaaq, tassa sissap allanngortinneqarnera pillugu tamaani paaaneq nalunnguartarfiup sukissaartarfittut atorneqartarnera naleerutissammat. Qeqqata Kommunia noqqaassuteqarpoq, Sisimiuni sumiiffimmi Nulia-p nalaani Nuna Sten og Grus-ip immap naqqani atortunik paaanissamik qinnuteqaataa Aatsitassanut Aqutsisoqarfimmit itigartitsissutigineqassaaq.*

Tusarniaanermi allakkani Teknikkimut Avatangiisnullu ilaatigut sumiiffinni misissuineranut kingullernut tunngaviusut ilaatigut apeqqutigineqarput, tusarniaanermilu atortuni siunissami sumiiffinni kikkut misissuisuussanersut oqaaseqaateqarfigineqarluni.

#### Atuilluartuunissakkut kingunerisinnaasai

Grus og Sand isumalluutitut atuilluartuuneruvoq, taamaattumillu ataatsimut isigalugu piaanermut attuumassuteqartumik paaaffiit eqqaanni sumiiffinnut akornutaasinnaasumik kingunissaqanngippat, immap naqqani atortunik paaaneq ajunngitsutut allaffeqarfimmit isigineqarpoq.

#### Aningaasaqarnikkut allaffissornikkullu kingunerisinaasai

Soqanngilaq

#### Allaffeqarfiup naliliinera

Immap naqqani atortunik paaaniarneq pingaaruteqarpoq, piiakkat assigiinngitsorpassuartigut atorluarneqarsinnaammata. Immap naqqani atortunik paaanissaq suliffeqarfinit sanaartornermik ingerlatsisunit kiisalu Qeqqata Kommunanit isumalluutigineqarpoq, tassami piiakkat sanaartornermut sanaartugassanillu suliniutitut, aqqusinigissaatitut allanullu atorneqartarmata.

#### **Innersuussut**

Teknikkeqarnermut ataatsimiititaliamit akuereqqullugu Teknikkeqarnermut Avatangiisinullu immikkoortortap innersussutigivaa,

- Nuna Sten og Grus-ip (NSG) 2020-imi immap naqqani atortunik paaanissamut qinnuteqataata akuerineqarnissaa pillugu Qeqqata Kommuniata tusarniummut akissuteqaataa pillugu ilisimatitsissut tusaatissatut tiguneqassasoq.

#### **Aalajangiineq**

Siunnersuut akuersissutigineqarpoq.

#### **Ilanngussat**

1. Tusarniaasummi atortut ( qinnuteqarnermi atortussat kiisalu RA, DCE aamma GN-mit oqaaseqaatit)
2. Nuna Sten og Grus-ip (NSG) 2020-imi immap naqqani atortunik paaanissamut akuersissutigineqarnissaa pillugu Qeqqata Kommuniata tusarniummut akissuteqaataa.

**Imm. 18      Maniitsumi Kalaalimineerniarfik**

*J.nr. 72.00*

Tunuliaqutaq

Qeqqata Kommuniiani Kalaalimineerniarfiit siunissaat pillugit isumasioqatigiinneq 19. september 2018 Sisimiuni ingerlanneqarpoq. Qeqqata Kommuniiani kalaalimineerniarfiit aserfallassimapput ullutsinnullu naleqqukkunnaarlutik.

Teknikkeqarnermut ataatsimiititaliap 5. november 2019 ataatsimiinnerani aalajangiunneqarpoq kalaalimineerniarfiit ineriartortinneqarnissaannut iliuseqarnissamut siunnersuisussanik Maniitsumi suleqatigiissitamik pilersitsisoqassasoq 1. maj 2020-p tungaanut sulisussamik.

Maleruaqqusatigut tunngavissat

- Inuussutissat pillugit Inatsisartut inatsisaat nr. 24, 28. november 2019-meersoq,
- Suliffeqarfiit inuussutissaleriffiusut pillugit Namminersornerullutik Oqartussat malunaarutaat nr. 21, 27. Juli 1998-meersoq,
- Kommunit inuussutissarsiutini il.il. aningaasaliinermikkut inuussutissarsiutinik ineriartortitseqataanissaminnut periarfissaat pillugit Inatsisartut inatsisissaat nr. 23, 18. december 2003-meersoq.
- Unammilleqatigiinneq pillugu Inatsisartut inatsisaat nr. 1, 15. maj 2014-imeersoq.

---

Pissutsit atuuttut:

Maniitsumi suleqatigiissitaq pilersinneqarpoq 25. november 2019.

Suleqatigiissitaq sulilluni aallartikkami ataatsimoorluni kalaalimineerniarfiup illutaa atortuulu pulaarlugu misissorpaat. Ataatsimiinnerit 5-it ingerlanneqarsimapput kisianni coronavirus pissutigalugu marsip qaammataaniit suleqatigiissitami ataatsimiinnerit ingerlanneqarsinnaajunnaarlutik. Suliallu nanginnera atorfilittanit ingerlanneqalerluni.

Suleqatigiissitap pingaartillugit saqqummiukkusuppai:

Maniitsumi kalaalimineerniarfiup illutaata inissisimaffia suleqatigiissitamit ajorineqanngilaq, illoqarfiup qeqqani sissamut qanittumi inissisimanagera iluarisimaarneqarmat. Taamaammat allamat nuunissaanik siunnersuuteqartoqanngilaq.

Illutaa 1997-imi sanaajusoq atorneqarnermini nungullarsimavoq aserfallassimallunilu nutarterneqarnissaalu pisariaqalersimalluni. Illutaa ullumikkumut atorneqartarneranut naleqqukkunnaarsimavoq mikivallaarmallu inikilliuuttoqarpoq, taamaammat allineqarnissaa pisariaqartinneqarmat innersuussutigineqarluni.

Illutaata allilerneratigut immikkut neqinik passussisarfeqalernissaa immikkullu aalisakkanik passussisarfeqalernissaa siunnersuutigineqarpoq.

Timmissanik sullivik erisartarfiusoq pitsaangorsaffigineqarnissaa pisariaqartinneqarpoq.

Neqinik, aalisakkanik timmissanillu passussinermi kalaalimineerniarfimmi atugassarititaasut inuussutissalerinermi inatsisinut naapertuuttunik pilersitsiviginissaat pisariaqartinneqarpoq.

Sulisut isersimaffigisinnaasaannik neriffiusinnaasumik, perusersarfiusinnaasumik

qaatiguertarfissaannaasumillu, eqqiaanermut atortunut, poortuutissanut assigisaannullu pequusivittut allaffittullu atorneqartussamik ininik pilersitsisoqarnissaa pisariaqartinneqarpoq.

Kalaalimineerniarfimmut tunngatillugu eqqaaveqarneq aamma eqqaavinnik imaarsisarneq maannakkut annertuumik atuisunit, sulisunit aamma innuttaasunit ajornartorsiutaasartoq ataatsimut isigalugu aaqiissutaasussanik pitsaangorsagassaavoq.

Suliffeqarfiit inuussutissaleriffiusut pillugit Namminersorerullutik Oqartussat nalunaarutaat nr. 21, 27. juli 1998-meersumi § 26-mi Kalaalimineerniarfinnit tuniniaaneq aalajangersaaffigineqarpoq. § 26, imm. 8-mi aalajangersarneqarpoq Kalaalimineerniarfinni inuussutissanik suliareqqiineq inerteqqutaasoq, tuniniaanermut atatillugu erisarneq, erlaviianeq isaterinerlu eqqaassangikkanni. Aalajangersagaq taanna malillugu taamaallaat nutaat suliareqqitaanngitsut aalisakkat, neqit timmissallu kalaalimineerniarfinni tuniniarneqarsinnaapput. Taakkua saniatigut Naalackersuisut immikkut akuersinerisigut suliareqqitat aalajangersimasut, aalisakkat neqillu panertut, tarajortikkat, pujuukkat aamma qerisut ukioq 2020-miit atuuttumik kalaalimineerniarfinni tuniniarneqarsinnaapput.

Qulaani taaneqartut Kalaalimineerniarfinni tunineqarsinnaasut saniatigut allanik suliareqqitanik kalaalimineerniarfimmi tuniniaasoqassappat taava Suliffeqarfiit inuussutissaleriffiusut pillugit Namminersorerullutik Oqartussat nalunaarutaat nr. 21, 27. juli 1998-meersumi piunasaqaatit malillugit tunisassiorfimmik pisiniarfittalimmik, naalackersuisunit akuerisaasumik pilersitsisoqartariaqassaaq. Assersuutigalugu neqinik imaluunniit nerpinnik aserortikkanik kalaalimineerniarfimmi tunisassiortoqarnissaa tuniniaasoqarnissaalu inerteqqutaavoq, aatsaallu tunisassiarineqarsinnaassapput tuniniarneqarlutillu kalaalimineerniarfik suliffeqarfittut inuussutissaleriffittut akuerisaasutut pilersinneqarpat.

Kommuni suliffeqarfimmik inuussutissaleriffimmik pilersitsissappat illu maannakkut kalaalimineerniarfiusumit anginerusoq tunisassiorfittut akuerisaasutut atorsinnaasoq atulersinneqartariaqarpoq.

Kommuni suliffeqarfimmik tunisassiorfittut akuerisaasumik pilersitsinermi aningaasaliissappat inatsisitigut tunngaviususaaq tassaavoq Kommunit inuussutissarsiutini il.il. aningaasaliinermikkut inuussutissarsiutinik ineriartortitseqataanissaminnut periarfissaat pillugit Inatsisartut inatsisaat nr. 23, 18. december 2003-meersoq.

Malinneqartussaavoq aamma Unammilleqatigiinneq pillugu Inatsisartut inatsisaat nr. 1, 15. maj 2014-meersoq.

Inatsisini taakkunanani alajangersagaavoq kommuni inuutissarsiutinut sunut qanorlu ittunut aningaasaliisnnaasoq. Kommunip aningaasaliinera unammilleqatigiinnermut innarliinnginnissaa inatsisini pineqartuni aalajangersakkat naapertorlugit qulakkeeqqaarneqartussaavoq. Taamaammat kommuni suliffeqarfimmik inuussutissaleriffiusumik akuerisaasumik pilersitsinissamik pilersaarusiussappat pilersaarut Unammilleqatigiinneq pillugu ataatsimiititaliamut saqqummiunneqaqqaartussaavoq.

Aatsaat unammilleqatigiinnermut innarliissanngitsoq Unammilleqatigiinneq pillugu ataatsimiititaliamit nalilernerqarpat pilersaarut kommunimit ingerlateqqinneqarsinnaavoq. Tassunga tulliullugu Kommunit inuussutissarsiutini il.il. aningaasaliinermikkut inuussutissarsiutinik ineriartortitseqataanissaminnut periarfissaat pillugit Inatsisartut inatsisaat nr. 23, 18. december 2003-meersoq naapertorlugu kommunip aningaasaliinera pinissaa aamma qulakkeeqqaarneqartussaavoq. Tassunga tunngatillugu Naalackersuisut siulittaasuata Naalackersuisoqarfiata ataani Nunamut Namminermut Immikkoortorta-q-mi Allaffeqarfimmiit suleqatigiisitamiit apeqquteqaateqarfigineqarpoq kalaalimineerniarfik suliffeqarfik inuussutissaleriffittut inatsit nr. 23, 18. december 2003-meersoq tunngavigalugu kommunimit pilersinneqarlunilu ingerlanneqarsinnaanersoq apeqquteqaatigineqarluni.

Akissuteqaataanni 26. februar 2020-meersumi nalunaarutigineqarpoq

Kalaalimineerniarfiit aalisartunut piniartunullu tuniniaavittut ingerlanneqarnissaat

atorunnaarsinneqarsinnaanera apeqquteqaammi pineqartoq, aammalu suliffeqarfimmik

inuussutissaleriffiusumik, tunisassianik suliareqqitanik tunisassiorlumik tuniniaasumillu soorlumi

pisiniarfiit, neriniartarfiit imaluunniit cafe-t assigalugit tuniniaasussamik pilersitsinissamut ingerlatsinissamullu aningaasaliisoqarsinnaanera apeqquteqaammi pineqartoq. Tassani illoqarfanni suliffeqarfinnut namminersortunut unammillertutut suliffeqarfiunissaa pineqartutut isigineqartariaqarpoq. Taamaalillunilu Kommunit inuussutissarsiutini il.il. aningaasaliinermikkut inuussutissarsiutinik ineriartortitseqataanissaminnut periarfissaat pillugit Inatsisartut inatsisaat nr. 23, 18. december 2003-meersumi § 4 imm. 3 naapertorlugu, taamatut sananeqaateqartunut kommuni aningaasaliisinnaangilaq. Nalilerneqarportaaq qulaani taaneqartoq taamatut aaqqissuussaasoq inatsisip qulaani taaneqartup ajornartinnagu tunngavigisassatut malittarisassaqaartinngikkaa. Issuaaneq aallartippoq: “§ 3 Suliassatut pilersaarutinit, suliffeqarfinnut, suliniaqatigiiffinnut peqatigiiffinnulluunniit aningaasaliisoqassanngilaq, aningaasaliineq suliffeqarfinnut pioreersunut il.il. unammilleqatigiinnikkut equsoorutaassappat.”

Ukiuni kingullerni 5-ni Maniitsumi kalaalimineerniarfimmi kaaviaartitat aamma kommunip tapiissutai pillugit takussutissaq:

Ukioq	Tunisinermi isertitat	Kommunip tapiissutai
2015	1.844.065,81	553.689,27
2016	1.893.255,81	588.324,71
2017	2.058.541,12	441.246,46
2018	1.844.941,03	732.017,82
2019	1.556.382,30	679.357,96

Atuilluartuunissakkut kingunerisinnaasai

Illutaa pisoqalisimavoq nutarterneqanngippallu ataavartumik aserfallatsaaliinerit atuilluarnertut isigineqarsinnaassanngillat.

Illutaata nutarterneratigut, allineratigut atortullu nutarterneqarnerisigut inuussutissanik nunatta nammineq pigisaanik atuilluarnerunissaq aqutissiuunneqarsinnaavoq.

Allaffeqarfiup naliliinera

Allaffeqarfiup nalilerpaa kommunip aningaasaliiffigisaanik suliffeqarfimmik inuussutissaleriffiusumik akuerisaasumik pilersitsineq ingerlatsinissarlun inatsisitigut periarfissaqanngitsaq. Kommunit suliffeqarfinnut namminersortunut unammillertutut inissinnginissaanik inatsisitigut piumasaqaatit tunngavigalugit.

Allaffeqarfiup aamma nalilerpaa Maniitsup inuttussusaa, kalaaliminerniarfiup kaaviaartitai inuussutissalerinermilu inatsisit eqqarsaatigalugit Maniitsumi kalaaliminerniarfiup namminersortunngorsarneqarnissaa, suliarinnittussarsiuussineq aqutigalugu maannakkut piviusorsiornerunngitsaq.

Allaffeqarfiup nalilerpaa kalaalimineerniarfik innuttaasut inuussutissanik nutaanik pilersorneqarnerannut annertuumik najukkami inuunermik atugarissaarnikkut peqqissutsikkullu pingaaruteqartoq.

Allaffeqarfiup nalilerpaa siunnersuutigalugulu ullumikkutut ingerlariaaseq, tassa kalaalimineerniarfik, tuniniaavisoq, kommunimit ingerlanneqartoq, sulii attatiinnarneqartariaqassasoq. Tamatuma saniatigut suleqatigiissitap naliliinera malillugu pisariaqalersimasooq Kalaalimineerniarfiup illutaata allineqarnissaa, illutaa iluvalu nutartertariaqartoq atortullu inuussutissalerinermut isumannaatsumik sanaajusut pissarsiarisariaqartut. Inuussutissanik isumannaatsumik innuttaasunut tuniniagaqarnissaaq pillugu aammali

sulisut sulinerminni avatangiisaat atuisullu pitsaasumik piumasaqaataasut tunngavigalugit avatangiiseqarnissaat pillugu.

Allaffeqarfiup nalilerpaa siunnersuutigalugulu projekteringimik avataanit siunnersorteqarnissaq pisariaqartoq, suliap pitsaasumik inerneqarnissaa pillugu; Kalaalimineerniarfiup illutaata allinissaa, iluata aaqqissugaanerata init aaqqissuunneqarneranut tunngatillugu, imermik pilersorneqarnera, atortut, nerriviit, nillartaartitsivit, qerititsiviit, sikuliorfik allallu atortut inuussutissanut atuuttussat eqqarsaatigalugit.

#### Innersuussut

Teknikkeqarnermut ataatsimiisitaliamut innersuussutigineqarpoq, projekteringimik avataanit siunnersorteqarnissaq, suliap pitsaasumik inerneqarnissaa pillugu; Kalaalimineerniarfiup illutaata allinissaa, iluata aaqqissugaanerata init aaqqissuunneqarneranut tunngatillugu, imermik pilersorneqarnera, atortut, nerriviit, nillartaartitsivit, qerititsiviit, sikuliorfik allallu atortut inuussutissanut atuuttussat siunertaralugu.

#### **Aalajangiineq:**

Oqaluuserisassaq oqaluuserisassamut 8-mut ilanngullugu eqqartorneqarpoq, aningaasartaanullu tunngatillugu oqaluuserisassami imm. 11-mi aalajangiisoqarluni.

#### **Ilanngussaq**

1. Qeqqata Kommuni Kalaalimineerniarfiit siunissaat pillugit 19. September 2018 isumasioqatigiinnermit imaqarniliaq.
2. Inuussutissat pillugit Inatsisartut inatsisaat nr. 24, 28. november 2019-meersoq
3. Suliffeqarfiit inuussutissaleriffiusut pillugit Namminersornerullutik Oqartussat nalunaarutaat nr. 21, 27. juli 1998.
4. Kommunit inuussutissarsiutini il.il. aningaasaliinermikkut inuussutissarsiutinik ineriartortitseqataanissaminnut periarfissaat pillugit Inatsisartut inatsisissaat nr. 23, 18. december 2003-meersoq.
5. Unammilleqatigiinneq pillugu Inatsisartut inatsisaat nr. 1, 15. maj 2014-meersoq (unammilleqatigiinnermut inatsit).
6. Naalakkersuisut siulittaasuata Naalakkersuisoqarfiata ataani Nunamut Namminermit Immikkoortortap akissutaa 26.02.2020-meersoq
7. Panertut pujuukkallu tuninirneqarsinaanerannik immikkut akuersineq.

**Imm. 19      Aalisartut piniartullu isumasioqatingiisinneqarnerat**

1. Mittarfeqarfinnut pisortatigoortumik saaffiginninnissaq Kangerlussuarmi piniartunut "sannavittut" atugassamik qinnuteqarnissaq.
2. Isumasioqatigiinnerup pilersarusiornera, april 2020.
3. Isumasioqatigiinnissamut qulequtassatut piukkussat.
4. Namminersorlutik Oqartussanut saaffiginninnissaq umimmanniarnermut atatillugu atugassarititaasut aalajangiiffigineqaleraangata Qeqqata kommuniata annertunerusumik aamma siusinnerusukkut peqataatinneqartarnissaa.
5. Namminersorlutik Oqartussanut saaffiginninnissaq tammajuitsussarsiornermi nunaminertanik piniarfissanik agguaanerani (koncession) Qeqqata kommuniata annertunerusumik oqartussaaqataatinneqartariaqarnera.

**Aalajangiineq:**

Tulliani ataatsimiinnissamut allaffeqarfik pilersaarummik siunnersuummik suliaqassaaq, aammalu isumasioqatigiinnissaq ukiup qanoq ilinerani pissanersoq aalajangiivigineqassaaq.



**Imm. 20**

**Tamalaat**

Sisimiuni Asfalteinissaq qaqugu pissanersoq apeqqutigineqarmat oqaatigineqarpoq tullissaani ataatsimiinnissami sammineqassasoq.

Siverth K. Heilmann-ip koncessioninut ataasiakkaanut akuersissutinik piginnittut paaserusullugit noqqaassutigivai.

Ataatsimiinneq naavoq.

16:35